

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB PUAN MARINA BINTI IBRAHIM (SKUDAI)

SOALAN B1

Blok 4 Flat Taman Jaya telah diistiharkan tidak selamat diduduki. Bangunan yang ditinggalkan kosong menjadi sarang penagih dan warga asing tinggal. BLOK 2 & 3 kini dalam kajian forensik menentukan keselamatan bangunan tersebut. Apakah perancangan Kerajaan Negeri terhadap kawasan tersebut?

JAWAPAN YB DATO' HAJI MOHD. JAFNI BIN MD. SHUKOR

Untuk makluman, antara keputusan Majlis Mesyuarat Kerajaan (MMK) Negeri Johor pada 13 Ogos 2008 berhubung Blok 4, Rumah Pangsa Taman Jaya, Skudai adalah untuk pihak Majlis Bandaraya Iskandar Puteri (MBIP) menyediakan pengangkutan perpindahan bagi penduduk yang terjejas. Program perpindahan bagi beberapa keluarga atau penduduk yang masih menduduki Blok 4, Rumah Pangsa Taman Jaya ke Projek Perumahan Rakyat (PPR) Melana 2 yang terakhir telah dilaksanakan pada 17 Jun 2022 sehingga 15 Julai 2022.

Pihak MBIP juga telah memasang pagar penghadang di Blok 4, Rumah Pangsa Taman Jaya, Skudai pada 11 Mac 2019. Operasi tindakan pemotongan bekalan air dan elektrik bersama Syarikat Air Johor (SAJ) dan Tenaga Nasional Berhad (TNB) di Blok 4, Rumah Pangsa Taman Jaya juga telah dilaksanakan pada 03 Ogos 2023 bagi memastikan tiada lagi penduduk atau mana-mana orang menduduki bangunan tersebut.

Mengenai tindakan perobohan bangunan Blok 4, berdasarkan keputusan MMK di atas juga, YB Penasihat Undang-undang Negeri Johor telah diminta untuk menyemak Prosedur Notis Keluar Penduduk yang dikeluarkan oleh MBIP dan memberi pandangan sama ada bangunan boleh dirobohkan atau tidak.

Berdasarkan pandangan dan nasihat YB Penasihat Undang-undang kepada pihak MBIP melalui surat 26 September 2008 dan 14 April 2009, tindakan penguatkuasaan yang perlu dilaksanakan oleh MBIP adalah di bawah peruntukan kacau ganggu dengan mengeluarkan notis kacau ganggu. Sebagaimana perbincangan dengan Timbalan Pendakwa Raya (TPR), MBIP perlu melaksanakan sabitan berhubung kacau ganggu terlebih dahulu, disusuli dengan permohonan perintah peruntuhan.

Untuk makluman, Pengisyntiharan Kacau Ganggu Blok 4 telah diwartakan pada 14 April 2016 dan Notis Menghendaki Kacau Ganggu Dihapuskan kepada pemilik, penduduk, pemaju Park Soon Land & Housing Development Sdn Bhd dan Jabatan Insolvensi Malaysia Cawangan Muar telah pun dikeluarkan pada 15 November 2018. Pihak MBIP telah memohon pandangan Pengarah Pendakwaan Negeri Johor melalui surat bertarikh 27 Julai 2022 berkenaan kes Blok 4 tersebut dan juga telah mengadakan perbincangan dengan Timbalan Pendakwa Raya pada 08 Februari 2023 berhubung penyediaan kertas siasatan.

Susulan daripada perbincangan tersebut, Timbalan Pendakwa Raya melalui komunikasi pada 02 Ogos 2023 memaklumkan pandangan Pengarah Pendakwaan Negeri sebelum ini bahawa pihak MBIP tiada kuasa untuk memulakan prosiding kes pendakwaan sebagaimana

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

pandangan Penasihat Undang-undang Negeri Johor pada perenggan 4.3 (iv)(c) melalui surat bertarikh 14 April 2009 sebagaimana berikut:

4.3 (iv)(c) BAHAGIAN-XXXVII, SUBSEKSYEN 376 (1) PENDAKWA RAYA, KANUN PROSEDUR JENAYAH AKTA 593

Berdasarkan peruntukan ini, **izin kuasa untuk memohon Perintah hendaklah dibuat oleh Ketua Penolong Setiausaha Kerajaan Tempatan** kepada Ketua Unit Pendakwaan Negeri Johor. Pegawai Undang-undang yang akan memohon Perintah tersebut hendaklah tertakluk kepada segala kawalan, arahan, Batasan dan sekatan yang dinyatakan oleh Ketua Unit Pendakwaan Negeri Johor.

Seterusnya, pihak MBIP juga telah mengadakan perbincangan dengan pihak SUK Bahagian Kerajaan Tempatan, 9 Ogos 2023, yang berpandangan Bahagian Kerajaan Tempatan perlu mendapat mandat daripada Majlis Mesyuarat Kerajaan (MMK) Negeri Johor sebelum memulakan sebarang tindakan.

Pihak MBIP akan mengadakan perbincangan dengan Pejabat Timbalan Pendakwa Raya berkenaan pandangan Pengarah Pendakwaan Negeri sebelum ini berhubung kuasa memulakan prosiding bagi kes Blok 4, Rumah Pangsa Taman Jaya berkenaan penyediaan kertas siasatan kepada 64 pemilik atau pemilik rumah serta perbincangan prosedur permohonan perintah penutupan dan perintah peruntuhan. Pihak MBIP tidak dapat melaksanakan peruntuhan bangunan Blok 4 tanpa mengikut peruntukan kuasa dan perundangan sedia ada. Hal ini kerana sekiranya perlucutan hak terhadap harta tanpa mengikut kuasa undang-undang dilaksanakan, pihak MBIP perlu bertanggungan untuk membayar pampasan kepada pemilik petak.

Sekiranya tindakan yang sama ini dilaksanakan bagi Blok 2 dan 3 Rumah Pangsa Taman Jaya tersebut, prosedur yang sama sebagaimana dilaksanakan bagi Blok 4, Rumah Pangsa Taman Jaya perlu dilaksanakan. Mesyuarat penyelaras bersama pihak Bahagian Perancangan Ekonomi Negeri Johor (BPEN) terdahulu pernah dicadangkan untuk pelaksanaan pengambilan balik tanah untuk tujuan pembangunan semula mengikut persetujuan Pihak Berkuasa Negeri.

Kajian forensik untuk menentukan keselamatan bangunan.

Untuk makluman, Jabatan Kejuruteraan MBIP telah melantik pihak perunding iaitu KI Integrated Consultant Sdn. Bhd. untuk melaksanakan kajian dan pelaporan forensik struktur bagi blok 2 dan blok 3, rumah pangsa kos rendah empat tingkat, iaitu Rumah Pangsa Taman Jaya, Skudai. Tempoh kontrak kajian adalah selama 5 bulan bermula dari 19 Jun 2023 dan tamat pada 18 November 2023.

Skop kerja yang dilaksanakan oleh pihak perunding adalah melibatkan kajian tanah dan kajian struktur terhadap bangunan blok 2 dan blok 3 serta kawasan luar bangunan dalam sempadan rumah pangsa tersebut. Pihak perunding perlu melaksanakan beberapa ujian sampel dan analisis terhadap bangunan tersebut. Pihak perunding telah melaksanakan ujian

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

dan mengambil sampel di tapak bagi mendapatkan data-data sebelum peringkat analisis dilaksanakan.

Pihak perunding akan melaksanakan data analisis terhadap sampel pada akhir bulan September dan dijangka keputusan analisis dikeluarkan pada awal bulan November. Bagi mengesahkan tahap keselamatan bangunan tersebut, pihak MBIP akan menunggu laporan dan analisis yang akan dikeluarkan oleh pihak perunding bertauliah sebelum mengesahkan tahap keselamatan bangunan tersebut. Untuk makluman, kajian forensik ini hanya tertumpu dan melibatkan kajian terhadap forensik bangunan sahaja kerana ianya melibatkan keselamatan kepada penduduk dan penghuni bangunan tersebut.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB PUAN MARINA BINTI IBRAHIM (SKUDAI)

SOALAN B2

Masih ada premis yang menjual rokok elektronik atau vape. Apakah pendirian terkini Kerajaan Negeri berkenaan penjualan rokok vape di Johor?

JAWAPAN YB DATO' HAJI MOHD. JAFNI BIN MD. SHUKOR

Sebagaimana Yang Berhormat Datuk Speaker dan Ahli-Ahli Yang Berhormat sedia maklum, larangan jualan peranti rokok elektronik atau vape di seluruh negeri Johor sebagaimana titah Tuanku Sultan dan arahan kepada pemilik premis bagi menghentikan aktiviti jualan peranti tersebut masih lagi berkuatkuasa sejak 1 Januari 2016 sehingga sekarang.

Bagi mengawal aktiviti penjualan rokok elektronik atau vape melalui pengeluaran lesen premis atau penjaja, Pihak Berkuasa Tempatan (PBT) **menambah syarat baru** dalam syarat pengeluaran lesen yang sedia ada, iaitu bagi jenis-jenis perniagaan yang boleh memberi ruang kepada peniaga menjual peranti rokok elektronik atau vape merujuk kepada Jadual jenis-jenis perniagaan yang dileSENKEN dalam Undang-undang Kecil Pelesenan Tred, Perniagaan dan Perindustrian yang digunakan oleh semua PBT Negeri Johor.

Bermula tahun 2016, pengeluaran lesen baru dan permohonan pembaharuan lesen perniagaan telah dimasukkan syarat baru sebagai tambahan syarat lesen sedia ada sebagaimana berikut;

"Peniaga-peniaga adalah dilarang menjalankan perniagaan yang melibatkan jualan peranti rokok elektronik (vape) dan mana-mana barang lain yang berkaitan dengan peranti rokok elektronik tersebut."

Bagi memastikan kaedah kawal selia pengeluaran lesen perniagaan dan tindakan penguatkuasaan oleh PBT dapat dilaksanakan dengan lebih berkesan, Undang-Undang Kecil Pelesenan Tred, Perniagaan dan Perindustrian dipinda dengan memasukkan peruntukan-peruntukan yang memberi kuasa kepada PBT melakukan pemeriksaan, penggeledahan dan penyitaan terhadap premis perniagaan bagi mengawal premis dan aktiviti tred, perniagaan dan perindustrian di kawasan pentadbiran PBT. Sekiranya didapati ada aktiviti penjualan peranti tersebut, PBT akan mengambil tindakan di bawah undang-undang kecil tersebut dan premis akan disita. Pemantauan berkala dijalankan dari semasa ke semasa bagi memastikan tiada aktiviti jualan rokok elektronik atau vape di kawasan PBT Negeri Johor.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB PUAN MARINA BINTI IBRAHIM (SKUDAI)

SOALAN B3

Adakah Kerajaan Negeri mempunyai data jumlah penduduk Johor (kanak-kanak) yang masih tidak divaksin selepas kelahiran?

JAWAPAN YB TUAN LING TIAN SOON

Jabatan Kesihatan Negeri sentiasa memantau pencapaian kanak-kanak yang menerima vaksinasi dari masa ke semasa secara berkala. Pelbagai usaha dilaksanakan bagi mengesan kanak-kanak keciciran vaksinasi seperti mengenalpasti kanak-kanak kes cicir (*defaulter tracing*), membuat lawatan rumah, promosi kepentingan vaksinasi dan pendidikan kesihatan di klinik dan sosial media. Walau bagaimanapun, terdapat juga sebilangan kecil ibubapa iaitu kurang dari 0.4% yang menolak vaksinasi dengan alasan tertentu seperti tidak percaya kepentingan vaksin, meragui status halal dan sebagainya. Ibu bapa ini telah dirujuk kepada Pegawai Perubatan dan Doktor Pakar bagi tujuan penjelasan kepentingan vaksinasi terutamanya untuk mengelakkan penyakit berjangkit yang boleh dielakkan dengan pengambilan vaksin (*vaccine preventable disease*).

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB PUAN MARINA BINTI IBRAHIM (SKUDAI)

SOALAN B4

Ramai rakyat di lapangan sangat daif kehidupannya tetapi mereka tidak tersenarai dalam sistem e-Kasih. Apakah langkah mudah bagi mereka mendaftarkan diri agar tersenarai dalam e-Kasih?

JAWAPAN YB PUAN HAJAH KHAIRIN-NISA BINTI ISMAIL @ MD ON

Pendapatan Garis Kemiskinan (PGK) merupakan pendapatan isi rumah bulanan yang disediakan oleh Jabatan Perangkaan dan Kementerian Ekonomi. PGK dikira berdasarkan jumlah pendapatan yang diperlukan oleh sesebuah isi rumah bagi memenuhi keperluan minimum makanan dan bukan makanan untuk hidup sihat dan aktif dalam masyarakat. Penetapan PGK ini adalah berdasarkan Survei Pendapatan, Perbelanjaan Isi Rumah (HIES) dan Kemudahan Asas (BA) 2019. PGK di Negeri Johor adalah seperti berikut:

NEGERI	SAIZ ISI RUMAH PURATA	PENDAPATAN GARIS KEMISKINAN (PGK) 2019 (RM Bulanan)			
		Miskin		Miskin Tegar	
		Isi Rumah (RM)	Per kapita (RM)	Isi Rumah (RM)	Per kapita (RM)
JOHOR	3.8	2,505	692	1,165	344
Bandar	3.7	2,517	701	1,267	347
Luar Bandar	3.9	2,455	658	1,257	331

Berkkuatkuasa Pada 1 Februari 2021
Sumber : Unit Perancang Ekonomi, Jabatan Perdana Menteri (EPU)

Bagi memastikan tiada golongan miskin yang tercicir, orang awam sama ada individu ataupun masyarakat, pemimpin-pemimpin tempatan boleh membuat pelaporan mengenai isi rumah miskin melalui pejabat daerah ataupun terus ke Pejabat Pembangunan Negeri Johor.

Setiap aduan, laporan atau permohonan pendaftaran eKasih akan melalui sisihan awal berdasarkan PGK yang ditetapkan. Kemudian senarai nama yang melepas tapisan akan dibawa untuk pengesahan Mesyuarat Focus Group Daerah (FGD) yang dipegerusikan oleh Pegawai Daerah.

Secara ringkasnya, Pemohon perlu ke Pejabat Daerah untuk membuat semakan e-Kasih. Semakan ini adalah untuk memeriksa pendapatan perkapita keluarga sama ada layak untuk menerima atau tidak. Seterusnya, data pemohon akan diserahkan kepada Pejabat Pembangunan Negeri Johor untuk ditentukan samada pemohon layak untuk menerima e-Kasih atau tidak. Pihak Pejabat Pembangunan Negeri Johor akan mengadakan bancian rumah ke rumah pemohon dan sekiranya layak, pemohon akan didaftarkan di bawah e-Kasih.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB PUAN MARINA BINTI IBRAHIM (SKUDAI)

SOALAN B5

Kebanyakan (JMB) atau (MC) tidak dapat menyelenggara kawasan unit strata secara sempurna dan menjelaskan kualiti kehidupan rakyat Johor. Apakah tindakan tambahan oleh PBN dan PBT untuk memastikan unit strata di Johor dikendalikan dengan baik?

JAWAPAN YB DATO' HAJI MOHD. JAFNI BIN MD. SHUKOR

**MAKLUM BALAS AKAN DIBERIKAN KEPADA YANG BERHORMAT SECARA TERUS
DARIPADA YB EXCO YANG BERKENAAN.**

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN TAN CHONG (BEKOK)
SOALAN B6

Permohonan telah dimajukan kepada YAB Menteri Besar Johor mengenai permohonan PERUNTUKAN KHAS bagi menyediakan kemudahan prasarana penempatan baru di Kampung Usaha Jaya. Apakah status permohonan tersebut?

JAWAPAN YAB MENTERI BESAR

Berdasarkan semakan, peruntukan untuk menyediakan kemudahan prasarana penempatan baru di Kampung Usaha Jaya tidak dimajukan ke Pejabat Daerah Segamat. Walau bagaimanapun, perkara ini boleh dimajukan kepada Kementerian Kemajuan Desa dan Wilayah (KKDW) untuk dipertimbangkan.

Sekian, terima kasih.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN TAN CHONG (BEKOK)

SOALAN B7

Pusat Pelancongan Eco Rimba Sungai Bantang Bekok telah menjadi tumpuan rakyat untuk berehat dan sering mengalami kesesakan pada hujung minggu dan cuti umum. Adakah Kerajaan Negeri Johor mempunyai perancangan melebarkan lagi jalan masuk utama dan kawasan meletak kenderaan awam?

JAWAPAN YAB MENTERI BESAR

Laluan masuk ke Taman Eco Rimba (TER) Sungai Bantang ini telah didaftarkan di dalam sistem MARRIS di bawah Pejabat Daerah Segamat.

Laluan ini hanya mempunyai 1 lorong dengan kelebaran 4.5m dan panjang 2.3km. Pihak Jabatan Kerja Raya (JKR) Negeri Johor telah memohon peruntukan sebanyak **RM 23 juta bagi cadangan menaiktaraf jalan ini kepada 2 lorong** di dalam **Rolling Plan Ke-Empat Rancangan Malaysia Kedua Belas (RP4 RMKe-12) Tahun 2024** sebagaimana surat JKR Negeri Johor Ruj: (49) dlm.JKRJ.J.060/200/135 Jld 4 bertarikh 6 Februari 2023.

TER Sungai Bantang ini adalah lokasi ekopelancongan yang sangat popular di Negeri Johor. Purata kehadiran pengunjung adalah seramai 2,000 hingga 3,000 orang sehari terutamanya pada musim cuti mingguan, cuti am dan cuti sekolah. TER Sungai Bantang telah menerima Anugerah Destinasi Pelancongan Lestari Johor 2023 pada Majestic Johor Tourism Award bertarikh 27 Ogos 2023.

Pada masa memang terdapatnya keperluan untuk melebarkan jalan masuk sepanjang jalan dan penambahan jumlah lot parkir kenderaan dan bas. Pada masa ini terdapat sebanyak 110 lot parkir kereta dan 4 lot parkir bas yang tidak mampu menampung keperluan pengunjung dalam satu-satu masa. Jalan masuk sedia ada tidak dapat menampung kapasiti kenderaan yang tinggi semasa musim kemuncak.

Jabatan Perhutanan Negeri Johor mempunyai perancangan untuk melebarkan jalan dan penambahan lot parkir kenderaan bagi permohonan Peruntukan Pembangunan Negeri P71 Tahun 2025.

Pelebaran laluan masuk dan penambahan lot parkir ini adalah melibatkan pemotongan/penambakan tanah dan tebangan pokok sepanjang jajaran yang memerlukan kos pembangunan yang agak tinggi.

Walaupun begitu, terdapat perancangan untuk mengadakan perkhidmatan *shuttle* (bas/kenderaan) kepada pengunjung daripada Stesen Keretapi Bekok untuk mengunjungi TER Sungai Bantang secara ulang-alik.

Namun, perancangan ini memerlukan perbincangan yang lebih teliti dengan pihak-pihak yang terlibat dengan harapan ianya akan dapat menaikkan sosio-ekonomi setempat sekitar Pekan Bekok.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN TAN CHONG (BEKOK)

SOALAN B8

Pokok adalah penyumbang oksigen untuk manusia, mengekalkan kehijauan pepohon dengan dihias pencahayaan yang baik akan menyerlahkan lanskap di setiap PBT. Adakah Kerajaan Johor bercadang untuk mengalakkan PBT mengekalkan pepohon di dalam kawasan PBT dan mengelakkan penebangan pokok di kawasan bandar?

JAWAPAN YB DATO' HAJI MOHD. JAFNI BIN MD. SHUKOR

Kerajaan Negeri melalui Pihak Berkuasa Tempatan (PBT) telah melaksanakan Inisiatif Bandar Rendah Karbon dengan program penghijauan bandar. Program ini sangat mementingkan penanaman pokok teduhan dan pokok renek yang mana bagi setiap cadangan pembangunan baru yang ingin dibangunkan, pemaju disyaratkan untuk menyediakan cadangan penghijauan dan lanskap.

Pihak PBT juga dalam usaha memperkemaskan lanskap dalam bandar dengan mengekalkan pokok-pokok bernilai tinggi sedia ada manakala pokok yang tidak boleh diselamatkan akan ditebang dan diganti dengan pokok-pokok baru yang lebih mudah untuk diselenggara dengan jumlah dan spesifikasi yang boleh dipertimbangkan bagi mengekalkan kehijauan dalam kawasan bandar.

Kerajaan juga sangat komited bagi menggalakkan dan memantau semua pihak dalam melaksanakan kempen menanam pokok. Malahan, dalam Pelan Induk Lanskap terdapat garis panduan dalam pemilihan spesis pokok yang bersesuaian bagi mendatangkan impak yang tinggi kepada orang awam dan juga alam sekitar.

Sehubungan itu, bagi mana-mana tanaman lanskap sediada, hanya kerja-kerja penyelenggaraan berkala pokok melalui kerja-kerja *pruning* dan cantasan serta tiada penebangan pokok dilakukan kecuali dalam kes-kes tertentu yang melibatkan kacau ganggu dan dikenal pasti akan membahayakan keselamatan orang awam dengan melalui proses semakan dari segi status tanah dan penilaian pemeriksaan kondisi pokok terlebih dahulu.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

**YB TUAN TAN CHONG (BEKOK)
SOALAN B9**

Pusat Pelupusan Sampah di Majlis Daerah Labis menjadi tumpuan pembuangan sampah dari kawasan Batu Pahat dan Muar menyebabkan kawasan tersebut hampir penuh. Bilakah Pusat Pelupusan Sampah di Bukit Payung Batu Pahat siap untuk kegunaan sampah daripada Daerah Batu Pahat?

JAWAPAN YB DATO' HAJI MOHD. JAFNI BIN MD. SHUKOR

Tapak Pelupusan Sisa Pepejal Sanitari Bukit Payong (TPS Bukit Payong), Batu Pahat, Johor adalah masih dalam peringkat pembinaan. Berdasarkan semakan bersama Jabatan Pengurusan Sisa Pepejal Negara (JPSPN), TPS Bukit Payong ini dijangka akan mula beroperasi pada bulan Januari 2024, di mana TPS Bukit Payong akan menerima sisa daripada keseluruhan sisa daripada skim Majlis Perbandaran Batu Pahat (MPBP) dan Majlis Daerah Yong Peng (MDYP) untuk dilupuskan.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB PUAN SARASWATI A/P NALLATHAMBY (KEMELAH)
SOALAN B10

Adakah PDK akan dijadikan Pusat Asuhan dan apakah ianya memberi kesan lebih positif kepada pelatih serta masyarakat setempat?

JAWAPAN YB PUAN HAJAH KHAIRIN-NISA BINTI ISMAIL @ MD ON

Pertubuhan Pemulihan Dalam Komuniti (PPDK) adalah pertubuhan yang menyediakan program latihan dan pemulihan bagi orang kurang upaya. Ia merupakan satu strategi dalam pembangunan komuniti setempat bagi pemulihan, latihan, pendidikan, penyamaan peluang dan integrasi sosial m Orang Kurang Upaya(OKU) di sekitar komuniti.

Kerajaan Negeri melalui Jabatan Kebajikan Masyarakat (JKM) Negeri Johor mengambil berat mengenai pengoperasian sesebuah PPDK bagi memberikan perkhidmatan yang berkualiti kepada pelatih-pelatih yang sedang menjalani latihan dan pemulihan di PPDK. Sehubungan dengan itu, dalam memberikan perkhidmatan terbaik, Jabatan sedang mengambil langkah ke arah pendaftaran PPDK ini di bawah Akta Pusat Jagaan 1993 (AKTA 506). Proses pendaftaran PPDK ini dilakukan secara beperingkat.

Bagi pendaftaran PPDK sebagai sebuah pusat Jagaan ianya perlu mendapat sokongan atau ulasan daripada Agensi Teknikal yang terlibat secara lansung dalam proses pendaftaran sebelum Jabatan Kebajikan Masyarakat mengeluarkan perakuan Pusat Jagaan di bawah Akta Pusat Jagaan 1993 (Akta 506). Agensi Teknikal yang terlibat adalah Pihak Berkuasa Tempatan (PBT), Jabatan Bomba dan Penyelamat serta Jabatan Kesihatan.

Pendaftaran PPDK di bawah Akta Pusat Jagaan 1993 (Akta 506) semestinya akan memberi kesan yang lebih positif kepada pelatih serta masyarakat setempat. Hal ini adalah kerana PPDK wajib mematuhi syarat-syarat dan piawaian minimum yang ditetapkan oleh kerajaan bagi menjamin kebajikan, kesejahteraan, dan keselamatan penghuni. PPDK yang berdaftar di bawah Akta Pusat Jagaan 1993 Pusat jagaan berdaftar juga boleh mendapat bantuan kewangan, peralatan, latihan, khidmat nasihat dan sokongan teknikal daripada Jabatan Kebajikan Masyarakat (JKM) atau agensi-agensi kerajaan yang berkaitan.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB PUAN SARASWATI A/P NALLATHAMBY (KEMELAH)
SOALAN B11

Adakah kerajaan menyediakan satu garis panduan khas atau gambaran industri yang boleh memberi laluan kepada golongan Orang Kurang Upaya untuk disertai?

JAWAPAN YB PUAN HAJAH KHAIRIN-NISA BINTI ISMAIL @ MD ON

Golongan Orang Kurang Upaya (OKU) mempunyai hak dan peluang yang sama untuk menyumbang kepada pembangunan negara dan industri. kerajaan telah menyediakan beberapa garis panduan khas atau gambaran industri yang boleh memberi laluan kepada golongan OKU untuk disertai, seperti berikut:

Dalam Industri Perkhidmatan Awam, kerajaan telah mengeluarkan Pekeliling Perkhidmatan Bilangan 16 Tahun 2010 Dasar yang memperuntukkan satu peratus peluang pekerjaan dalam perkhidmatan awam kepada Orang Kurang Upaya (OKU). Dasar ini dilaksanakan selaras dengan usaha kerajaan untuk meningkatkan lagi keupayaan modal insan di kalangan rakyat Malaysia, khususnya bagi OKU dan merealisasikan hasrat menjadikan rakyat Malaysia sebagai masyarakat penyayang. Melalui dasar ini, OKU yang memiliki kelayakan akademik dan kemahiran yang sesuai dengan bidang tugas suatu jawatan akan dipertimbangkan peluang pekerjaan dalam perkhidmatan awam.

Sebagai persediaan kepada golongan OKU memasuki sektor pekerjaan, kerajaan melalui Jabatan Kebajikan telah menyediakan pusat latihan bagi melatih OKU seperti Pusat Latihan Perindustrian dan Pemulihan Bangi memberikan perkhidmatan kepada OKU melalui latihan vokasional serta pemulihan perubatan. Selain itu juga, Bengkel Terlindung telah ditubuhkan mengikut Kaedah-kaedah Workshop Terlindung 1979. Bengkel ini dikhaskan untuk OKU yang tidak berdaya saing untuk mendapat pekerjaan di pasaran terbuka. Terdapat dua (2) buah bengkel terlindung iaitu seperti Bengkel Daya Klang dan Bengkel Daya Sungai Petani.

Kerajaan juga telah mengeluarkan Garis Panduan Pelaksanaan Pendidikan Inklusif di Sekolah Rendah dan Menengah. Garis panduan ini bertujuan untuk memberikan panduan kepada pihak sekolah dalam melaksanakan pendidikan inklusif yang melibatkan pelajar OKU bersama-sama dengan pelajar lain di sekolah umum. Garis panduan ini juga menggariskan peranan dan tanggungjawab pihak sekolah, guru, ibu bapa, agensi kerajaan dan NGO dalam menyediakan persekitaran pembelajaran yang kondusif, selamat dan menyeronokkan bagi pelajar OKU.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN CHEN KAH ENG (STULANG)

SOALAN B12

Apakah status penambahan e-Gate di CIQ BSI?

JAWAPAN YAB MENTERI BESAR

Untuk makluman Yang Berhormat Stulang, penambahan e-Gate di Pejabat Imigresen Bangunan Sultan Iskandar (BSI) telah dicadangkan menerusi Projek TWG3 (*Technical Working Groups*) yang dijangka akan dilaksanakan pada tahun ini. Jumlah keseluruhan E-gate sedia ada di BSI adalah sebanyak 40 unit.

Skop perolehan projek ini melibatkan Perolehan Sewa Milik Peralatan Dan Perisian Sistem e-Gate iaitu penambahan sebanyak 26unit bagi tempoh 3 tahun. Walau bagaimanapun, projek ini masih dalam proses perolehan yang mana ia dipinda semula daripada rundingan terus kepada tender terbuka.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN CHEN KAH ENG (STULANG)

SOALAN B13

Setakat ini, berapakah jumlah kilometer air paip yang telah ditukar di Johor?

JAWAPAN YB TUAN IR. TS. MOHAMAD FAZLI BIN MOHAMAD SALLEH

Untuk makluman Yang Berhormat, Ranhill SAJ telah menguruskan jajaran paip sepanjang 24,000km bagi membekalkan air bersih untuk pengguna di negeri Johor dan berdasarkan rekod sehingga akhir bulan Ogos 2023, sepanjang 1500km paip *Asbestos Cement (AC)* yang lama telah diganti dengan paip yang baru diseluruh daerah dalam negeri Johor sejak tahun 2010.

Sekian, terima kasih.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN CHEN KAH ENG (STULANG)

SOALAN B14

Berapakah jumlah rumah mampu milik yang siap dibina di Johor pada tahun 2022 dan 2023?

JAWAPAN YB DATO' HAJI MOHD. JAFNI BIN MD. SHUKOR

Kerajaan negeri sentiasa menambah kawasan baru untuk pembangunan perumahan mampu milik dari masa ke masa. Berdasarkan rekod semasa untuk Daerah Johor Bahru mempunyai 79,959 unit. Sasaran siap sehingga 2026 adalah sebanyak 10,789 unit manakala rizab sebanyak 69,170 unit. Buat masa ini, tiada projek yang melibatkan kawasan Stulang.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN NG YAK HOWE (BENTAYAN)

SOALAN B15

Senaraikan statistik jumlah penumpang bagi semua laluan Bas Muafakat di Daerah Muar dan jumlah peruntukan bagi tahun 2021, 2022 dan 2023 mengikut pecahan bagi setiap laluan tersebut.

JAWAPAN YB TUAN IR. TS. MOHAMAD FAZLI BIN MOHAMAD SALLEH

Statistik jumlah penumpang laluan Bas Muafakat Johor mengikut tahun dan bulan:

TAHUN	BULAN	MU001	MU002	MU003	MU004	MU005
20 21	JANUARI	598	597	638	718	
	FEBRUARI	581	562	616	680	
	MAC	668	647	701	756	
	APRIL	628	588	639	710	
	MEI	681	599	654	563	
	JUN	530	489	521	597	
	JULAI	537	492	513	597	
	OGOS	525	499	517	597	
	SEPTEMBER	563	529	543	597	
	OKTOBER	614	566	580	684	
	NOVEMBER	657	645	586	685	
	DISEMBER	682	679	685	729	
JUMLAH		7,264	6,892	7,193	7,913	
JUMLAH KESELURUHAN TAHUNAN : 29,262						
	BULAN	MU001	MU002	MU003	MU004	MU005
	JANUARI	704	690	703	755	
	FEBRUARI	643	639	634	680	

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

20 22	MAC	722	695	712	722	
	APRIL	784	772	756	724	
	MEI	780	795	773	770	
	JUN	775	783	763	757	
	JULAI	791	801	798	786	
	OGOS	803	818	805	788	
	SEPTEMBER	783	789	775	812	
	OKTOBER	834	837	820	923	294
	NOVEMBER	743	510	773	4,404	569
	DISEMBER	746	554	582	4,509	517
	JUMLAH	9,108	8,683	8,894	16,630	1380
	JUMLAH KESELURUHAN : 44,695					
20 23	BULAN	MU001	MU002	MU003	MU004	MU005
	JANUARI	745	534	737	4044	519
	FEBRUARI	621	567	730	3469	590
	MAC	677	773	803	2940	759
	APRIL	653	639	770	3140	390
	MEI	732	711	809	3671	415
	JUN	678	643	592	4002	585
	JULAI	721	863	686	3804	498
	OGOS	660	772	701	3018	474
	SEPTEMBER					
	OKTOBER					
	NOVEMBER					

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

	DISEMBER				
	JUMLAH	5487	5502	5828	28088
	JUMLAH KESELURUHAN : 49135				

Jumlah Peruntukan Mengikut Pecahan Laluan:

NO LALUAN	LALUAN	2021	2022	2023
MU001	Terminal Maharani – Parit Setongkat – Terminal Maharani	292,292	292,292	292,292
MU002	Terminal Maharani – Tmn Sri Tanjung - Terminal Maharani	263,968	263,968	263,968
MU003	Terminal Maharani - Pekan Bakri – Terminal Maharani	296,672	296,672	296,672
MU004	Terminal Maharani – Bukit Pasir - Pagoh	845,632	845,632	845,632
MU005	Terminal Maharani - Bukit Pasir - Jorak		83,700	350,400
JUMLAH		1,698,564	1,782,264	2,048,964

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN NG YAK HOWE (BENTAYAN)

SOALAN B16

Nyatakan statistik kekerapan gangguan bekalan elektrik daerah Muar bagi Julai 2022 – Julai 2023 dan nyatakan tindakan-tindakan untuk mengurangkan kekerapan gangguan bekalan elektrik?

JAWAPAN YB TUAN IR. TS. MOHAMAD FAZLI BIN MOHAMAD SALLEH

Statistik kekerapan gangguan bekalan elektrik voltan tinggi daerah Muar dari Julai 2022 hingga Julai 2023 :

2022

Mth/Yrs	Bil
Jul-22	13
Aug-22	21
Sep-22	11
Oct-22	28
Nov-22	25
Dec-22	16

2023

Mth/Yrs	Bil
Jan-23	21
Feb-23	10
Mar-23	27
Apr-23	21
May-23	20
Jun-23	27
Jul-23	21

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN NG YAK HOWE (BENTAYAN)

SOALAN B17

Berapakah bilangan usahawan PKS yang berjaya menyertai Program Pendigitalan PKS Johor dan apakah manfaat yang mereka terima melalui program ini?

JAWAPAN YB TUAN MOHD HAIRI BIN MAD SHAH

Kerajaan akan terus melaksanakan pelbagai inisiatif pendigitalan bagi memantapkan lagi usaha membantu rakyat serta perusahaan mikro, kecil dan sederhana (PMKS) dalam usaha kita melonjakkan status ekonomi negara, ekonomi digital memainkan peranan utama dengan sasaran pada 2025 ekonomi digital akan menyumbang 22.6 peratus kepada Keluaran Dalam Negara Kasar (KDNK) negara.

Antara salah satu inisiatif yang dilaksanakan kerajaan adalah memperkenalkan MyDIGITAL dan Rangka Tindakan Ekonomi Digital Malaysia.

MyDIGITAL adalah pelan hala tuju transformasi digital yang mampu mengupayakan sektor perniagaan untuk bersaing di pentas global dengan memantapkan kelancaran dan kecekapan operasi.

Selain itu, antara inisiatif Pendigitalan PKS Johor adalah menerusi Inisiatif Johor E-Marketplace yang merupakan kerjasama antara kerajaan Negeri Johor melalui Perbadanan Usahawan Johor Sdn Bhd (PUJB) dan Shopee Malaysia. Ianya sebagai platform pemasaran secara digital dan latihan bagi meningkatkan kapasiti usahawan menerusi peruntukan kerajaan negeri berbentuk baucar diskaun.

Dapat menjana melebihi RM 9.6juta jualan dan peningkatan 20.4 ROI dalam tempoh lima bulan iaitu inisiatif Johor E-Marketplace 2020 sebagai platform pemasaran secara digital dan Latihan bagi meningkatkan kapasiti usahawan menerusi peruntukan oleh kerajaan sebanyak RM500,000.00 berbentuk baucar diskaun dengan menjana jualan produk johor berjumlah RM7.1 juta sepanjang kempen bermula Ogos hingga 31 Disember 2020 dengan mewujudkan seramai 13,428 peniaga Johor di platform tersebut.

Dan inisiatif Johor E-Marketplace 2.0 pada tahun 2021 menerusi peruntukan oleh kerajaan sebanyak RM500,000.00 berbentuk baucar diskaun dengan menjana jualan produk johor berjumlah RM9.6 juta sepanjang kempen bermula Julai hingga 30 November 2021. Seramai 8,388 peniaga di platform tersebut menerima manfaat.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN NG YAK HOWE (BENTAYAN)

SOALAN B18

Nyatakah jumlah permohonan “Fast Track Nil” yang diluluskan menerusi Fast Track Nil 1.0, 2.0 dan 3.0 mengikut daerah?

JAWAPAN YAB MENTERI BESAR

Bil.	Daerah	Fast Track Nil 1.0		Fast Track Nil 2.0		Fast Track Nil 3.0	
		Jumlah Permohonan	Jumlah Kelulusan	Jumlah Permohonan	Jumlah Kelulusan	Jumlah Permohonan	Jumlah Kelulusan
1.	JOHOR BAHRU	661	647	41	41	66	55
2.	MUAR	2769	2692	148	126	39	37
3.	BATU PAHAT	1561	1532	95	92	25	22
4.	SEGAMAT	1777	1774	47	47	11	9
5.	KLUANG	1021	1016	44	44	4	4
6.	PONTIAN	556	550	34	34	17	14
7.	KOTA TINGGI	457	452	18	18	7	2
8.	MERSING	152	152	1	1	0	0
9.	TANGKAK	2439	2422	70	66	16	7
10.	KULAI	237	227	16	12	0	0
11.	LABIS	162	161	10	10	1	1
12.	RENGIT	228	228	24	21	4	4
13.	PENGERANG	0	0	0	0	0	0
JUMLAH		12020	11853	548	512	190	155
HASIL PREMIUM (RM)		59,403,001.00		3,354,187.00		1,362,289.00	

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

Untuk makluman Yang Berhormat Bentayan, jumlah permohonan program **Fast Track Nil 1.0** pada tahun 2020 dan 2021 adalah tinggi kerana pemilik tanah berhadapan dengan isu kenaikan cukai yang tinggi bagi kategori **Nil**.

Atas sebab itu, pemilik tanah mengambil peluang dalam program **Fast Track Nil 1.0** untuk membuat permohonan bagi tujuan menyelaraskan bayaran cukai tanah pada kadar yang lebih rendah.

Sehubungan itu, unjuran terimaan hasil pada tahun tersebut adalah sebanyak **RM59,403,001.00** merangkumi keseluruhan **11,853 permohonan** yang diluluskan. Unjuran terimaan hasil bagi program **Fast Track Nil 2.0** pula adalah sebanyak **RM3,354,187.00** merangkumi **512 permohonan** yang telah diluluskan.

Pada tahun 2023, pentadbiran ini mendapati terdapat permintaan bagi menyambung permohonan program **Fast Track Nil** ini.

Untuk itu, pentadbiran tanah mengambil inisiatif untuk meneruskan program ini bagi memberi ruang dan peluang kepada mereka yang masih lagi berkehendak untuk membuat penyelarasan bayaran kadar cukai yang lebih rendah bagi kategori tanah **Nil**.

Terkini, bagi program **Fast Track Nil 3.0**, dalam **tempoh 5 bulan** telah berjaya mengunjurkan terimaan hasil sebanyak **RM1,362,289.00** mengambil kira **155 permohonan** yang telah diluluskan dan pelaksanaan program Fast Track ini akan dilaksanakan sehingga November 2023 ini.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN NG YAK HOWE (BENTAYAN)**SOALAN B19**

Kerajaan Negeri Johor telah memperuntukkan sebanyak RM1 juta untuk menggalakkan penyertaan dalam ekspo antarabangsa dengan kerjasama jabatan serta agensi pelaburan lain untuk menarik pelaburan asing, berapakah jumlah dan nyatakah ekspo antarabangsa yang telah disertai dan apakah hasilnya?

JAWAPAN YB TUAN LEE TING HAN

Negeri Johor telah menyertai Expo Dubai 2020, Minggu Johor di mana ianya telah berlangsung dari 27 Februari sehingga 5 Mac 2022 di Dubai. Delegasi Kerajaan Negeri telah diwakili oleh Invest Johor bersama beberapa syarikat seperti berikut :

INDUSTRI PERTANIAN & MAKANAN	HARTANAH, INFRASTRUKTUR & TAPAK PEMBINAAN	LOGISTIK / AGENSI PERSEKUTUAN	DIGITAL
Chim Sam Chiap Sdn Bhd (Fresh Hub)	Johor Centre For Construction Development (JCCD) <ul style="list-style-type: none"> • Safwa Global Ventures Sdn Bhd • Amona Infra Care Sdn Bhd • Teto Engineering Sdn Bhd • Infra Desa Johor Sdn Bhd 	Johor Port Authority (LPJ) <ul style="list-style-type: none"> • Port Of Tanjung Pelepas (PTP) • Johor Port 	Iskandar Malaysia Studio (IMS)
Sunny Aquaculture	Tropicana Corporation Berhad <ul style="list-style-type: none"> • Tropicana Industrial Park • Lido Waterfront • Tropicana Upland 	Iskandar Regional Development Authority (IRDA)	DRZ Iskandar
Simple Farm Sdn Bhd	Country Garden Pacific View (Forest City)		Synapse Innovation
Kia Shing Importers & Exporters	Iskandar Investment Berhad (IIB)		Telekom Malaysia™
	Iskandar Capital Sdn Bhd (ISKCAP)		BlockOn Ventures Sdn Bhd

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

			Meraque Services Sdn Bhd
			IIB Ventures Sdn Bhd (IIBV)
			Avirtech Solutions Pte Ltd

Berikut adalah pecahan nilai pelaburan yang telah berjaya di bawa masuk di dalam ekspo ini:

	Negara	Bil	Nilai dalam USD	Nilai dalam RM
Jumlah bilangan MOU Dan Nilai Potensi	UAE, Singapura	2	62,754,111.00	265,500,000
Jumlah Pengumuman dan Nilai	Singapura, Japan	1	47,272.40	200,000.00
<i>Business Leads</i>	-	73	38,803,093.93	164,168,072.42
Jumlah Pelaburan			101,604,477.23	429,868,072

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN ANUAR BIN ABD. MANAP (PEMANIS)

SOALAN B20

Apakah usaha yang dibuat oleh pihak kerajaan negeri bagi melibatkan lebih ramai isi rumah hadir dalam program gotong-royong membersihkan kawasan perumahan terutama di kawasan taman-taman apabila kes berkaitan jangkitan demam dengei ini semakin tinggi di dalam negeri Johor?

JAWAPAN YB DATO' HAJI MOHD. JAFNI BIN MD. SHUKOR

Antara inisiatif yang dibuat oleh pihak kerajaan negeri bagi melibatkan lebih ramai isi rumah hadir dalam program gotong-royong membersihkan kawasan perumahan, terutamanya di kawasan taman-taman dengan kes demam dengei tertinggi, adalah melalui hebahan program dan aktiviti setempat secara lisan, edaran *flyers*, paparan LED dan sepanduk serta media sosial jabatan-jabatan sebelum program bermula. Sebagai contoh, pihak Majlis Daerah Kota Tinggi (MDKT) telah memaklumkan melalui *platform* media sosial *Facebook* berkaitan aktiviti *plogging* yang dijalankan pada setiap hari Ahad.



Selain itu, Pihak Berkusa Tempatan (PBT) juga melaksanakan aktiviti-aktiviti tambahan untuk menarik minat komuniti setempat dengan penglibatan agensi-agensi lain seperti Pejabat Kesihatan, Ahli Majlis, Pengurus COMBI Daerah, IPTA dan pertubuhan bukan kerajaan (NGO). Antara aktiviti yang diadakan termasuklah:

- i. Cabutan bertuah
- ii. Saringan pemeriksaan kesihatan
- iii. Klinik gigi bergerak
- iv. Aktiviti sukaneka penduduk
- v. Pertandingan mewarna kanak-kanak
- vi. Kempen kitar semula "Trash to Cash" dan penjualan barang kitar semula
- vii. Pengindahan landskap dengan tumpuan kepada taman-taman kes tertinggi.
- viii. Pertandingan pungutan sampah terbanyak
- ix. Senamrobik

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

- x. Karnival Jawatankuasa Penduduk
- xi. Program Gerak Mesra Ahli Majlis Kawasan dan Zon.

Turut menjadi aktiviti rutin adalah ceramah daripada doktor Pejabat Kesihatan Daerah, pameran-pameran berkaitan punca demam denggi, mengenalpasti simptom-simptom penyakit demam denggi serta mempamerkan replika jenis nyamuk yang menyebabkan demam denggi. Selain itu, penyertaan pelajar-pelajar sekolah rendah dan menengah dengan mengadakan aktiviti mengutip sampah dan membersihkan persekitaran kawasan setempat berserta penglibatan ibu bapa mereka juga merupakan salah satu inisiatif bagi memberi kesedaran berkaitan demam denggi.

PBT juga turut menyediakan kemudahan peralatan, mesin dan jentera gotong-royong seperti sarung tangan, penyeprit sampah, beg sampah, mesin potong rumput, lori RORO dan lain-lain kepada komuniti setempat untuk memudahkan mereka melaksanakan tugas gotong-royong dengan lebih berkesan. Selain itu, pelaksanaan program gotong-royong berfokus dan mengikut tema, pemberian sijil penghargaan serta insentif berserta sokongan teknikal dan rundingan dilihat dapat menarik minat komuniti setempat.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN ANUAR BIN ABD. MANAP (PEMANIS)

SOALAN B21

Sejauh mana keberkesanan Program Jualan Rahmah dan berapakah jumlah peruntukan yang disalurkan untuk setiap DUN dan Parlimen dalam negeri Johor?

JAWAPAN YB TUAN LEE TING HAN

Pelaksanaan Jualan Rahmah mendapat sambutan yang cukup menggalakkan daripada penduduk-penduduk setempat yang amat gembira dan puas hati dengan tawaran harga istimewa dan lebih rendah berbanding pasaraya-pasaraya lain yang berhampiran. Jualan Rahmah Bergerak @mobile juga mendapat sambutan yang amat merangsangkan memandangkan konsep ini lebih mesra rakyat sebagaimana slogan KPDN #kedaicari rakyat. Lebih 650,000 ribu rakyat Bangsa Johor telah mendapat manfaat dan berbelanja secara berhemah melalui inisiatif Jualan Rahmah ini.

Untuk makluman Yang Berhormat, merujuk kepada Garis Panduan Jualan Rahmah anjuran KPDN sejumlah peruntukan RM7,000,000.00 telah disalurkan untuk pelaksanaan Jualan Rahmah di Negeri Johor dan kadar agihan peruntukan akan diagihkan secara sama rata mengikut bilangan kawasan Dewan Undangan Negeri (DUN) yang mana nilai peruntukan yang akan diterima adalah berdasarkan bilangan DUN di dalam satu-satu kawasan Parlimen di sesebuah negeri. Maka berdasarkan agihan tersebut sejumlah RM125,000.00 akan digunakan untuk melaksanakan Jualan Rahmah di satu-satu kawasan DUN berkenaan. KPDN Johor menggunakan peruntukan ini untuk memberikan diskaun harga barang asas dan sebahagian kecil lagi untuk menampung perbelanjaan bahan promosi, hebahan dan kos operasi serta keperluan logistik yang lain.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN ANUAR BIN ABD. MANAP (PEMANIS)

SOALAN B22

Apakah persiapan kerajaan bagi menghadapi isu bencana besar seperti banjir menjelang musim tengkujuh seperti yang dimaklumkan oleh MET Malaysia?

JAWAPAN YB TUAN RAVEN KUMAR A/L KRISHNASAMY

Untuk makluman Yang Berhormat,

Kerajaan Negeri Johor melalui Jawatankuasa Pengurusan Bencana Negeri (JPBN) Johor sentiasa komited bagi memastikan Pengurusan Bencana Negeri Johor berada dalam keadaan bersedia dan siap siaga dalam menghadapi sebarang kemungkinan.

Persiapan dari setiap agensi kerajaan bagi menghadapi Monsun Timur Laut 2023/2024 adalah seperti berikut:

- a. Seramai 11,152 anggota dari agensi responder/penyelamat, 1,265 anggota dari agensi sokongan dan 706 anggota dari Pihak Berkuasa Tempatan (PBT) serta seramai 628 anggota dari beberapa organisasi bukan kerajaan (NGO) di negeri Johor yang akan digerakkan ketika berlakunya bencana MTL;
- b. Sebanyak 560 aset air pelbagai jenis, 996 aset darat pelbagai jenis dan 1 aset udara (helikopter) dari pelbagai agensi dan organisasi di negeri Johor yang boleh digerakkan sekiranya bencana berlaku;
- c. Sebanyak 874 hotspot banjir telah dikenalpasti melibatkan semua kawasan dalam setiap daerah di negeri Johor;
- d. Sebanyak 868 projek pembaikan dan baik pulih infrastruktur awam di negeri Johor oleh beberapa agensi kerajaan telah dilaksanakan yang membelanjakan kos sebanyak RM1.153 bilion;

Beberapa latihan persediaan/kesiapsiagaan menghadapi bencana telah dilaksanakan dari pelbagai peringkat seperti latihan dalaman agensi dan latihan antara agensi. Sebagai contoh, Latihan Amal Simulasi Bencana Tsunami yang telah dijalankan di Daerah Mersing pada 5 September 2023 lalu melibatkan beberapa agensi kerajaan dan organisasi luar iaitu PDRM, APM, JBPM, JKM, Rela, Ihsan Johor, Southern Volunteers, dan lain-lain agensi.


**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN ANUAR BIN ABD. MANAP (PEMANIS)
SOALAN B23

Apakah kesediaan teknologi 5G di negeri Johor dan berapakah peratusan kemajuan kerja-kerja menaiktaraf melibatkan menara telekomunikasi untuk memastikan bahawa teknologi ini turut dapat dirasai di kawasan luar bandar?

JAWAPAN YB CIK NORLIZAH BINTI NOH

Merujuk kepada laporan bulanan yang dikeluarkan oleh pihak Digital Nasional Berhad (DNB), sehingga 31 Julai 2023, peratusan nasional bagi liputan 5G di kawasan berpenduduk (COPA) telah mencapai 66.8% manakala bagi negeri Johor telah mencapai 75%.



Untuk makluman, kerajaan juga akan memperkenalkan rangkaian kedua 5G melalui entiti baharu yang akan diwujudkan pada awal 2024 serta menukar model pelaksanaan 5G ketika ini daripada rangkaian borong tunggal (SWN) kepada dwirangkaian.

Pelaksanaan 5G dengan model SWN melalui DNB akan diteruskan sehingga mencapai 80% liputan kawasan berpenduduk menjelang akhir 2023. Setelah itu, pelaksanaan 5G akan beralih kepada model dwirangkaian pada Januari 2024.

Bagi mencapai 80% liputan kawasan berpenduduk, pihak DNB akan membangunkan sebanyak 7,508 stesen pemancar 5G di seluruh negara dan 899 darinya adalah di negeri Johor. Sehingga 31 Julai 2023, sebanyak 743 daripada 899 stesen pemancar 5G yang dirancang telah pun beroperasi di negeri Johor.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

Pelaksanaan 5G di DUN Penggaram adalah seperti berikut:

PELAKSANAAN 5G MENGIKUT DUN SEHINGGA 31 JULAI 2023				
DUN	BEROPERASI	DALAM PELAKSANAAN	DALAM PERANCANGAN	JUMLAH
PEMANIS	3	-	2	5

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN ANUAR BIN ABD. MANAP (PEMANIS)

SOALAN B24

Sejauh mana JETCO berperanan mempromosikan budaya dan pelancongan Johor di Singapura?

JAWAPAN YB TUAN RAVEN KUMAR A/L KRISHNASAMY

Pejabat JETCO mula beroperasi di Singapura pada suku ketiga tahun 2022 dengan objektif untuk mempromosi, memudahcara dan meningkatkan kolaborasi antara Johor dan Singapura dalam bidang-bidang berkaitan. Sehingga kini, terdapat beberapa pendekatan yang telah dilaksanakan oleh JETCO untuk mempromosikan budaya dan pelancongan Johor di Singapura.

Pertama, JETCO bekerjasama dengan agensi dan pemain industri dari Johor untuk menyertai pameran pelancongan dan melaksanakan aktiviti promosi di Singapura. Misalnya pada Oktober 2022 menyertai ITB Asia yang merupakan pameran pelancongan utama di Asia Pasifik, dan pada Mei 2023 menyertai Travel Malaysia Fair di Singapura. Seterusnya, JETCO telah membawa artis budaya dari Yayasan Warisan Johor dan JKKN Negeri Johor untuk membuat persembahan kesenian seperti persembahan tarian zapin di beberapa program yang penglibatannya terdiri daripada warga Singapura. Antaranya ialah persembahan sempena majlis korporat, dan majlis perasmian pejabat baru syarikat di Singapura.

Kedua, JETCO menganjurkan lawatan promosi dari Singapura ke destinasi- destinasi pilihan di Johor. Misalnya pada November 2022, dengan kerjasama Pejabat Pesuruhjaya Tinggi Malaysia di Singapura, telah diadakan lawatan promosi perkhidmatan feri dari Singapura ke Desaru Coast yang telah disertai oleh TYT Duta- Duta Besar dan para pegawai dari beberapa Kedutaan di Singapura. Semasa lawatan tersebut, para peserta dibawa melawat fasiliti dan tarikan pelancongan yang terdapat di Desaru Coast dan kawasan sekitar. Selain itu, JETCO juga telah menganjurkan lawatan promosi ke empat daerah di Johor bersama Tourism Johor dan portal pelancongan Singapura. Input yang diperoleh daripada lawatan promosi tersebut telah diterjemahkan dalam bentuk artikel dan dimuat naik di laman web portal tersebut untuk dijadikan bahan rujukan dan promosi khususnya bagi warga Singapura.

Ketiga, mempromosikan produk dan barang beridentikan Johor. Sebagai contoh, untuk cenderamata program dan aktiviti di Singapura, JETCO menggunakan cenderamata beridentitikan Johor seperti yang dihasilkan oleh The Johor Collection dan agensi berkaitan. Melalui pendekatan ini, para penerima cenderamata tersebut akan dapat mengenali dan memafami budaya Johor dengan lebih baik.

Antara langkah promosi JETCO seterusnya dalam bidang budaya dan pelancongan ialah akan turut menyertai *Malaysia-Singapore Triennial Cultural Showcase*, yang mana merupakan program anjuran bersama agensi Kerajaan Malaysia dan Kerajaan Singapura. Antara pengisian program ini ialah persembahan kebudayaan, promosi makanan, acara permainan tradisional, jualan kraftangan dan sebagainya.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

**YB TUAN EE CHIN LI (TANGKAK)
SOALAN B25**

Apakah usaha kerajaan dalam memastikan semua taman asuhan kanak-kanak di Johor di bawah Jabatan Kebajikan Masyarakat?

JAWAPAN YB PUAN HAJAH KHAIRIN-NISA BINTI ISMAIL @ MD ON

Kerajaan Negeri melalui Jabatan Kebajikan Masyarakat (JKM) Negeri Johor mengambil berat mengenai pendaftaran Taman Asuhan Kanak-kanak (TASKA) bagi memastikan keselamatan kanak-kanak terjaga dan perkembangan menyeluruh kanak-kanak dapat dicapai. Merujuk kepada Seksyen 4, Akta Taman Asuhan Kanak-Kanak 1984 (Akta 308), semua TASKA hendaklah didaftarkan di bawah akta ini. Oleh itu, Jabatan Kebajikan Masyarakat Negeri Johor melalui Pejabat Kebajikan Masyarakat Daerah di seluruh negeri Johor sentiasa memastikan agar semua TASKA berdaftar dengan Jabatan Kebajikan Masyarakat Negeri Johor. Pendaftaran TASKA ini penting untuk memastikan setiap TASKA mematuhi Akta Taman Asuhan Kanak-Kanak 1984, Peraturan-Peraturan Taman Asuhan Kanak-Kanak 2012 serta mana-mana akta dan peraturan lain di bawah agensi teknikal yang terlibat seperti Pihak Berkuasa Tempatan, Jabatan Bomba dan Penyelamat dan Pejabat Kesihatan Daerah.

Selain itu, pihak Jabatan Kebajikan Masyarakat juga mengambil beberapa inisiatif bagi memastikan semua TASKA di negeri Johor adalah berdaftar sepetimana peruntukan 4, Akta Taman Asuhan Kanak-Kanak 1984 (Akta 308). Antaranya pihak jabatan mengambil tindakan dan langkah seperti berikut:

1. Menjalankan Tindakan Penguatkuasaan sepanjang ‘task force’ pendaftaran TASKA terhadap TASKA yang tidak berdaftar yang dilakukan oleh Pejabat Kebajikan Masyarakat Daerah sepetimana peruntukan Akta Taman Asuhan Kanak-kanak 1984 (Akta 308). Bagi TASKA yang masih tidak mengambil tindakan untuk mendaftar, tindakan penguatkuasaan seperti Lak dan Kompaun boleh dikenakan ke atas TASKA tersebut di bawah Akta Taman Asuhan Kanak-kanak 1984.
2. Mengadakan Mesyuarat Inter Agensi di Peringkat Daerah iaitu Mesyuarat One Stop Centre (OSC) yang di urusetiakan oleh Pejabat Kebajikan Masyarakat Daerah bagi mengenalpasti permasalahan dan isu serta penyelarasan yang berkaitan pendaftaran TASKA. Mesyuarat ini dihadiri oleh Agensi Teknikal yang terlibat secara langsung dalam proses pendaftaran TASKA iaitu Pihak Berkuasa Tempatan (PBT), Jabatan Bomba dan Penyelamat dan juga Pejabat Kesihatan Daerah.
3. Mengadakan Program Jerayawara dan Advokasi seperti Kempen Jom Daftar TASKA bagi memberi pengetahuan dan pendedahan kepada pemilik TASKA tidak berdaftar tentang kepentingan untuk mendaftar TASKA mereka.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

Kerajaan Johor melalui Jabatan Kebajikan Masyarakat Negeri Johor sentiasa membantu pihak Pengusaha TASKA dalam mendaftarkan TASKA dan Pusat Jagaan bagi memastikan setiap operasi TASKA mematuhi Akta dan Peraturan yang ditetapkan.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN EE CHIN LI (TANGKAK)

SOALAN B26

Apakah peranan Jabatan Pertanian dalam membantu pengusaha kilang pemprosesan durian yang banyak dibina kebelakangan ini untuk mendapatkan kesemua permit dan lesen operasi?

JAWAPAN YB DATO' ZAHARI BIN SARIP

Pengeluaran permit dan lesen operasi kilang adalah diluar bidang kuasa Jabatan Pertanian. Namun yang demikian, Jabatan Pertanian akan mengesyorkan **pengusaha kilang** agar merujuk kepada Pihak Berkuasa Tempatan (PBT) yang berdekatan/berhampiran dengan pengusaha kilang.

Peranan Jabatan Pertanian (dibawah Kementerian Pertanian & Keterjaminan Makanan) kepada petani/pengusaha tanaman durian adalah:

- i. Mengenalpasti kebun/ladang durian yang berpotensi dan menyampaikan khidmat nasihat pengembangan.
- ii. Menasihatkan pemilik kebun/ladang durian untuk menyertai skim pensijilan myGAP (*Malaysia Good Agricultural Practices / Skim Pensijilan Amalan Pertanian Baik Malaysia*). myGAP adalah skim pensijilan yang dirangka dan dilaksanakan oleh Jabatan Pertanian untuk mengiktiraf ladang yang mengamalkan amalan pertanian baik bagi mengeluarkan makanan yang selamat dan berkualiti, menjaga keselamatan alam sekitar, serta menjamin keselamatan dan kebajikan pekerja.
- iii. Menghubungkan pemilik kebun/ladang durian (yang telah memperoleh Pensijilan myGAP dengan **pengusaha kilang** pemprosesan durian yang berhampiran,
- iv. Menasihatkan **pengusaha kilang** pemprosesan durian untuk mendapatkan persijilan MeSTI / GMP (*Good Manufacturing Practice*), GHP (*Good Hygiene Practices*) serta HACCP dari Kementerian Kesihatan. HACCP adalah untuk menentukan supaya produk pemprosesan yang dihasilkan berkualiti tinggi.
- v. Premis pemprosesan **pengusaha kilang** juga hendaklah berhubung dengan Pejabat Pertanian Daerah yang berhampiran.
- vi. Jabatan Pertanian akan membantu **pengusaha kilang** pemprosesan durian mengenalpasti insentif-insentif yang boleh dimohon oleh pihak yang berkaitan supaya dapat mematuhi **100% keperluan akreditasi** pensijilan-pensijilan yang tersebut.

Pihak FAMA juga tidak berperanan untuk mengeluarkan apa-apa permit dan lesen operasi kepada pengusaha kilang pemprosesan durian. Walau bagaimanapun, pihak FAMA mempunyai Pusat Pemprosesan Durian yang bertaraf GMP di Tangkak. Pusat pemprosesan durian ini dibina atas dasar untuk menangani masalah lebihan bekalan durian yang berlaku di Daerah Tangkak, Muar, Segamat khasnya dan di negeri Johor amnya. Pusat

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

Pemprosesan ini memproses durian segar menjadi isi durian dan juga tempoyak untuk pasaran tempatan.

Pasaran bagi isi durian dan juga tempoyak telah meningkat bagi pengusaha-pengusaha yang menjalankan aktiviti perniagaan berdasarkan durian seperti durian *crepe*, aiskrim durian, masakan tempoyak dan sebagainya. Antara kemudahan di Pusat Pemprosesan Durian FAMA Daerah Tangkak adalah mempunyai kapasiti pemprosesan sebanyak 2 tan buah segar sehari, mesin pengasingan isi durian, mesin *vacum pack* serta *blast freezer* dan *cold room* yang boleh menyimpan 22 MT isi durian beku dalam satu masa.

Selain itu bagi menangani masalah lebihan bekalan durian, pusat ini turut membuat pengaturan pasaran ke pusat-pusat pemprosesan swasta yang lain yang terdapat di seluruh negeri Johor.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN EE CHIN LI (TANGKAK)

SOALAN B27

Sila nyatakan jumlah peruntukan untuk caruman SSPN Prime bagi setiap bayi kelahiran di Johor yang telah diluluskan.

JAWAPAN YB CIK NORLIZAH BINTI NOH

Yayasan Pelajaran Johor (YPJ) dengan kerjasama Perbadanan Tabung Pendidikan Tinggi Nasional (PTPTN) Negeri Johor pada masa ini sedang giat menjalankan hebahan mengenai insentif kelahiran Dana Didik Johor. Permohonan yang menepati syarat yang ditetapkan akan diberi percuma sebanyak RM100 melalui akaun Simpan SSPN Prime. Sehingga 31 Ogos 2023, sebanyak 4,824 orang bayi telah berjaya menerima insentif ini dengan jumlah peruntukan keseluruhan RM382,100.00. Bagi tahun 2023, sebanyak 54 orang bayi dengan jumlah keseluruhan RM5,400.00 telah berjaya dimasukan ke akaun SSPN Prime.

Pada masa kini, pelbagai usaha sedang dilaksanakan bagi memastikan peningkatan bilangan permohonan Dana Didik Johor, agar manfaat ini dapat disalurkan kepada penerima yang layak. Pelbagai pihak telah dilibatkan dalam kerjasama ini diantaranya seperti Jabatan Kesihatan Negeri (JKN) Johor, Jabatan Pendaftaran Negara (JPN) Negeri Johor dan Pejabat Daerah. Bagi memastikan informasi disalurkan kepada golongan sasaran, kaunter secara berkala/ berjadual di beberapa lokasi turut dianjurkan sehingga bulan Disember 2023 diantaranya hospital kerajaan/swasta, klinik kesihatan, klinik desa, Jabatan Pendaftaran Negara Negeri Johor dan cawangannya. Penglibatan Pejabat DUN (Dewan Undangan Negeri), Penghulu dan Ketua Kampung turut bersama-sama membuat hebahan kepada masyarakat setempat. PTPTN juga mengambil inisiatif mempromosikan melalui media sosial seperti facebook rasmi, FB Ads dan Tik Tok yang banyak digunakan golongan muda.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN EE CHIN LI (TANGKAK)

SOALAN B28

Sila nyatakan jumlah kekurangan staf kesihatan melibatkan perjawatan doktor dan jururawat mengikut daerah.

JAWAPAN YB TUAN LING TIAN SOON

Kedudukan perjawatan tetap bagi skim Pegawai Perubatan dan Jururawat di fasiliti kesihatan di hospital dan klinik kesihatan mengikut daerah di negeri Johor sehingga 4 September 2023 adalah seperti berikut :

Daerah	Pegawai Perubatan			Jururawat		
	Jawatan	Pengisian	Kekosongan	Jawatan	Pengisian	Kekosongan
Johor Bahru	976	990	-14	3296	3124	172
Batu Pahat	346	332	14	918	877	41
Muar	337	314	23	832	792	40
Segamat	266	249	17	626	488	138
Kluang	221	214	7	527	506	21
Kulai	81	66	15	211	200	11
Pontian	105	89	16	231	211	20

Daerah	Pegawai Perubatan			Jururawat		
Kota Tinggi	126	105	21	277	254	23
Mersing	63	51	12	157	152	5
Tangkak	61	52	9	136	127	9

Bagi memastikan isu pengisian jawatan sedia ada diberi perhatian dan tindakan berterusan oleh Kementerian Kesihatan Malaysia (KKM), JKN Johor sentiasa mengemukakan permohonan pengisian kekosongan pelbagai jawatan dan gred kepada Bahagian Sumber Manusia (BSM) KKM secara berkala. Ini termasuklah pelaporan / reten bulanan bagi urusan perjawatan kepada BSM KKM untuk semua skim perkhidmatan.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN EE CHIN LI (TANGKAK)

SOALAN B29

Apakah pencapaian Karnival Minggu Sains Negara 2023 Peringkat Negeri Johor yang diadakan baru-baru ini?

JAWAPAN YB CIK NORLIZAH BINTI NOH

Pada 20 Ogos 2023 bertempat di Stadium Tertutup Arena Larkin, Johor Bahru yang telah dihadiri lebih 10,000 pengunjung membanjiri Stadium Tertutup Larkin sempena Karnival Minggu Sains Negara (MSN) Peringkat Negeri Johor pada 19 dan 20 Ogos 2023 anjuran MOSTI dengan kerjasama Kerajaan Negeri Johor dan Universiti Teknologi Malaysia (UTM). Karnival selama dua (2) hari itu dilihat sebagai salah satu platform yang mampu menarik minat pelajar-pelajar untuk meminati bidang sains, teknologi dan inovasi (STI).

Penganjuran MSN 2023 adalah satu daripada usaha MOSTI untuk merealisasikan pembudayaan STI dengan memfokuskan kepada pembangunan bakat sains, teknologi dan inovasi berkualiti yang berdaya saing dalam memacu pertumbuhan ekonomi negara Malaysia.

Pada masa yang sama, pengisian program MSN disusun bagi menarik minat pelajar sekolah rendah dan menengah kepada subjek sains, teknologi, kejuruteraan dan matematik (STEM) serta seterusnya memilih jurusan dalam bidang berkaitan STI.

YB Chang Lih Kang, Menteri Sains, Teknologi dan Inovasi semasa merasmikan Karnival MSN Johor menjelaskan, setiap program di bawah MSN menyasarkan penglibatan daripada pelbagai pemegang taruh seperti pelajar sekolah, belia kolej dan institusi pengajian tinggi, para guru, pemain industri serta orang awam. Karnival Minggu Sains Negara menawarkan pelbagai pengisian interaktif seperti reruai pameran, demonstrasi sains dan bual bicara yang berteraskan Sains, Teknologi dan Inovasi serta mengikut kesesuaian masyarakat setempat.

MSN 2023 bermula April hingga Oktober 2023 memberi fokus kepada tujuh (7) bidang utama termasuk Kesihatan Planet, Kimia dan Bioteknologi, Inovasi Sosial, Kejuruteraan, Nanoteknologi dan Angkasa. Karnival MSN 2023 ini juga bertujuan untuk meraikan kepelbagaiannya Sains, Teknologi dan Inovasi di setiap negeri dan memberi peluang kepada penggerak dan pengamal STI tempatan untuk mengetengahkan teknologi dan inovasi mereka yang tersendiri.”

Pelbagai aktiviti menarik berteraskan STI disediakan sepanjang Karnival Minggu Sains Negara 2023 Peringkat Negeri Johor antaranya aktiviti *hands on* yang menarik seperti Pencerapan Solar, *Drone Challenge*, Pertunjukan Sains Interaktif, Aktiviti Robotik, DIY Roket STEM, *Planet Virtual Reality* dan *Pocket Talk STI*. Terdapat juga penyertaan pelbagai agensi dan institusi dalam reruai pameran antaranya Fakulti Sains, Universiti Teknologi Malaysia yang bertajuk *All About Numbers*, kegunaan bahan kimia oleh Jabatan Kimia Malaysia dan sebagainya.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

Karnival Minggu Sains Negara 2023 Peringkat Negeri Johor ini telah dilaksanakan dengan jayanya dan diharapkan dapat memberi manfaat kepada semua pengunjung. MOSTI juga berharap agar kerjasama erat yang telah terjalin ini akan membawa hasil dalam membangunkan bakat-bakat berkualiti terutamanya dalam bidang STI di Malaysia.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN HAJI SELAMAT BIN TAKIM (SUNGAI BALANG)

SOALAN B30

Baru-baru ini Johor digemparkan dengan kemunculan ajaran sesat "Si Hulk". Apakah perancangan kerajaan untuk pelajar-pelajar sekolah anak Johor diberikan pengukuhan dan pemantapan akidah agar tidak terpengaruh dengan ajaran sesat ini?

JAWAPAN YB TUAN HAJI MOHD FARED BIN MOHD KHALID

Untuk Makluman Yang Berhormat,

Selain guru-guru agama yang dilantik secara formal di sekolah, Kerajaan Johor melalui Bahagian Pendidikan Islam Jabatan Agama Islam Negeri Johor (BPI JAINJ), telah mewujudkan Jurulatih Utama Negeri (JUN) bagi setiap matapelajaran di Sekolah Agama Kerajaan Johor (SAKJ).

Ia terdiri daripada guru-guru yang telah dikenal pasti berkemahiran dalam bidang/mata pelajaran tertentu. JUN di peringkat daerah akan membimbang guru-guru SAKJ agar dapat menyampaikan ilmu dengan lebih menarik dan berkesan bagi membentuk jati diri muslim murid agar tidak mudah terpengaruh dengan ajaran sesat dan menyimpang dari landasan syarak.

Selain itu, Kitab Tauhid Darjah Khas telah ditambah baik dengan memberi penekanan tentang iktikad Ahli Sunnah Wal Jamaah serta mengenalkan fahaman yang salah seperti fahaman Syiah, Wahabi, Sekularisme, Pluralisme dan Liberalisme agar murid-murid faham dan tidak mudah terpengaruh dengan fahaman-fahaman sesat dan menyeleweng.

Pihak sekolah juga ada mengadakan siri-siri taklimat, penerangan dan bengkel bersesuaian bagi menambah kefahaman kepada murid-murid di peringkat rendah mahupun menengah daripada terpengaruh dengan ajaran yang menyimpang dari iktikad Ahli Sunnah Wal Jamaah.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN HAJI SELAMAT BIN TAKIM (SUNGAI BALANG)

SOALAN B31

Apakah kerajaan berhasrat memelihara dan memulihara bangunan rumah kedai berusia yang terletak di pekan Parit Jawa yang mana ia mempunyai nilai estetika dan sejarah kepada daerah Muar?

JAWAPAN YB TUAN RAVEN KUMAR A/L KRISHNASAMY

Kerajaan negeri sangat komited dalam usaha-usaha memulihara dan memelihara elemen-elemen warisan seperti monumen-monumen bangunan-bangunan warisan, tapak bersejarah, kesenian dan kebudayaan.

Kerajaan negeri melalui Yayasan Warisan Johor dengan kerjasama pelbagai agensi berkaitan sentiasa mengemaskini inventori bangunan, tapak dan monumen bersejarah di seluruh negeri Johor yang mana ia perlu menepati kriteria yang termasuk kategori warisan.

Dalam usaha memelihara dan memulihara bangunan, tapak atau monumen bersejarah, tidak hanya terhad kepada Akta Warisan Kebangsaan 2005 atau Enakmen Yayasan Warisan Negeri 1988. Pelbagai instrument perundangan boleh digunakan sebagai contoh Akta Kerajaan Tempatan 1976, Akta Perancang Bandar dan Desa 1976, Kanun Tanah Negara dan lain-lain.

Sebagai makluman, bangunan rumah kedai berusia di Parit Jawa tersebut merupakan milik persendirian dan ia terletak di dalam kawasan bidang kuasa pihak Majlis Perbandaran Muar.

Melalui Draf Rancangan Tempatan Daerah Muar 2030 (Penggantian) yang telah disediakan oleh Majlis Perbandaran Muar dengan kerjasama PLAN Malaysia dan PLAN Malaysia Johor, suatu pelan jangka panjang telah diadakan bagi pemeliharaan warisan di daerah tersebut.

Di bawah Draf Rancangan Tempatan Muar 2030, beberapa teras telah dirangka untuk memandu arah dan menentukan hala tuju pembangunan bagi semua tanah dan bangunan dalam kawasan Majlis Perbandaran selaras dengan strategi dan aspirasi kerajaan. Melalui **Teras 2** di dalam Draf Rancangan Tempatan Muar 2030 iaitu **Warisan Mampan Bercirikan Bandar Diraja dan Kekayaan Sumber Alam** melalui **Projek Pusat Bandar, Pemeliharaan Warisan, Reka Bentuk Bandar dan Lanskap** telah disenaraikan beberapa projek di antaranya:

- "Menggalakkan pemilik bangunan di pusat bandar atau pekan kecil untuk mengelat dan menyesuaikan semula (*adaptive reuse*) bangunan yang usang".
- Mengawal selia lukisan dinding pada bangunan warisan (rumah kedai tradisional) untuk memastikan keserasian dengan tema / konsep / imej yang ingin ditonjolkan.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

- c) Menyediakan dan menaik taraf kemudahan sedia ada di tempat / tapak warisan dan bersejarah di sekitar pusat bandar dan pekan kecil sebagai tempat pelancongan berasaskan warisan.
- d) Melalui projek-perojelek yang telah dirangka dan akan dilaksanakan oleh agensi-agensi yang berkaitan diharap dapat memelihara tinggalan warisan negeri Johor yang dapat memberi impak kepada ekonomi dan pelancongan berasaskan warisan di daerah Muar dan negeri Johor.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN HAJI SELAMAT BIN TAKIM (SUNGAI BALANG)

SOALAN B32

Mohon pihak YB EXCO Kesihatan dapat menyediakan sekurang-kurangnya sebuah mesin penapis udara untuk dipasang di setiap klinik kesihatan mukim dalam Negeri Johor, di dalam ruangan menunggu klinik bagi usaha mengurangkan risiko jangkitan virus berkaitan influenza.

JAWAPAN YB TUAN LING TIAN SOON

Influenza adalah sejenis penyakit berjangkit pada saluran pernafasan yang disebabkan oleh virus influenza (1). Antara gejala/tanda-tanda jangkitan virus Influenza A adalah serupa dengan gejala Influenza-like-Illness (ILI) iaitu seperti demam, batuk, sakit tekak, selesema, sakit badan, sakit kepala, badan berasa sejuk dan lesu.

Cara jangkitan virus Influenza adalah melalui cecair (droplet) batuk atau bersin daripada pesakit yang dijangkiti Influenza memandangkan saiz partikel virus ini hanyalah 80-100nm (2). Seseorang boleh dijangkiti sama ada melalui pernafasan; melalui sentuhan dengan tangan pesakit atau menyentuh permukaan-permukaan yang tercemar dengan titisan cecair pesakit.

Justeru itu, amalan kebersihan kendiri seperti mencuci tangan, etika batuk dan pemakaian pelitup muka boleh mencegah dari penyakit ini menjangkiti orang lain, sepetimana yang dicadangkan di dalam Garis Panduan Pengendalian influenza A di Klinik Kesihatan (3).

Mesin Penapis Udara yang berada di pasaran adalah merupakan peralatan yang digunakan untuk mengurangkan pencemaran udara terutama di dalam rumah atau pejabat. Terdapat pelbagai jenis Mesin Penapis Udara, tetapi hanya Mesin Penapis Udara jenis *High-Efficiency Particulate Air* (HEPA) sahaja yang dipertimbangkan untuk digunakan bersama Sistem Penghawa Dingin dan Pengudaraan Mekanikal jika tiada kemudahan Bilik Isolasi Penyakit Bawaan Udara, *Airborne Infection Isolation Rooms* (AIIR) untuk mengurangkan transmisi Penyakit Berjangkit Salur Pernafasan (4). Walau bagaimanapun, penapis jenis ini hanya mampu menapis 99.97% partikel bersaiz 0.3µm sedangkan virus Influenza adalah lebih kecil, di antara 80-100nm (0.08-0.10µm).

Laporan penilaian dari Unit Penilaian Teknologi Perubatan, Kementerian Kesihatan Malaysia juga tidak mencadangkan penggunaannya di fasiliti kesihatan di bawah Kementerian Kesihatan Malaysia berdasarkan tiada bukti saintifik yang mencukupi untuk mengesahkan Mesin Penapis Udara HEPA mampu untuk menapis virus (5).

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN HAJI SELAMAT BIN TAKIM (SUNGAI BALANG)

SOALAN B33

Diharapkan Kerajaan Negeri dapat menaiktaraf Jambatan Parit Kassim di FT005 Jalan Abdul Rahman yang sempit dan mendatangkan risiko kepada penunggang motosikal sekiranya berselisih dengan kenderaan besar.

JAWAPAN YB TUAN IR. TS. MOHAMAD FAZLI BIN MOHAMAD SALLEH

Untuk makluman Yang Berhormat, jambatan ini terletak di laluan Johor Bahru – Melaka (FT005) Seksyen 168.00. Permohonan untuk menaiktaraf dan melebar jambatan ini telah diangkat dalam program Menggantikan Jambatan Uzur, Sempit Dan Untuk Tujuan Peningkatan Had Berat Muatan Di Jalan Persekutuan Dalam Rolling Plan 3, Rancangan Malaysia Ke-12 (RP3, RMK-12) Tahun 2022.

Tajuk projek yang dinyatakan adalah Menggantikan Jambatan Parit Kassim Di Jalan Johor Bahru-Melaka (FT005) Seksyen 168.00, Muar Johor dengan kos sebanyak RM17.05 juta. Namun, projek ini belum lagi diluluskan perlaksanaannya dalam Rolling Plan 3 Rancangan Malaysia Ke-12 (RP3, RMK-12).

Walau bagaimanapun, projek ini telah diangkat semula dalam Rolling Plan 4, Rancangan Malaysia Ke-12 (RP4, RMK-12) Tahun 2023 dan keputusan kelulusan bagi Rolling Plan 4 masih belum diumumkan. Laluan ini merupakan jalan persekutuan yang mana kebiasaananya kos menaiktaraf akan dibiayai oleh Kerajaan Persekutuan.

Sekian, terima kasih.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN HAJI SELAMAT BIN TAKIM (SUNGAI BALANG)

SOALAN B34

Adakah kerajaan berhasrat untuk menambah bilangan jumlah bangunan gerai seliaan PBT di DUN Sungai Balang bagi menggalakkan para peniaga menjalankan perniagaan mereka di dalam sebuah gerai yang lengkap fasilitinya?

JAWAPAN YB DATO' HAJI MOHD. JAFNI BIN MD. SHUKOR

Pihak Majlis Perbandaran Muar (MPM) mempunyai lima (5) unit gerai Majlis di Dewan Dataran Sarang Buaya. Terdapat tiga (3) unit gerai sahaja yang telah disewa oleh penyewa. Buat masa ini, pihak Majlis Perbandaran Muar (MPM) tiada cadangan bagi penambahan gerai untuk kawasan berkenaan.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

**YB PUAN HAJAH ALWIYAH BINTI TALIB (ENDAU)
SOALAN B35**

Sejauh mana tindakan yang diambil oleh pihak kerajaan dan jabatan dalam menangani serangan gajah yang semakin menjadi-jadi dan hal ini setiap kali Sidang Dewan telah pun Endau bangkitkan?

JAWAPAN YB TUAN RAVEN KUMAR A/L KRISHNASAMY

Untuk makluman Ahli Yang Berhormat, Kerajaan Negeri melalui Jabatan Perlindungan Hidupan Liar dan Taman Negara (PERHILITAN) Semenanjung Malaysia mengambil berat ke atas masalah hidupan liar, terutamanya konflik manusia-gajah atau *Human Elephant Conflict* (HEC) sering membuat kacau ganggu tanaman penduduk yang berhampiran dengan habitat hidupan liar. Aduan ancaman spesies Gajah telah direkodkan sebanyak 69 bagi seluruh Negeri Johor dari Jan hingga Julai tahun 2023 dan manakala aduan di kawasan DUN Endau adalah sebanyak 6 yang telah direkodkan secara rasmi.

Dalam menangani konflik hidupan liar ini, Jabatan PERHILITAN telah menjalankan pelbagai usaha mitigasi bagi mengatasi dan mengurangkan jumlah aduan daripada orang ramai yang diterima setiap hari dengan kaedah-kaedah seperti pemantauan, pengurusan populasi secara terancang, tembak-halau, tangkap-pindah dan pembinaan Sistem Pagar Elektrik Gajah (SPEG). Gangguan hidupan liar ini bukan sahaja tertumpu di kawasan-kawasan pertanian malah di kawasan penempatan yang berhampiran habitat asal hidupan liar ini.

Sehubungan dengan itu, dalam memastikan spesies hidupan liar ini dipulihara secara lestari, pihak Jabatan bertanggungjawab mengambil sebarang tindakan yang praktikal bagi menjamin keselamatan dan kesejahteraan rakyat terpelihara dari sebarang ancaman yang boleh mengganggu ketenteraman awam. Langkah-langkah pengurusan yang diambil oleh pihak Jabatan mengambil kira pelbagai faktor dan keperluan orang ramai yang pelbagai.

Bagi tujuan jangka pendek, sederhana dan panjang, kerajaan melalui Jabatan PERHILITAN akan menjalankan tindakan mitigasi seperti Rondaan dan Kawalan serta Tangkap Pindah sebagai tindakan jangka pendek dan segera. Manakala bagi tindakan jangka sederhana, Jabatan PERHILITAN mencadangkan membina Sistem Pagar Elektrik Gajah (SPEG) di lokasi gangguan. Bagi tindakan jangka panjang pula Jabatan PERHILITAN sedang membangunkan kawasan makanan gajah atau *Elephant Food Bank* di koridor Muntahak supaya kumpulan gajah akan tertumpu di situ. Selain daripada itu, koridor Muntahak ini juga akan meningkatkan kualiti habitat dan lanskap habitat kumpulan gajah.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

**YB PUAN HAJAH ALWIYAH BINTI TALIB (ENDAU)
SOALAN B36**

Mohon penjelasan pihak JKR berkenaan pelaksanaan pembinaan laluan alternatif dan jambatan kedua Daerah Mersing?

JAWAPAN YB TUAN IR. TS. MOHAMAD FAZLI BIN MOHAMAD SALLEH

Untuk makluman Yang Berhormat, pelaksanaan projek ini dalam proses perancangan oleh Cawangan Jalan, Jabatan Kerja Raya Malaysia.

Ia Melibatkan jalan bagi Daerah Mersing, iaitu Jalan Felda Nitar - Mersing (FT1425), Jalan Air Merah (J85) dan Jalan Persekutuan FT03.

Kesesakkan di laluan utama (FT 03) khususnya di kawasan Bandar Mersing disebabkan masalah jambatan Mersing yang sempit terutama pada waktu bekerja, cuti kelepasan dan ketika musim perayaan. FT03 Jalan Johor Bahru - Kuantan adalah jalan utama menghubungkan ke Pantai Timur dari arah selatan.

Justifikasi terperinci projek ini adalah bagi mengurangkan kesesakan di jambatan dan persimpangan bulatan di laluan FT03 Bandar Mersing terutama di musim perayaan, cuti kelepasan dan di waktu bekerja. Memberi kemudahan perhubungan yang sempurna dan selesa kepada semua pengguna jalan raya terutamanya penduduk Mersing selain dapat menjadi pemangkin kepada kemudahan infrastruktur jalan raya.

Sekian, terima kasih.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

**YB PUAN HAJAH ALWIYAH BINTI TALIB (ENDAU)
SOALAN B37**

Apakah perancangan tersusun pihak ECER berkaitan projek-projek mega yang telah dilaksanakan oleh pihak ECER yang kurang dapat sambutan seperti MHC supaya ia tidak dilihat sebagai satu pembaziran dan akhirnya menjadi gajah putih sahaja?

JAWAPAN YAB MENTERI BESAR

Pihak ECERDC bekerjasama rapat dengan Majlis Daerah Mersing (MDM) dalam merancang aspek pengoperasian sesuatu projek yang akan dilaksanakan di daerah Mersing bagi memastikan ia memberi manfaat dan mempertingkatkan taraf sosioekonomi rakyat tempatan.

Di Mersing Harbour Centre (MHC), 97% iaitu 29 lot kedai telah beroperasi dan restoran terkenal seperti Kentucky Fried Chicken (KFC) dan Nasi Kerabu Honey merupakan antara tarikan utama di sini.

KFC telah mencatatkan anggaran jualan bulanan bernilai RM250,000.00 sehingga RM300,000.00 di mana lebih tinggi daripada jualan di premis mereka yang terdahulu iaitu di bandar Mersing. Selain itu, mesin ATM Euronet turut disediakan di MHC untuk kemudahan kepada pelancong dan penduduk tempatan.

MDM turut sentiasa mengadakan aktiviti-aktiviti utama di sekitar MHC seperti Sambutan Ambang Kemerdekaan dan Bazar Aidilfitri, dalam mempromosikan MHC dan secara tidak langsung membantu menarik lebih ramai pengunjung.

Pada masa yang sama, tindakan segera bagi pelantikan peniaga baharu bagi setiap kekosongan lot kedai turut dilakukan untuk memastikan aktiviti perniagaan di MHC kekal rancak, dan sehingga kini hanya berbaki 1 lot kekosongan.

Lain-lain projek di bawah pelaksanaan pihak ECERDC di daerah Mersing yang turut menjadi tarikan utama pelancong dan penduduk setempat seperti berikut:

- a) KampungStay@Teluk Buih yang telah mula beroperasi pada 1 Mei 2023 dan sehingga kini mencatatkan purata kadar penginapan 71%, dan tempahan penginapan bagi hujung minggu juga penuh sehingga akhir tahun 2023;
- b) Medan Ikan Bakar Endau di mana peniaga yang beroperasi telah mencatatkan purata jualan berjumlah RM5,000.00 sehari;
- c) Tanjung Penyabong Waterfront dimana semua 14 lot perniagaan beroperasi dan telah menerima ramai pengunjung, terutama pada musim cuti sekolah dan perayaan.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

**YB PUAN HAJAH ALWIYAH BINTI TALIB (ENDAU)
SOALAN B38**

Bolehkah Kerajaan Negeri membentangkan unjuran atau perancangan negeri dalam pembinaan rumah kos rendah untuk Daerah Mersing sehingga dilihat Daerah Mersing sering dipinggirkan atau dianaktirikan dalam kuota pembinaan Rumah Mampu Milik Kerajaan (RMMK)?

JAWAPAN YB DATO' HAJI MOHD. JAFNI BIN MD. SHUKOR

Untuk makluman Yang Berhormat Endau, Kerajaan Negeri Johor telah meluluskan satu pembangunan Perumahan Mampu Milik Bagi Golongan B40 dan M40 dengan kerjasama Tetuan Lagenda Mersing Sdn Bhd di Daerah Mersing khususnya DUN Endau. Pembangunan ini akan menyediakan 3,796 unit rumah dengan harga jualan antara RM50,000 sehingga RM300,000. Untuk makluman Yang Berhormat Endau juga jenis pembangunan yang akan disediakan terdiri daripada rumah teres satu tingkat dan cadangan pembangunan ini meliputi keluasan tanah 431 ekar yang melibatkan 3 fasa pembangunan dalam tempoh 5 tahun. Selain itu juga terdapat 482 unit rumah dijadikan kuota penjawat awam dan diberikan insentif kepada bakal pembeli dengan diskau berjumlah RM45,000.00.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

**YB PUAN HAJAH ALWIYAH BINTI TALIB (ENDAU)
SOALAN B39**

Apakah Kerajaan mempunyai perancangan untuk menaiktaraf kemudahan dan infra untuk Klinik Kesihatan Endau dan sehingga suku kedua tahun 2023, berapa banyak jumlah peruntukan yang telah diberikan untuk Klinik Kesihatan Endau dalam kerja pembaikan?

JAWAPAN YB TUAN LING TIAN SOON

Klinik Kesihatan Endau merupakan satu daripada enam buah klinik di daerah Mersing. Klinik Kesihatan Endau juga merupakan klinik utama kerajaan yang beroperasi bagi mukim Padang Endau, Triang dan Penyabong. Selain itu, Klinik Kesihatan Endau juga menerima pesakit-pesakit dari daerah bersempadan iaitu daerah Rompin, Pahang.

Klinik Kesihatan Endau merupakan klinik kesihatan dengan perkhidmatan Jenis 3 yang mempunyai jenis perkhidmatan Pesakit Luar melibatkan penyakit berjangkit dan penyakit tidak berjangkit, Perkhidmatan Ibu dan Anak, Perkhidmatan Warga Emas, Perkhidmatan Radiologi Xray, Perkhidmatan Pergigian, Perkhidmatan Sains Pemakanan, Perkhidmatan Fisioterapi, Perkhidmatan Ambulans dan Kecemasan, selain turut mempunyai khidmat Kaunselor Psikologi secara kontrak. Bukan itu sahaja, Klinik Kesihatan Endau juga merupakan klinik kesihatan yang diwartakan sebagai klinik atas panggilan yang memberi khidmat perawatan kecemasan selepas waktu pejabat dan turut dilengkapi dengan khidmat kelahiran alternatif (*Alternative Birth Centre, ABC*).

Dengan kehadiran melebihi 300 orang sehari, infrastruktur klinik kesihatan ini dilihat tidak mampu untuk menampung kehadiran pesakit yang semakin meningkat. Justeru, Pejabat Kesihatan Daerah Mersing selaku pusat tanggungjawab yang menjaga telah mengunjurkan dan mencadangkan agar Klinik Kesihatan Endau dilakukan naiktaraf kepada bangunan Jenis 3 yang baru di tapak baru. Dimaklumkan Pegawai Kesihatan Daerah Mersing telah memohon kepada Pejabat Tanah Daerah Mersing tentang keperluan tanah yang sesuai di kawasan operasi tersebut bagi cadangan permohonan klinik kesihatan Jenis 3 yang baru.

Sehingga suku ketiga 2023, Klinik Kesihatan Endau juga telah menerima beberapa peruntukan bagi naik taraf perkhidmatan selain tambahan serta penggantian aset yang lups. Antaranya, Klinik Kesihatan Endau telah menerima sejumlah RM350,000 bagi kerja-kerja naiktaraf pembinaan pusat kesejahteraan (*wellness hub*) bagi memusatkan Perkhidmatan Fisioterapi, Pegawai Sains Pemakanan dan Kaunselor yang kini dalam proses pembinaan. Klinik ini juga telah menerima waran peruntukan bernilai RM41,996 bagi perolehan harta modal yang rosak akibat Monsun Timur Laut dan banjir serta RM27,523 bagi perolehan aset-aset bernilai rendah.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB PUAN NG KOR SIM (JEMENTAH)

SOALAN B40

Apakah langkah yang dijalankan bagi memupuk para pelajar menguasai pengetahuan komputer dan IT terutama pelajar dari keluarga fakir dan tidak mampu memiliki komputer di rumah?

JAWAPAN YB CIK NORLIZAH BINTI NOH

Jabatan Pendidikan Negeri Johor pada masa ini sedang giat melaksanakan program-program bagi **memperkasakan pendidikan digital** kepada guru-guru dan murid-murid negeri Johor **termasuk murid-murid dalam kalangan keluarga fakir dan tidak mampu memiliki komputer di rumah.**

Kerajaan Negeri Johor telah menyalurkan sumbangan peranti kepada sekolah terpilih melalui **Program Laptop Pre Ihsan 3.0** Negeri Johor pada tahun 2021 dan 2022 sebanyak **8000** peranti(Komputer Riba) kepada 282 sekolah menengah bagi golongan B40. Ianya bersasarkan pelajar tingkatan 5 sekolah menengah.

Kerajaan Negeri Johor juga telah menyalurkan peruntukan Pembangunan Rancangan Johor Lima Tahun (2022-2026) bagi **Program Youngster Coding**. Melalui inisiatif ini, murid akan dipersiapkan dalam industri berkemahiran tinggi dengan mempelajari elemen kemahiran tinggi melalui program pengaturcaraan (coding) dan robotik. Sebanyak 26 buah **Maju Johor Digital Educentre (MAJDEC)** berstatus **Digital Maker Hub (DMH)** oleh MDEC akan diwujudkan sebagai Pusat Kecemerlangan Teknologi di **12 buah Sekolah Aspirasi Johor**,

11 Pusat Kegiatan Guru (PKG), **2 sekolah** di **penempatan orang asli**. MAJDEC ini berpotensi menggilap bakat murid termasuk murid dalam kalangan keluarga B40 untuk berkongsi dan membina daya kreatif dan inovasi agar kemahiran mereka itu dapat dimanfaatkan sebaik-baiknya. Murid akan mula menerap nilai *makers mindset* dengan meletakkan diri mereka sebagai seorang maker.

Manakala Kementerian Pendidikan Malaysia melalui **Program Cerdik** telah membekalkan **15,076 peranti** ke 141 sekolah bagi golongan B40 pada tahun 2021. Sasaran bekalan ini adalah murid-murid Tahun 4 bagi sekolah rendah dan Tingkatan 3 bagi sekolah menengah. Tujuan utama program ini adalah untuk memberikan akses digital kepada murid-murid dalam kalangan keluarga berpendapatan rendah melalui pemberian komputer riba, tablet, dan sambungan data.

Pada tahun 2023, Bahagian Sumber dan Teknologi Pendidikan, Kementerian Pendidikan Malaysia telah memperuntukkan bekalan **peralatan ICT, peralatan studio** dan **kit robotik** di 45 buah **Pusat Kegiatan Guru(PKG)** diseluruh negeri Johor yang bertujuan menjadikan PKG sebagai **Centre Of Excellence**. Kewujudan Pusat Kegiatan Guru sebagai *Centre Of Excellence* ini sudah pastinya akan dapat memberi peluang kepada murid-murid dalam kalangan keluarga B40 menggunakan kemudahan tersebut dalam meningkatkan kemahiran ICT dan robotik.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

Kementerian Pendidikan Malaysia juga telah menyediakan Portal Pelantar DELIMa yang sedang digunakan di semua sekolah negeri Johor. Pelantar ini memberi ruang dan peluang kepada murid-murid termasuk murid-murid dalam kalangan keluarga B40 bagi membudayakan pembelajaran secara atas talian.

Kementerian Pendidikan Malaysia telah memperkenalkan Modul TMK (Teknologi Maklumat dan Komunikasi) sebagai Elemen Merentas Kurikulum (EMK) sejak tahun 2017. Ianya melibatkan 10 mata pelajaran di peringkat sekolah rendah (Bahasa Melayu, Bahasa Inggeris, Sains, Matematik, Pendidikan Islam, Pendidikan Moral, Pendidikan Jasmani dan Pendidikan Kesihatan, Pendidikan Kesenian, Sejarah serta Reka Bentuk dan Teknologi. Kemahiran TMK ini disisipkan ke dalam mata pelajaran terlibat.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB PUAN NG KOR SIM (JEMENTAH)
SOALAN B41

Rungutan para pengusaha ayam bahawa tidak layak memperbaharui lesen menternak ayam disebabkan status tanah telah diwartakan sebagai zon perumahan. Apakah langkah yang dijalankan bagi membantu pengusaha ayam ini?

JAWAPAN YB DATO' ZAHARI BIN SARIP

Jabatan Perkhidmatan Veterinar Negeri Johor melesenkan ladang unggas yang diwartakan di dalam Enakmen Kawalan dan Pelesenan Ladang Penternakan Unggas 1997. Isu perbaharuan lesen berbangkit bila mana ladang ayam sedia ada perlu berubah kepada sistem reban tertutup dimana pengusaha perlu mendapatkan kelulusan Kebenaran Merancang (KM) dan syarat nyata tanah ternakan ayam. Pengusaha memaklumkan bahawa proses ini menyukarkan mereka kerana melibatkan pelbagai agensi untuk kelulusan tersebut.

Antara langkah yang telah diambil oleh jabatan adalah memberikan khidmat nasihat dari segi amalan penternakan yang baik (GAHP) bagi mematuhi segala garis panduan dan syarat yang ditetapkan oleh pihak berkuasa. Sesi libat urus juga sering diadakan dengan pihak berkuasa negeri dan agensi berkaitan bagi membantu pengusaha-pengusaha ini untuk terus beroperasi dan menjamin bekalan makanan negara mencukupi.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB PUAN NG KOR SIM (JEMENTAH)

SOALAN B42

Minta maklumkan secara terperinci peruntukan Rumah Ibadat Selain Islam (RISI) di seluruh Johor untuk tahun 2023.

JAWAPAN YB TUAN LING TIAN SOON

Untuk makluman Yang Berhormat, Kerajaan Persekutuan menerusi Kementerian Perpaduan Negara telah bersetuju menyalurkan Program Bantuan Kewangan Bagi Kerja-kerja Pembaikan, Penyelenggaraan dan Kerja-kerja Kecemasan di Rumah Ibadat Selain Islam (RISI) sebanyak RM2 juta pada tahun 2022.

Setakat ini, Kerajaan Negeri Johor telah menerima permohonan dan meluluskan sejumlah RM1 juta kepada 39 buah Rumah Ibadat Selain Islam (RISI) yang merangkumi tokong, kuil, gurdwara dan gereja di seluruh negeri Johor.

Senarai penerima adalah seperti Jadual 1:

BIL.	DAERAH	PEMOHON RUMAH IBADAT SELAIN ISLAM
1	JOHOR BAHRU	Jawatankuasa Pengurusan Rumah Berhala Ang Shiang Tai Tee
2		Rumah Berhala Ang Siang Keng, Bukit Indah
3		Persatuan Memperbaiki Akhlak Chin Nam Kok, Johor Bahru
4		Pertubuhan Penganut Lian Hua San Thai Zhi, Masai Johor
5		Persatuan Penganut Agama Buddha Ban Fook, Plentong
6		Persatuan Buddhist Malaysia Cawangan Johor
7		Pertubuhan Pendidikan Buddha Dharma-Realm, Johor Bahru
8		Persatuan Penganut Dewi Sri Mahamariamman, Ladang Ulu Tiram
9		Pertubuhan Penganut Dewi Maha Karumariamman Rumah Pangsa Taman Tun Aminah, Skudai
10		Persatuan Penganut Maha Mariamman, Bandar Baru Kota Puteri
11	JOHOR BAHRU	Kovil Sri Subramaniar Paripalana Saba, Masai, Johor
12		Our Saviour Lutheran Congregation
13		Synod of the Diocese of West Malaysia (St Christopher's Church)
14		Gereja Methodist Iban Skudai
15		Gurdwara Sahib Johor Bahru
16	BATU PAHAT	Pertubuhan Penganut Dewa Cheng Teng Kong, Kangkar Baru
17		Jawatankuasa Pengurusan Rumah Berhala Sam Sian Kuan, Batu Pahat
18		Pertubuhan Penganut Dewa Sam Seng Kuan, Yong Peng
19		Persatuan Penganut Dewa Lare Too, Batu Pahat

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

20		Rumah Berhala Hong Ann Tongkang Pechah
21	SEGAMAT	Persatuan Penganut Agama Buddha Tai Shan Dian
22		Pertubuhan Penganut Dewa Ten Nam Sungai Karas, Labis
23		Persatuan Penganut Sri Mahamariamman Ladang Sungai Labis
24		Persatuan Penganut Sri Athi Parasakthi Labis
25	KLUANG	Pertubuhan Penganut Agama Buddha Faxi Zen, Johor
26		Persatuan Belia Buddhist Malaysia (Cawangan Johor: Puzhao Buddhist Vihara)
27		Pertubuhan Penganut Dewi Sri Maha Mariamman Ladang Ulu Remis, Layang-Layang
28		Jawatankuasa Pengurusan Rumah Berhala Sri Mahamariamman, Kluang
29		St Luke's Anglican Church (Central Johor Missionary District Anglican Church)
30	PONTIAN	Jawatankuasa Pengurusan Rumah Berhala Nam Tian Kong
31		Pertubuhan Penganut Dewa Tong Yee Oh Song Tian, Pontian
32		Persatuan Penganut Dewa Arulmigu Aathi Muthumaariamman
33	KOTA TINGGI	Persatuan Penganut Sri Dewi Durgambigai, Ladang Daiman, Kota Tinggi, Johor
34		Pertubuhan Penganut Dewa Sri Maha Mariamman Bandar Tengara
35		Persatuan Penganut Ugarntha Kottai Masi Periya Karuppannasamy, Kota Tinggi
36	TANGKAK	Persatuan Penganut Agama Sri Maha Mariamman Koil, Ladang Ledang
37	KULAI	Persatuan Penganut Agama Buddha Zhu Yuen KulaiJaya, Johor
38		Persatuan Pengajian Agama Buddha, Kulai Johor
39		Pertubuhan Penganut Arulmigu Mahamariamman, Kulai

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB PUAN NG KOR SIM (JEMENTAH)

SOALAN B43

Rungutan di kalangan penduduk Segamat bahawa mereka terpaksa tunggu lama untuk giliran kelayakan mengambil Kursus Pra Perkahwinan. Adakah kenyataan ini benar? Dan jika ya, apakah langkah yang akan dijalankan untuk mengatasi masalah ini?

JAWAPAN YB TUAN HAJI MOHD FARED BIN MOHD KHALID

Jabatan Agama Islam Negeri Johor sentiasa berusaha mengukuh dan memantapkan institusi kekeluargaan orang Islam. Antara yang dilakukan ialah mewajibkan pasangan yang ingin berkahwin menghadiri Kursus Pra Perkahwinan Islam. Kursus ini adalah bertujuan untuk memberikan ilmu dan pendedahan awal kepada bakal-bakal suami isteri yang ingin berkahwin agar bersedia menghadapi kehidupan alam rumah tangga. Bagi memastikan Kursus Pra Perkahwinan Islam ini dapat dilaksanakan secara menyeluruh, Jabatan Agama Islam Negeri Johor telah melantik sebanyak 16 buah Syarikat Pengangur Kursus Pra Perkahwinan Islam untuk melaksanakan kursus tersebut di setiap daerah. Manakala had maksimum jumlah peserta yang ditetapkan bagi menghadiri sesuatu kursus Pra Perkahwinan Islam ialah tidak melebihi seramai 150 orang.

Berkenaan dengan kenyataan rungutan dikalangan penduduk segamat perlu menunggu giliran yang lama untuk menghadiri Kursus Pra Perkahwinan Islam, pihak Jabatan Agama Islam Negeri Johor mendapati dakwaan tersebut adalah tidak tepat. Hal ini kerana berdasarkan statistik pelaksanaan Kursus Pra Perkahwinan Islam di daerah segamat menunjukkan kehadiran peserta yang menghadiri Kursus Pra Perkahwinan Islam tidak mencapai jumlah had maksimum iaitu 150 orang peserta sedangkan had jumlah yang diperuntukan adalah sebanyak 150 orang peserta. Perkara ini boleh dirujuk kepada statistik jumlah peserta Kursus Pra Perkahwinan Islam mengikut bulanan di daerah segamat bagi tahun 2023 sebagaimana berikut:-

BULAN	Januari	Februari	Mac	April	Mei	Jun	Julai
KEKERAPAN	1 kali sebulan	1 kali sebulan	1 kali sebulan	1 kali sebulan	1 kali sebulan	1 kali sebulan	1 kali sebulan
JUMLAH	86 orang	90 orang	92 orang	66 orang	83 orang	99 orang	101 orang

Berdasarkan statistik yang direkodkan ini jelas menunjukkan bahawa masih terdapat ruang yang boleh diisi bagi mereka yang berhasrat menghadiri Kursus Pra Perkahwinan Islam di daerah Segamat. Walaubagaimanapun sekiranya benar terdapat peningkatan penyertaan peserta melebihi jumlah had yang ditetapkan, pihak Jabatan Agama Islam Negeri Johor bersedia menambahbaik pelaksanaan Kursus Pra Perkahwinan Islam di daerah Segamat dengan menambah kekerapan pelaksanaan daripada 1 kali sebulan kepada 2 kali sebulan.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB PUAN NG KOR SIM (JEMENTAH)

SOALAN B44

Adakah pihak JTK wanita akan memberikan peruntukan bagi sekolah-sekolah atau pusat pengajian kerajaan untuk membina “*Bilik Mama Friendly*”?

JAWAPAN YB PUAN HAJAH KHAIRIN-NISA BINTI ISMAIL @ MD ON

Projek *Mama Friendly* ini merupakan satu projek yang telah mendapat sokongan yang baik dari pelbagai agensi antaranya Pihak Berkuasa Tempatan (PBT), sekolah, swasta, IPT dan NGO.

Namun begitu, tiada peruntukan baru bagi penubuhan bilik *Mama Friendly* ini di sekolah-sekolah dan pusat pengajian. YPKDT lebih memfokuskan kepada pelaksanaan program atau aktiviti di setiap bilik *Mama Friendly* yang telah ditubuhkan. Pelaksanaan aktiviti ini merangkumi program kesedaran tentang penyusuan susu ibu terutama di tempat kerja dan menubuhkan kumpulan sokongan dalam penyusuan susu ibu di fasiliti tersebut.

Program atau aktiviti ini akan melibatkan kerjasama dengan Jabatan Kesihatan Negeri Johor sepetimana di dalam perancangan pemantapan strategi program pemakanan di bawah Pelan Tindakan Pemakanan Kebangsaan Malaysia (NPANM) III yang telah diselaraskan oleh Jabatan Kesihatan Negeri Johor. Pelaksanaan program atau aktiviti yang di rancang di bawah pelan tindakan ini adalah bagi tempoh 2023-2025.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN HAJI ABDUL AZIZ BIN TALIB (MAHARANI)

SOALAN B45

Merujuk kepada Mesyuarat Kedua Bagi Penggal Persidangan Pertama Sidang Dewan Negeri Johor Ke-15, Taman Perbadanan Islam Maharani telah diluluskan kerja tanah kecil pada 17 Februari 2022. Namun sehingga kini belum ada sebarang perkembangan. Apakah tindakan seterusnya oleh pihak kerajaan?

JAWAPAN YB TUAN HAJI MOHD FARED BIN MOHD KHALID

Pembangunan Taman Perbadanan Islam (TPI) merupakan salah satu pendekatan dan strategi Kerajaan Negeri bagi mempertingkatkan dan menyegerakan pembangunan Rumah Mampu Milik Johor (RMMJ) dalam membantu rakyat khususnya golongan berpendapatan rendah (B40) dan sederhana (M40) untuk memiliki kediaman sendiri.

Bagi projek TPI Maharani yang berkeluasan sebanyak 69 ekar, Perjanjian Hak Pembangunan telah ditandatangani oleh anak Syarikat PIJ Holdings Sdn Bhd (PIJH) iaitu PIJ Property Development Sdn Bhd (PPDSB) dan Sunwide Development Sdn Bhd (SDSB) pada 20 April 2016, perjanjian tambahan (1) pada 28 Disember 2018 dan perjanjian tambahan (2) pada 13 Februari 2020.

Pihak SDSB telah memperolehi kelulusan pelan Kebenaran Merancang pada 6 Julai 2021 dan sah sehingga 6 Julai 2022 dari pihak Majlis Perbandaran Muar (MPM). Komponen Pembangunan yang telah diluluskan iaitu 136 unit Rumah Bandar PKJ A, 204 unit Rumah Bandar PKJ B dan 142 unit Rumah Mampu Biaya Johor Jenis C (RMBJ C). Selain daripada itu, unit-unit komersial juga dibina pada pembangunan TPI ini. Pihak MPM juga memberikan kelulusan pelan kerja tanah kecil di tapak pada 17 Februari 2022. Pihak SDSB juga telah memperolehi kelulusan lesen pengeluaran kayu dari Pejabat Hutan Daerah Johor Utara (Segamat) dari 1 September 2022 hingga 28 Februari 2023 tetapi masih tidak dapat menyempurnakan kerja-kerja pembersihan tersebut sehingga kini.

Pihak SDSB tidak mematuhi hak perjanjian pembangunan di mana mereka telah gagal untuk membuat permohonan bagi kelulusan Pelan Kerja Tanah, Jalan dan Perparitan dan Pelan Bangunan di MPM iaitu sebelum tamatnya kelulusan Kebenaran Merancang pada 6 Julai 2022. Justeru itu, disebabkan kegagalan mengemukakan permohonan bagi kelulusan pelan-pelan tersebut, pihak PPDSB telah mengambil tindakan undang-undang melalui mahkamah yang sewajarnya di atas sebab pelanggaran syarat perjanjian dengan SDSB. Perancangan pembangunan di atas tanah akan dibangunakan ini mengikut kesesuaian dan kehendak Kerajaan Negeri.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN HAJI ABDUL AZIZ BIN TALIB (MAHARANI)

SOALAN B46

Kenaikan harga barang dan kurangnya kuasa membeli di kalangan pengguna telah menjelaskan pendapatan peniaga kecil terutama peniaga pasar tani, pasar malam dan *uptown* di Bandar Muar sehingga peniaga terpaksa tutup kedai. Apakah tindakan Kerajaan Negeri bagi membantu golongan tersebut?

JAWAPAN YB TUAN MOHD HAIRI BIN MAD SHAH

Antara tindakan Kerajaan Negeri bagi membantu golongan tersebut menerusi aspek keusahawanan melalui PUJB iaitu:-

- i. Menggalakkan beralih kepada perniagaan berdasarkan digital iaitu perniagaan atas talian dengan bimbingan menerusi PUJB dan kerjasama MDEC iaitu fokus kepada melakukan jualan di platform media sosial.
- ii. Memberikan insentif berbentuk latihan yang diperlukan golongan tersebut.
- iii. Menawarkan peluang terlibat menerusi program berbentuk ekspo/karnival anjuran agensi negeri atau persekutuan.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN HAJI ABDUL AZIZ BIN TALIB (MAHARANI)

SOALAN B47

Mohon nyatakan status perkembangan Projek Maharani Gateway sehingga kini.

JAWAPAN YAB MENTERI BESAR

Cadangan pembangunan Maharani Energy Gateway mengandungi beberapa komponen iaitu Minyak dan Gas (*Oil and Gas*), Punggahan Kapal-ke-Kapal (*Ship to Ship Transfer - STS*), Pelabuhan Laut Dalam (*Deep Sea Port*), *Bunker Hub - Bunkering & De-Bunkering Services*, Pembinaan dan Pembaikan Kapal (*Ship Building and Repair*), Perkhidmatan Marin (*Marine Services*), Tenaga Boleh Baharu (*Renewable Energy*) dan Pendigitalan (*Digitalization*).

Merujuk keputusan Mesyuarat Teknikal Subseksyen 5(2), Akta 172 yang telah diadakan pada 9 Julai 2023, permohonan Kebenaran Merancang bagi aktiviti tambakan projek Maharani Energy Gateway (MEG) telah **DILULUSKAN DENGAN SYARAT**:

- i. **Pelan mitigasi nelayan perlu dibentangkan ke Majlis Mesyuarat Kerajaan (MMK) Johor terlebih dahulu sebelum Pelan Kebenaran Merancang boleh diperakuan.**

Untuk makluman Yang Berhormat Maharani, status terkini berkenaan perkara ini masih dalam tindakan pihak Maharani Energy Gateway Sdn. Bhd. Kertas kerja pertimbangan bagi pelan mitigasi nelayan akan dibawa oleh Bahagian Perancang Ekonomi Negeri Johor (BPENJ).

- ii. **Kertas perakuan semula permohonan tanah perlu dibawa semula ke MMK Johor dan bayaran Notis 5A serta apa-apa bayaran yang dikenakan oleh pihak Kerajaan Negeri adalah tertakluk kepada keputusan Pihak Berkuasa Negeri (PBN).**

Untuk makluman Yang Berhormat Maharani, melalui surat daripada Pejabat Tanah Daerah Muar dengan no. rujukan: PTD/06/02/01/0209/0005/2021 bertarikh 3 Ogos 2023 memaklumkan persetujuan Jawatankuasa Hasil Bumi Johor ke atas perakuan semula permohonan tanah dan pihak pemohon dikehendaki menjelaskan bayaran Notis 5A berjumlah RM85,201,015.00 dalam tempoh tiga (3) dari tarikh penerimaan notis. Lain-lain bayaran yang dikenakan adalah sebagaimana berikut:

- a. Bayaran royalti Tabung Khas Pembangunan Nelayan Negeri Johor sebagaimana MMK Bil. 1661/2015;
- b. Menjelaskan bayaran premium tambahan sekiranya ada; dan
- c. Mematuhi perkara-perkara yang telah dipersetujui atau diputuskan di dalam Majlis Mesyuarat Kerajaan Johor sebagaimana R/M Bil.583/2021 bertarikh 30 Jun 2021 dan R/M Bil. 661/2021 bertarikh 30 Jun 2021.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

Berdasarkan perancangan pihak Maharani Energy Gateway, kerja-kerja tambakan akan bermula pada suku ketiga tahun 2023 dan akan siap sepenuhnya bagi kesemua plot A hingga plot E pada tahun 2030.

Kawalan dan pemantauan sepanjang kerja penambakan tersebut adalah di bawah seliaan Majlis Perbandaran Muar (MPM) bersama Jabatan Laut.

Dalam masa terdekat, Pejabat Daerah Muar bersama PLAN Malaysia akan menyelaras bagi membincangkan dan seterusnya menyelesaikan beberapa perkara yang berkaitan dan isu-isu berbangkit bersama komuniti nelayan dan masyarakat setempat sebelum kerja-kerja penambakan bermula.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN SAHRIHAN BIN JANI (GAMBIR)

SOALAN B48

Mohon jelaskan secara terperinci program basmi kemiskinan yang sedang dan akan dilaksanakan oleh Kerajaan Johor.

JAWAPAN YB PUAN HAJAH KHAIRIN-NISA BINTI ISMAIL @ MD ON

**MAKLUM BALAS AKAN DIBERIKAN KEPADA YANG BERHORMAT SECARA TERUS
DARIPADA YB EXCO YANG BERKENAAN.**

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN SAHRIHAN BIN JANI (GAMBIR)

SOALAN B49

Masalah monyet dan anjing liar masih lagi berleluasa, apakah perancangan pihak jabatan/agensi berkaitan mengatasi masalah ini.

JAWAPAN YB DATO' HAJI MOHD. JAFNI BIN MD. SHUKOR

Pihak Berkuasa Tempatan (PBT) melaksanakan operasi menangkap anjing liar mengikut operasi yang dijalankan berdasarkan aduan yang diterima. Sebagai contoh, pihak Majlis Bandaraya Johor Bahru (MBJB) telah melantik dua (2) kontraktor yang dibahagikan kepada Zon Barat dan Zon Timur yang menjalankan operasi setiap hari. Fokus utama adalah menyelesaikan aduan awam yang diterima setiap hari dan seterusnya menjalankan rondaan mencari anjing liar di kawasan yang telah dijadualkan secara berperingkat ke seluruh kawasan Ahli Majlis.

Pihak Majlis akan memperkasakan pasukan tangkapan anjing liar dengan melantik beberapa kontraktor yang berkemahiran untuk menyelesaikan masalah anjing liar ini. Seterusnya akan mempergiatkan kempen-kempen serta program kembiri haiwan peliharaan dan bekerjasama dengan NGO-NGO terlibat dalam penjagaan serta 'rehome' haiwan.

Bagi Majlis Perbandaran Muar (MPM) pula, aduan berkaitan monyet telah diambil tindakan dengan pemasangan perangkap monyet dan umpan di lokasi berkaitan. Hasil tangkapan yang berjaya dibuat akan diserahkan kepada Jabatan PERHILITAN bagi tindakan lanjut dibawah jabatan tersebut.

Manakala, operasi penangkapan anjing-anjing liar yang dijalankan oleh pihak MPM pada setiap minggu adalah pada hari Isnin dan Rabu. Mana-mana pemilik anjing yang didapati tidak melesenkan anjing-anjing peliharaannya akan diberikan arahan berupa notis kacau ganggu dan seterusnya notis bagi permohonan lesen anjing.

Pihak Jabatan PERHILITAN Negeri Johor pula memahami serta mengambil berat akan masalah-masalah yang dihadapi oleh penduduk kampung yang terlibat dengan gangguan kera. Untuk makluman, Jabatan PERHILITAN telah berusaha untuk menyelesaikan dan mengurangkan populasi kera melalui langkah-langkah jangka panjang dan jangka pendek melalui tindakan seperti berikut:

- i) Siasatan, pemantauan dan khidmat nasihat bagi setiap aduan yang diterima.
- ii) Pemasangan perangkap dan melupuskan kera-kera yang ditangkap.
- iii) Tindakan tembak mati jika kesemua langkah mitigasi lain tidak berkesan dan hidupan liar berkenaan memberi ancaman yang serius kepada manusia.
- iv) Mengadakan program kesedaran awam secara berkala seperti sesi dialog dan perbincangan bersama masyarakat setempat.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

Berdasarkan rekod dalam tempoh 2022, sebanyak 10,364 ekor kera telah ditangkap dan diuruskan di seluruh Negeri Johor. Selain itu, sebanyak 1,272 operasi telah dijalankan di seluruh Negeri Johor dengan kerjasama pelbagai agensi dalam membasmi musuh tanaman seperti kera dan monyet liar.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN SAHRIHAN BIN JANI (GAMBIR)

SOALAN B50

Apakah perancangan kerajaan dalam menambah lagi jumlah rumah mampu milik khasnya di DUN Gambir?

JAWAPAN YB DATO' HAJI MOHD. JAFNI BIN MD. SHUKOR

Kerajaan Negeri sentiasa menambah kawasan baru untuk pembangunan perumahan mampu milik dari masa ke masa. Berdasarkan rekod semasa untuk Daerah Tangkak mempunyai 2,476 unit. Sasaran siap sehingga 2026 adalah sebanyak 765 unit manakala rizab sebanyak 1,711 unit. Berikut merupakan projek yang melibatkan Kawasan Gambir:

Terdapat 4 projek perumahan sehingga 2026 sebanyak 297 unit:

- i. Bukit Gambir Company (Taman Melor Jaya (Fasa 1)) sebanyak 40 unit teres RMB A dan 60 unit teres RMB B.
- ii. Budi Saja (Taman Bukit Gambir Perdana (Fasa 1)) sebanyak 45 unit teres RMB C.
- iii. Budi Saja (Taman Bukit Gambir Perdana (Fasa 1B & 1C) sebanyak 44 unit townhouse RMB A dan 68 unit townhouse RMB B.
- iv. Bukit Gambir Company (Taman Melor Jaya (Fasa 2)) sebanyak 40 unit teres RMB C.

Terdapat 2 projek perumahan dalam rizab sebanyak 104 unit:

- i. KSL Development (Sbhg. Lot 7008 GM 5572) sebanyak 14 unit teres RMB B dan 12 unit teres RMB C.
- ii. Maharani Properties (Taman Melor) sebanyak 78 unit teres RMB A.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN SAHRIHAN BIN JANI (GAMBIR)

SOALAN B51

Apakah status perancangan menambah lampu jalan sebagaimana yang telah diluluskan dalam Bajet 2023 Malaysia, Bagaimana agihan untuk setiap DUN?

JAWAPAN YB DATO' HAJI MOHD. JAFNI BIN MD. SHUKOR

Untuk makluman, Kementerian Kemajuan Desa dan Wilayah (KKDW) baru sahaja mengumumkan pelaksanaan program pemasangan Lampu Jalan Kampung (LJK) Fasa 11. Negeri Johor telah menerima sejumlah 2,230 unit LJK bagi fasa kali ini. Pembahagian kuota adalah seperti berikut :

1. Parlimen luar bandar : 88 unit x 22 parlimen
2. Parlimen pinggir bandar : 88 unit x 3 parlimen
3. Parlimen bandar : 30 unit x 1 parlimen

Berdasarkan garis panduan pelaksanaan program pemasangan Lampu Jalan Kampung (LJK), KKDw telah menetapkan bahawa 40 unit lampu akan dipasang di setiap kampung induk atau rangkaian dengan mengambil kira saiz kampung dan bilangan rumah yang ada di dalam kampung tersebut.

Keseluruhan Pejabat Daerah Negeri Johor telah mengemukakan senarai keutamaan pemasangan dan senarai itu telah dihantar kepada bahagian prasarana KKDw untuk semakan pematuhan skop bersama Tenaga Nasional Berhad (TNB) dan kelulusan pemasangan.

Jika terdapat keperluan yang melebihi had yang ditetapkan, permohonan boleh disalurkan kepada KKDw Negeri Johor untuk perhatian dan tindakan. Walau bagaimanapun, sebarang kelulusan permohonan pemasangan LJK tambahan adalah tertakluk kepada pertimbangan di peringkat ibu pejabat KKDw.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN SAHRIHAN BIN JANI (GAMBIR)

SOALAN B52

Apakah status permohonan beri milik tanah paya Sengkang yang telah berlanjutan lebih 10 tahun?

JAWAPAN YAB MENTERI BESAR

Untuk makluman Yang Berhormat Gambir, tanah yang dimaksudkan terletak di Paya Sengkang Batu 20 iaitu PTD 14313 seluas 199.1 hektar (492 ekar) yang terletak di dua mukim iaitu Mukim Bukit Serampang dan Mukim Grisek, Daerah Tangkak, Johor Darul Ta'zim. Tanah ini asalnya telah diwartakan sebagai Tapak Simpanan Tadahan Sungai Ring sebagaimana Warta Kerajaan Johor No.230 bertarikh 28.2.1991.

Walau bagaimanapun, tanah ini telah dibatalkan sebagai Tapak Simpanan Tadahan Sungai Ring sebagaimana Warta Kerajaan Johor No.3786 bertarikh 27.5.2010.

Majlis Mesyuarat Kerajaan Johor dalam mesyuarat pada 24.8.2011 telah bersetuju tanah PTD 14313 seluas 199.1 hektar (492 ekar) diumumkan untuk tujuan tapak pertanian kelapa sawit.

Lanjutan itu, Pentadbiran Tanah Tangkak telah menjalankan proses tanah umum pada 19.12.2011 sehingga 13.1.2012. Dalam tempoh tersebut, sebanyak 5,987 permohonan telah diterima bagi permohonan pemberimilikan tanah di Paya Sengkang.

Untuk makluman Yang Berhormat, jumlah plot yang diperuntukkan bagi permohonan tanah umum ini adalah sebanyak 319 plot dengan anggaran keluasan sebanyak 0.611 hektar (1.5 ekar) bagi setiap plot.

Sehubungan itu, proses temuduga telah dijalankan sebanyak dua sesi pada 15.10.2012 sehingga 19.10.2012 dan pada 25.2.2013 sehingga 6.3.2013 bagi mengenalpasti pemohon yang berkelayakan.

Mesyuarat penyelarasan bersama agensi teknikal (LCM) telah diadakan pada 26 Julai 2023 bagi mendapatkan ulasan dan laporan terperinci berhubung permohonan tanah ini.

Seterusnya, pihak Pentadbiran Tanah Tangkak akan menyediakan kertas perakuan setelah meneliti semua dokumen permohonan yang layak sebelum dimajukan kepada Pengarah Tanah dan Galian Negeri Johor bagi dibawa pertimbangan Pihak Berkuasa Negeri (PBN).

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN HAJI AZIZUL BIN BACHOK (TIRAM)

SOALAN B53

Mohon disenaraikan perincian peruntukan yang diterima mengikut masjid dan surau serta sekolah-sekolah agama dalam DUN Tiram dalam tahun 2023.

JAWAPAN YB TUAN HAJI MOHD FARED BIN MOHD KHALID

Kerajaan Negeri Johor amat perihatin dari sudut permohonan masjid dan surau termasuklah dari segi baik pulih dan naik taraf. Justeru, Kerajaan Negeri melalui Jabatan Agama Islam Negeri Johor sedang melaksanakan beberapa program dalam usaha menyalurkan peruntukan atau sumbangan kepada masjid dan surau seluruh negeri Johor yang memerlukan bantuan baik pulih dan naik taraf. Keseluruhannya adalah berjumlah **RM741,000.00 ribu** daripada bajet peruntukan tahun semasa Tabung Pembangunan Masjid Dan Amal Jariah Johor (Bajet Peruntukan 2023 sebanyak **RM4.3 Juta**) yang merangkumi **11 buah masjid** dan **31 buah surau** bagi **Projek TPMJ Fasa 2 / 2023**. Manakala program sumbangan bantuan banjir telah pun disalurkan kepada **74 buah** masjid dan surau yang terjejas banjir sebanyak **RM1.1 juta**. Ianya melibatkan **27 buah masjid** dan **47 buah surau** seluruh negeri Johor.

Merujuk kepada soalan yang di kemukakan, berdasarkan rekod daripada Jabatan Agama Islam Negeri Johor mendapati bahawa **4 permohonan kategori surau** telah di ajukan daripada pejabat Kadi daerah Johor Bahru berkenaan **baik pulih tandas** dan **bumbung** bagi DUN TIRAM sebanyak **RM62,000.00**. Permohonan surau-surau berkenaan disenaraikan dalam bantuan baik pulih **Projek TPMJ Fasa 2 / 2023**. Nama surau adalah seperti berikut:

1. **Surau Al-Muzakir, Kampung Sentosa Damai.**
2. **Surau Peringkat 1, Kampung Cahaya Baru**
3. **Surau Al-Ikhsan, Taman Ikhsan Jaya**
4. **Surau Ar-Rahman, Jalan Atmo, Kampung Sungai Tiram**

Justeru itu, segala perincian maklumat permohonan beberapa surau tersebut dalam DUN TIRAM tercatat seperti mana catatan rujukan **Lampiran B53**.

LAMPIRAN B53**SENARAI CADANGAN MASJID DAN SURAU YANG MENERIMA PERUNTUKAN****BAGI DUN TIRAM, JOHOR BAHRU**

BIL	TEMPAT	DUN	PERMOHONAN	JUSTIFIKASI	ANGGARAN KOS	CATATAN
1	SURAU AL-MUZAKIR, KG. SENTOSA DAMAI	TIRAM	TANDAS	BAIK PULIH	20,000	PERLUKAN DANA TAMBAHAN BAGI MENYIAPKAN TANDAS DAN BILIK AIR YANG SEDANG DIBINA.
2	SURAU PERINGKAT 1, KG. CAHAYA BARU	TIRAM	TANDAS	BAIK PULIH	10,000	SURAU SANGAT MEMERLUKAN BANTUAN BAIKI TANDAS YANG UZUR
4	SURAU AL- IHSAN, TMN. EHSAN JAYA	TIRAM	TANDAS	BAIK PULIH	12,000	PERLUKAN KEPADA MEMBAIK PULIH TANDAS DAN PENDAWAIAN
5	SURAU AR-RAHMAN, JLN. ATMO, KG. SG. TIRAM	TIRAM	BUMBUNG	BAIK PULIH	20,000	PERLUKAN BANTUAN BAIK PULIH AKIBAT BENCANA (RIBUT) BAGI MEMBAIKI BUMBUNG YANG ROSAK
JUMLAH KESELURUHAN					62,000	

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN HAJI AZIZUL BIN BACHOK (TIRAM)

SOALAN B54

Apakah perancangan khusus pihak kerajaan untuk menghalang kes-kes buli terus berlaku yang dikhuatiri akan menjadi parah di kalangan pelajar sekolah?

JAWAPAN YB CIK NORLIZAH BINTI NOH

Tindakan menangani Isu Buli telah diambil berdasarkan Surat Siaran KP(BPSH-SPKD)601/01 Jld.11(16) Pematuhan Garis Panduan Mencegah & Menangani Perbuatan di Kalangan Murid Di Sekolah, Surat Siaran KPM Bil.16 Tahun 2009 dan SPI Bil.8 Tahun 2010.

Pembentangan Amalan Baik Henti Buli telah dilaksanakan pada 26 Januari 2023. Fokus pembentangan adalah bagaimana menangani isu buli oleh sekolah.

Pemerksaan Pengisian SSDM (Sistem Sahsiah Diri Murid) telah diberikan kepada GPK HEM sekolah. Ia bertujuan meningkatkan pengisian salahlaku di SSDM oleh pihak sekolah bagi mendapatkan data sebenar bagi melihat realiti isu buli sekolah-sekolah negeri Johor.

Program Peningkatan Sahsiah Warga Asrama telah dilaksanakan mulai 11 Ogos sehingga 22 Ogos di 10 sekolah asrama harian terpilih. Fokus program berkaitan isu buli, isu vape dan meningkatkan amalan baik dalam kalangan warga asrama.

Program 5 Minit Anti Buli dilaksanakan di semua sekolah setiap minggu di Perhimpunan Minggu Sekolah sepanjang tahun.

Buku Panduan Pengurusan Tangani Buli Sekolah-Sekolah Negeri Johor yang telah dibina diedarkan kepada semua sekolah dalam negeri Johor bagi tindakan segera mengenalpasti murid yang cenderung kepada Tingkah Laku Buli serta langkah-langkah intervensi dalam membendung isu buli.

Pemerksaan Sahsiah Adab ABC (Anak Yang Baik Lagi Cerdik) ke sekolah-sekolah negeri Johor dalam membentuk sahsiah terpuji dalam kalangan murid Johor.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN TAN ENG MENG (PEKAN NANAS)

SOALAN B55

Apakah tindakan segera yang akan diambil bagi menggantikan dan memperbaiki fasiliti yang rosak seperti sistem nombor giliran, tandas, dan ruang rawatan di Klinik Kesihatan Pekan Nanas?

JAWAPAN YB TUAN LING TIAN SOON

Klinik Kesihatan Pekan Nanas merupakan projek lewat siap di mana pembinaan klinik tersebut dibina pada tahun 2014 dan sepatutnya siap dibina pada tahun 2016, tetapi terdapat kelewatan dan telah siap dibina pada tahun 2018. Klinik Kesihatan Pekan Nanas telah mula beroperasi pada April 2018. Walaupun ia merupakan fasiliti baru, namun semenjak beroperasi dalam tempoh 5 tahun ini, terdapat kerosakan-kerosakan serius yang berlaku terhadap fasiliti tersebut.

Pertama, bagi isu penyaman udara di ruang rawatan dan keseluruhan bagunan di Klinik Kesihatan Pekan Nanas, hasil pemeriksaan Unit Kejuruteraan, Jabatan Kesihatan Negeri Johor (JKNJ), terdapat pemasangan pendawaian kuasa dan kawalan sedia ada yang tidak memenuhi piawaian serta kelulusan bahan JKR serta permasalahan siling di ruangan OPD klinik. Untuk makluman ahli-ahli Yang Berhormat, kerja-kerja pembaikan pendawaian kuasa & kawalan sistem penyaman udara berpusat Klinik Kesihatan Pekan Nanas akan dilaksanakan dalam tempoh terdekat dengan kaedah perolehan secara pembelian terus dengan kos pembaikan sebanyak RM20,853.00.

Selain itu, kerja-kerja pembaikan siling, sistem sesalur udara OPD dan kerja-kerja berkaitan sedang dalam proses perolehan dan kerja-kerja akan dilaksanakan segera selepas proses perolehan secara sebutharga selesai dibuat mengikut prosedur yang di mana kos anggaran pembaikan adalah sebanyak RM61,6570.00.

Selain itu, isu kawasan ruang menunggu Klinik Demam yang panas di mana ruang tersebut dibuat di kawasan luar klinik dan merupakan ruang khas disediakan bagi pesakit yang hadir ke klinik dan mempunyai gejala seperti demam dan batuk. Ruang ini diwujudkan bagi pencegahan awal penularan virus COVID-19. Inisiatif yang dilaksanakan bagi mengatasi masalah ketidaksesuaian pesakit di ruangan tersebut adalah dengan membuat pemasangan kipas industri untuk memberi keselesaan kepada pesakit (demam) yang hadir ke klinik untuk mendapatkan rawatan. Usaha untuk mendapatkan tambahan kipas industri dan insiatif mencari keperluan memasang penghadang bagi menghalang cahaya matahari secara terus di ruang klinik demam sedang dilaksanakan.

Seterusnya ialah masalah kerosakan tandas yang telah menyukarkan ibu hamil untuk menggunakan tandas dan kerosakkan sistem nombor giliran di Klinik Kesihatan Pekan Nanas. Setelah lawatan dibuat oleh pihak Pengurus Jawatankuasa Kesihatan dan Perpaduan Negeri Johor bersama Yang Berhormat Adun Pekan Nanas pada 27 Julai 2023 yang lalu, permohonan peruntukan daripada Yang Berhormat Tuan Ling Tian Soon sedang dimohon yang jumlah pembaikan dianggarkan sebanyak RM15,400.00 bagi kerja-kerja baik pulih dan penyelenggaraan tandas dan RM29,735.00 bagi penyelenggaraan masalah sistem

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

Queue Management System (QMS) keseluruhan klinik yang tidak berfungsi. Pembaikan bagi isu kerosakan tersebut akan diambil tindakan secepat mungkin setelah kelulusan permohonan peruntukan diperolehi.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN TAN ENG MENG (PEKAN NANAS)

SOALAN B56

Apakah perancangan kerajaan dalam menangani isu projek rumah kos rendah yang terbengkalai sejak sekian lama seperti di Taman Bunga Teratai dan Taman Puteri Pekan Nanas?

JAWAPAN YB DATO' HAJI MOHD. JAFNI BIN MD. SHUKOR

Untuk makluman, pihak PKPJ telah menjalankan semakan berkenaan Rumah Terbengkalai tersebut kepada pihak Jabatan Perumahan Negara. Walau bagaimanapun, hasil semakan mendapati tiada rekod berkaitan perumahan tersebut di dalam senarai Rumah Terbengkalai di Negeri Johor.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN TAN ENG MENG (PEKAN NANAS)

SOALAN B57

Adakah sukan badminton akan dipertimbangkan untuk dimasukkan dalam Sukan Bangsa Johor, memandangkan permintaan yang ramai dari peminat sukan tersebut?

JAWAPAN YB TUAN MOHD HAIRI BIN MAD SHAH

Sukan adalah medium terbaik untuk menyatupadukan rakyat tidak mengira warna kulit, agama dan bangsa mahupun fahaman politik. Penganjuran sukan untuk masyarakat seperti Sukan Bangsa Johor boleh dijadikan wadah kepada ADUN untuk mendekati rakyat terutama golongan belia.

Sebanyak empat sukan dipertandingkan iaitu sepaktakraw, futsal, bola jaring dan bola keranjang 3 on 3 di mana sukan-sukan ini merupakan sukan popular di Malaysia dan boleh disertai oleh semua bangsa. Penganjuran Sukan Bangsa Johor 2023 atau SBJ2023 baru-baru ini turut mempertandingkan sukan kabaddi sebagai sukan pertunjukkan.

Sukan badminton sememangnya sukan popular di negara kita bukan sahaja di peringkat prestasi tinggi malah turut menjadi sukan riadah popular dikalangan masyarakat akar umbi.

Namun begitu, pemilihan sukan untuk dipertandingkan ke dalam Sukan Bangsa Johor perlu diperhalusi bersama pemegang-pemegang taruh mengambil kira pelbagai sudut seperti kos penganjuran, fasiliti, teknikal, jenis acara dan lain-lain.

Hal ini adalah supaya matlamat asal penganjuran tidak tersasar daripada landasan dan penganjuran dapat dilaksanakan dengan lancar.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN TAN ENG MENG (PEKAN NANAS)

SOALAN B58

Adakah terdapat rancangan untuk menyediakan caruman PERKESO dan KWSP khusus kepada kakitangan Pusat Khidmat ADUN, mengikut standard keperluan kewangan dan perlindungan pekerja?

JAWAPAN YB TUAN MOHD HAIRI BIN MAD SHAH

Untuk makluman Ahli Yang Berhormat, Kementerian Sumber Manusia melalui PERKESO sentiasa ingin memastikan semua pekerja di negara ini adalah layak mendapat perlindungan sosial termasuklah kakitangan yang bekerja di Pusat Khidmat ADUN. Oleh itu, sekiranya kakitangan tersebut diambil bekerja mengikut tempoh tertentu dan terikat dengan majikan seperti waktu kerja, arahan dari semasa ke semasa oleh majikan, kakitangan tersebut adalah **diwajibkan mencarum** di bawah Akta Keselamatan Sosial Pekerja 1969 [Akta 4] dan Akta Sistem Insurans Pekerjaan 2017 [Akta 800].

Kakitangan yang mencarum di bawah Akta 4 adalah layak mendapat faedah di bawah Skim Bencana Pekerjaan dan Skim Keilatan sepertimana berikut;

- i. Faedah di bawah Skim Bencana Pekerjaan
 - a. Faedah Perubatan
 - b. Faedah Hilang Upaya Sementara
 - c. Faedah Hilang Upaya Kekal
 - d. Elaun Layanan Sentiasa
 - e. Faedah Orang Tanggungan
 - f. Faedah Pengurusan Mayat
 - g. Faedah Pendidikan
 - h. Kemudahan Pemulihan Jasmani dan Vokasional

- ii. Faedah di bawah Skim Keilatan
 - a. Pencen Ilat
 - b. Bantuan Ilat
 - c. Elaun Layanan Sentiasa
 - d. Pencen Penakat
 - e. Faedah Pengurusan Mayat
 - f. Faedah Pendidikan

Selain itu, kakitangan juga adalah layak untuk mendapat faedah di bawah Akta 800 sekiranya kehilangan pekerjaan seperti;

- a. Elaun Mencari Pekerjaan
- b. Elaun Bekerja Semula Awal
- c. Elaun Latihan
- d. Elaun Pendapatan Berkurangan
- e. Penempatan Pekerjaan dan Kaunseling Kerjaya

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN TAN ENG MENG (PEKAN NANAS)

SOALAN B59

Bagaimanakah kerajaan berperanan dalam membantu permohonan untuk menaik taraf keceriaan sekolah serta menaik taraf infrastruktur sekolah termasuk fasiliti padang sekolah yang telah rosak dan dewan sekolah yang sudah uzur?

JAWAPAN YB CIK NORLIZAH BINTI NOH

Untuk makluman, terdapat 28 buah dewan terbuka telah dan sedang dibina di seluruh Johor melibatkan peruntukan sejumlah RM12, 247,973.71juta. Sejumlah 6 buah dewan telah siap manakala 22 buah lagi dlm tempoh pembinaan. Pihak Jabatan Pendidikan Negeri Johor melalui Pejabat Pendidikan Daerah sentiasa memantau keperluan di peringkat sekolah.

JPN Johor ada menjalankan penarafan kendiri tandas di semua sekolah di bawah KPM sebanyak 2 kali setahun iaitu pada bulan Julai dan November untuk mendapatkan status kebersihan dan keadaan tandas sekolah. Dapatan daripada penarafan tersebut dan seterusnya mengambil tindakan yang sesuai seperti permohonan penyelenggaraan tandas yang uzur, intervensi pembudayaan kebersihan tandas di kalangan warga sekolah dan program lain yang bersesuaian. (Rujukan : Surat Kementerian Pendidikan Malaysia: KPM.600-17/1/17 Jld 3 (34) bertarikh 27 Jun 2023)

Selain itu, sekolah juga membuat penarafan kendiri tahap keselamatan sekolah menerusi Sistem Penarafan Keselamatan Sekolah (SPKS) yang dilaksanakan pada bulan Oktober. Sekolah akan melaporkan status keselamatan sekolah yang meliputi aspek pengurusan keselamatan infrastruktur sekolah, pengurusan sosial, pengurusan aktiviti murid, pengurusan krisis dan bencana, pengurusan risiko dan pengurusan kawalan keselamatan sekolah. Dapatan daripada pengisian ini akan diambil tindakan bersesuaian mengikut keperluan.

Bagi aktiviti-aktiviti keceriaan pula, peruntukan bahan mentah seperti simen, pasir dan cat diberikan ke sekolah-sekolah yang berkeperluan kritikal bagi menaik taraf keceriaan sekolah. Peruntukan tersebut diagihkan melalui Pejabat Pendidikan Daerah.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB DATUK HAJI MOHD. FUAD BIN TUKIRIN (BUKIT NANING)
SOALAN B60

Sebagai menangani gejala buli, peras ugut, kelakuan sumbang, keselamatan lalu lintas dan perkara-perkara yang boleh mengganggu gugat warga sekolah adakah kerajaan bercadang mempertingkatkan sistem keselamatan seperti pemasangan CCTV atau seumpamanya di setiap sekolah demi menjaga kebaikan mereka?

JAWAPAN YB CIK NORLIZAH BINTI NOH

Untuk makluman, perkhidmatan kawalan keselamatan di sekolah-sekolah di bawah Kementerian Pendidikan sebelum tahun 2019 adalah termasuk pemasangan dan penyelenggaraan CCTV. Walau bagaimanapun, perkhidmatan kawalan keselamatan yang bermula pada tahun 2020, skop berkaitan telah dikaji semula dan dikeluarkan daripada perjanjian oleh Kementerian Pendidikan.

Sekiranya terdapat sebarang cadangan dan perancangan yang diterima daripada pihak Sektor Pengurusan Sekolah bagi tujuan mempertingkatkan sistem keselamatan seperti pemasangan CCTV yang perlu dimasukkan dalam kontrak perkhidmatan kawalan keselamatan sekiranya terdapat keperluan tambahan perlu dikemukakan semula kepada peringkat Kementerian kerana skop dan terma perjanjian adalah di bawah kelulusan pihak Kementerian Pendidikan.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

**YB DATUK HAJI MOHD. FUAD BIN TUKIRIN (BUKIT NANING)
SOALAN B61**

Adakah kajian dilakukan berhubung rungutan mengatakan silibus dalam persekolahan menengah terlalu banyak sehingga mengakibatkan guru dan pelajar tidak dapat menghabiskannya dalam pengal persekolahan yang ditetapkan?

JAWAPAN YB CIK NORLIZAH BINTI NOH

Pihak Kementerian Pendidikan Malaysia melalui Bahagian Pembangunan Kurikulum sedang menjalankan kajian berkenaan dengan kurikulum persekolahan 2027 yang melibatkan warga pendidik dan orang ramai bermula 25 Ogos 2023 sehingga 15 September 2023. Setakat ini seramai 42,036 orang telah menjawab kajian ini.

Hasil dari kajian ini akan digunakan oleh KPM untuk menambahbaik kurikulum kebangsaan 2027.

Sektor Pembelajaran bersama-sama PPD Negeri Johor sentiasa memberikan bimbingan kepada pihak sekolah dan guru-guru untuk merungkai kurikulum sedia ada agar guru diberikan autonomi dalam perancangan dan pelaksanaan pengajaran dan pembelajaran serta pentaksiran bilik darjah dengan menjadikan Dokumen Standard Kurikulum dan Pentaksiran sebagai rujukan berdasarkan kesesuaian guru dan murid agar kurikulum dapat dihabiskan dalam pengal persekolahan yang ditetapkan.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

**YB DATUK HAJI MOHD. FUAD BIN TUKIRIN (BUKIT NANING)
SOALAN B62**

Program Kampung Angkat yang pernah dilaksanakan sebelum ini dilihat berpotensi merangsang pembangunan sosio ekonomi komuniti setempat. Disaran kerajaan melakukan penambahbaikan dan penjenamaan semula sebagai memperkasa program agar memenuhi aspirasi selain lebih relevan dengan kehendak masyarakat luar bandar.

JAWAPAN YB DATO' ZAHARI BIN SARIP

Untuk makluman, Kementerian Kemajuan Desa Wilayah (KKDW) ada melaksanakan pertandingan Desa Lestari dengan penglibatan koperasi yang kampung yang ditubuhkan. Pihak koperasi boleh menerima geran sehingga RM1,000,000.00 bagi projek keusahawanan yang dicadangkan sekiranya dipilih sebagai pemenang. Pertandingan ini dijalankan setiap tahun dengan kerjasama agensi-agensi di bawah KKDW dan pihak Pejabat Daerah/BPEN. Sehingga tahun 2022, sebanyak 16 buah kampung telah dipilih sebagai pemenang pertandingan Desa Lestari KKDW dengan melibatkan peruntukan geran sebanyak hampir RM12,000,000.00.

Projek yang dijalankan oleh pihak koperasi adalah diharapkan dapat membantu meningkatkan sosio ekonomi dan menjana peluang pekerjaan setempat. Bagi tahun 2023, dua (2) buah kampung telah dipilih ke peringkat akhir pertandingan Desa Lestari di Negeri Johor. Kampung tersebut adalah :

1. Kampung Sungai Melayu, Johor Bahru
 - Penternakan Kupang
2. Kampung Sungai Telor, Kota Tinggi
 - Pelancongan Lanchara De Malayos Resort

Kedua-dua buah kampung ini akan mengadakan pembentangan projek kepada Jawatankuasa Induk Pelaksanaan Program Desa Lestari KKDW pada 14 september 2023.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB DATUK HAJI MOHD. FUAD BIN TUKIRIN (BUKIT NANING)
SOALAN B63

Program 1 kampung 1 produk merupakan satu strategi dalam menaikkan imej, mempromosi serta merangsang pembangunan ekonomi sesebuah kampung. Mohon ia terus diperkasa melalui program gerak kerja berskala besar melibatkan pemimpin dan agensi terlibat bagi membantu pengusaha melebarkan perniagaan dan meluaskan pasaran.

JAWAPAN YB TUAN MOHD HAIRI BIN MAD SHAH

Produk luar bandar dapat diiktiraf sebagai produk Satu Daerah Satu Industri dengan Kerjasama Pejabat Daerah dan agensi kerajaan yang lain. Produk ini boleh diketengahkan sekiranya para usahawan merebut /mengambil peluang yang ditawarkan oleh kerajaan dari segi geran, pinjaman yang dapat membantu menaiktaraf produk dan syarikat mereka sendiri.

Menerusi PUJB, Program Pengembangan Produk Ushaawan Johor merupakan Langkah yang dilaksanakan untuk membantu para usahawan mempromosikan produk menerusi penglibatan ekspo / karnival di dalam dan luar negara, *live streaming* di media sosial yang dijalankan setiap minggu dan program-program rasmi kerajaan negeri selain program peningkatan kualiti produk bersama agensi persekutuan.

Antara usaha kerajaan negeri bagi memperkasakan sektor Industri Kecil Sederhana (IKS) khasnya di luar bandar menerusi : -

- Penawaran pembiayaan, geran, pinjaman dan insentif.
- Pengalihan teknologi pembuatan daripada tradisional kepada moden.
- Usaha sama dengan universiti tempatan dalam penyelidikan dan pembangunan.
- Memperkasa jenama produk.
- Menyertai ekspo perdagangan di peringkat antarabangsa.
- Memberikan anugerah dan pengiktirafan.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN HAJI HAHASRIN BIN HASHIM (PANTI)

SOALAN B64

Mohon dinyatakan secara terperinci kawasan-kawasan dibawah pengelolaan KEJORA dan Majlis Daerah Kota Tinggi serta senarai aset di bawah KEJORA dan juga Majlis Daerah Kota Tinggi.

JAWAPAN YB DATO' HAJI MOHD. JAFNI BIN MD. SHUKOR

Untuk makluman, pihak Majlis Daerah Kota Tinggi (MDKT) menerima aset KEJORA adalah daripada persempadanan semula pada tahun 2017 sebagaimana surat daripada Kementerian Kemajuan Luar Bandar dan Wilayah (KKLW) sebagaimana surat bertarikh bertarikh 11 Disember 2017. Senarai aset tersebut adalah sebagaimana berikut:

**Senarai Pelupusan Aset Tak Alih Kerajaan Milikan KEJORA Secara Kaedah Lain-Lain
Susulan Daripada Pembubaran LBJT**

PBT PENERIMA	JENIS ASET
Majlis Daerah Kota Tinggi	1. Gelanggang Tenis Bandar Tenggara
	2. Hentian Rehat Tenggara (Bandar Tenggara) <ul style="list-style-type: none"> - 20 unit Gerai - Peralatan - Perkakasan
	3. Hentian Bas Bandar Tenggara <ul style="list-style-type: none"> - 4 unit gerai - Kaunter
	4. Pasar Awam Bandar Tenggara <ul style="list-style-type: none"> - 40 unit gerai
	5. Balairaya Bandar Tenggara (PTB 3682). Kegunaan; <ul style="list-style-type: none"> - Tadika
	6. Hentian Perani (Bandar Sri Perani) <ul style="list-style-type: none"> - 5 unit Gerai
	7. Balairaya Bandar Petri Jaya (PTD 7995) <ul style="list-style-type: none"> - Peralatan - Perkakasan

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

	8.	Bangunan Aktiviti Bandar Petri Jaya - Peralatan - Perkakasan
	9.	Perpustakaan Bandar Petri Jaya - Peralatan - Perkakasan
	10.	Dewan Petri Jaya - Peralatan - Perkakasan
	11.	Hentian Petri Jaya - Peralatan - Perkakasan

Manakala, terdapat beberapa aset tak alih yang tidak diserahkan kepada MDKT yang mana masih di bawah pengurusan pihak KEJORA, pihak MDKT telah mengenakan cukai harta di bawah Sumbangan Membantu Kadar (SMK) sebagaimana Fasal 156 Perlembagaan Persekutuan. Pihak KEJORA konsisten menjelaskan bayaran SMK tersebut kepada MDKT setiap tahun sehingga kini.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN CHEW CHONG SIN (MENGKIBOL)

SOALAN B65

Apakah status penggunaan tanah di projek pertanian moden yang terkini dan adakah syarikat korporat besar seperti Country Heights masih menyewa tanah yang luas tetapi tidak menjalankan aktiviti pertanian sendiri atau melakukan *sublet*?

JAWAPAN YB DATO' ZAHARI BIN SARIP

Untuk makluman Yang Berhormat, pengurusan Projek Pertanian Moden Kluang adalah terus di bawah kelolaan Kementerian Pertanian & Keterjaminan Makanan. Namun, Kerajaan Negeri tetap mengambil perhatian akan fungsi dan keberkesanan impak pelaksanaan projek tersebut kepada industri pertanian dan bekalan makanan secara keseluruhannya.

Penggunaan tanah di Projek Pertanian Moden (PPM) bagi tahun 2023 adalah 88.86% pengusaha aktif yang merangkumi tiga (3) sektor pertanian iaitu tanaman, ternakan dan perikanan serta ditambah nilai dengan agropelancongan dan hanya 11.14 peratus plot kosong.

Pengambilan pertama adalah pada tahun 2004, manakala pengambilan kedua pengusaha Baharu adalah pada tahun 2017 seramai 11 pengusaha yang terpilih. Namun hanya 3 pengusaha sahaja yang masih bertahan sehingga kini. Pengambilan ketiga bermula pada bulan September 2022 dan akan berterusan sehingga keseluruhan tanah kosong telah dipenuhi berikut garis panduan permohonan tanah Projek Pertanian Moden (PPM) juga telah disiapkan pada tahun 2022

Syarikat Country Heights adalah syarikat pajakan yang mula mengusahakan tanah di Projek Pertanian Moden (PPM) pada tahun 2005 sehingga kini. Kesemua syarikat di PPM akan dinilai prestasi dan amalan pertanian yang baik setiap tahun oleh jabatan berkaitan. Manakala, pihak PPM pula sentiasa memantau pelaksanaan projek di PPM.

Syarikat yang ingin memohon tanah di PPM perlu mengikuti garis panduan yang telah ditetapkan dan melepassi penilaian di peringkat Kementerian.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN CHEW CHONG SIN (MENGKIBOL)

SOALAN B66

Perdana Menteri, Datuk Seri Anwar Ibrahim telah mengumumkan Zon Khas Kewangan di Forest City bagi meningkatkan pelaburan asing sekali gus merancakkan pembangunan ekonomi. Apakah perancangan dan maklumat lanjut daripada kerajaan negeri mengenai zon ini?

JAWAPAN YAB MENTERI BESAR

Sepertimana pengumuman terkini oleh YAB Perdana Menteri Datuk Seri Anwar Ibrahim, Forest City telah ditetapkan sebagai Zon Kewangan Khas merancakkan pelaburan, pertumbuhan dan aktiviti ekonomi di Johor.

Lokasi Johor yang strategik iaitu bersebelahan Singapura serta mempunyai infrastruktur asas yang lengkap, boleh menarik lebih ramai pelabur terutamanya berikutan kos sara hidup dan kos perniagaan di Singapura yang dianggap tinggi pada masa ini.

Di peringkat Kerajaan Negeri dan pihak IRDA, beberapa siri perbincangan telah diadakan bersama pihak Kementerian Kewangan mengenai kerangka kerja zon kewangan ini serta cadangan insentif-insentif percukaian dan bukan cukai yang diperlukan bagi melonjakkan pelaburan dalam sektor kewangan di negeri ini.

Selain itu, penubuhan Zon Kewangan Khas di Forest City akan dirancang bagi menyediakan nilai tambah dan ekosistem lengkap terutama melibatkan fasilitasi kewangan kepada penubuhan JS-SEZ ini.

Sesi libat urus bersama pemain industri sektor kewangan iaitu bank-bank utama tempatan akan diadakan dalam masa terdekat bagi mendapatkan input berkenaan keperluan terutama dalam menarik dan mereka menempatkan operasi-operasi utama di Forest City. Penelitian turut dilaksanakan terhadap zon kewangan khas sedia ada di peringkat global bagi tujuan perbandingan dalam mendapatkan input terbaik untuk dicadangkan dalam kerangka Zon Kewangan Khas di Forest City.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN CHEW CHONG SIN (MENGKIBOL)

SOALAN B67

Menurut jawapan bertulis soalan Dewan pada 15 Jun 2023. Peruntukan yang diluluskan untuk RTB ini adalah sebanyak RM5 juta dan reka bentuk terperinci telah siap dilaksanakan pada tahun 2022. Apakah perkembangan pelaksanaan projek ini sehingga kini?

JAWAPAN YB TUAN RAVEN KUMAR A/L KRISHNASAMY

Kerajaan Negeri Johor melalui JPS Negeri Johor telah siap melaksanakan rekabentuk terperinci bagi Rancangan Tebatan Banjir Sg Melantai khusus bagi kawasan Kg Bentong pada Oktober 2022. Walaubagaimanapun, kebolehlaksanaan projek fizikal yang telah dirancang adalah perlu melibatkan pengambilan tanah hakmilik persendirian. Justeru, *Stakeholder Engagement* akan dilaksanakan untuk mengkoordinasikan isu pengambilan tanah ini sebelum memuktamadkan skop projek fizikal.

Kerajaan melalui JPS Daerah Kluang juga dalam masa yang sama telah merangka dan melaksanakan pelan jangka masa pendek beberapa projek di Sg Melantai setiap tahun secara berperingkat berdasarkan kemampuan kewangan semasa. Berikut antara projek yang telah dilaksanakan mengikut tahun seperti berikut:-

Kerja-kerja yang telah dilaksanakan di Sg Melantai bagi mengurangkan kekerapan banjir di Kg Bentong dan kawasan sekitarnya :

BIL.	TAHUN	TAJUK KERJA	KOS (RM)	PERUNTUKAN
1.	2019	Kerja-Kerja Mengali Kelodak Sungai Melantai Dari CH0.00 Hingga CH 2500.00 Di Kg.Bentong Dalam Serta Kerja Berkaitan,Kluang, Johor.	40,150.00	Negeri
2.	2020	Kerja Menggali Kelodak Sg. Melantai CH 0.00 Hingga CH 2200.00 Serta Kerja Berkaitan, Kg. Bentong Dalam, Kluang, Johor.	43,400.00	Negeri
3.	2021	Pengukuhan Tebing Sungai Melantai Di Kampung Bentong Kluang.	50,000.00	Negeri
4.	2022	Kerja-Kerja Pembersihan Dan Penggalian Parit Outlet Sungai Melantai, Kluang.	19,900.00	Negeri
5.	2022	Kerja-Kerja Membaikpulih Saliran Di Downstream Sg. Melantai Serta Kerja Berkaitan Kg. Bentong, Kluang, Johor.	18,600.00	Negeri
6.	2022	Kerja-Kerja Pengukuhan Tebing Sungai Melantai Serta Kerja Berkaitan, Di Kampung Bentong, Kluang.	425,500.00	Persekutuan
7.	2023	Kerja-kerja Pengukuhan Tebing Sg Melantai Serta Kerja Berkaitan Di Kg Bentong, Mukim Kluang, Kluang Johor.	400,000.00	Pembangunan Negeri (RJ5T)
JUMLAH KESELURUHAN			997,550.00	

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

**YB TUAN WONG BOR YANG (SENAI)
SOALAN B68**

Apakah status Kerja-kerja Menaiktaraf Dan Mereka bentuk Serta Membina Semula Jambatan Kulai – Kota Tinggi (ROB22) bagi Projek Landasan Berkembar Elektrik Gemas – JB? Dijangka bila akan siap sepenuhnya?

JAWAPAN YB TUAN IR. TS. MOHAMAD FAZLI BIN MOHAMAD SALLEH

Untuk makluman Yang Berhormat, Projek Landasan Berkembar Elektrik Gemas - Johor Bahru di bawah Kementerian Pengangkutan Malaysia sepanjang 195 kilometer dijangka siap sepenuhnya pada awal Mac 2025 dan akan beroperasi pada April 2025. Kerja-kerja reka bentuk telah selesai sepenuhnya dan kini memasuki fasa akhir.

Sekian, terima kasih.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

**YB TUAN WONG BOR YANG (SENAI)
SOALAN B69**

Berapa kilang di Kawasan Perindustrian Chang Chun, Saleng telah menukar syarat kegunaan tanah ke ‘industri’? Adakah sebarang perancangan pembangunan infrastruktur untuk memberi manfaat kepada para pengusaha yang telah membayar cukai harta dan cukai tanah dengan kadar cukai yang lebih tinggi?

JAWAPAN YB DATO’ HAJI MOHD. JAFNI BIN MD. SHUKOR

Sebagaimana rekod, terdapat **10 buah kilang yang telah pun membuat penukaran syarat kegunaan tanah ke industri** di kawasan Perindustrian Chang Chun. Bersama-sama ini disertakan maklumat kilang yang berada di kawasan Chang Chun Road di **Lampiran B69**.

Mengikut Rancangan Tempatan Daerah Johor Bahru & Kulai, 2025 (Penggantian), kawasan berkenaan dizonkan sebagai kawasan Perindustrian (sedia Ada, komited dan cadangan) dengan kelas penggunaan / aktiviti dibenarkan adalah sebagaimana berikut:

- C3 : Industri Sederhana.
- C4 : Industri Ringan.
- C5 : Industri Perusahaan Kecil & Sederhana / Kotej Industri.

Mengikut Rancangan Tempatan Daerah Johor Bahru & Kulai, 2025 (Penggantian), pembangunan kediaman (asrama pekerja) dan pusat perkhidmatan setempat (gerai, pusat servis dan yang berkaitan kawasan perindustrian) dengan kepadatan sederhana 40 unit/ekar @ 500 pekerja / ekar pada lot cadangan perindustrian adalah dibenarkan bagi tujuan menyokong pembangunan perindustrian. Bagi pekerja melebihi 5,000 orang, konsep perkampungan digalakkan.

Perancangan pihak Majlis Perbandaran Kulai (MPKu) bagi pembangunan infrastruktur untuk kawasan perindustrian Chang Chun adalah memohon peruntukan bagi menaiktaraf jalan masuk ke Kawasan Perindustrian Chang Chun daripada Kementerian Perumahan Dan Kerajaan Tempatan (KPKT).

BIL	PLOT	KELUASAN	KATEGORI	PEMILIK	KEADAAN ATAS TAPAK
1	LOT 111	0.6738 HA	PERTANIAN	YEO ANN WOON	GUDANG
2	LOT 26738		PERINDUSTRIAN	LOH LAI KUAN	KILANG
3	LOT 26740	22586 MP	PERINDUSTRIAN	LOH LAI KUAN	KILANG
4	LOT 32742	21524 MP	PERINDUSTRIAN	DAIRY MASTER & FOOD SDN. BHD.	KILANG
5	LOT 116	1.8868 HA	PERINDUSTRIAN	UNIRAW DAIRIES & FOOD SDN. BHD.	KILANG
6	LOT 1906	25647 MP	PERINDUSTRIAN	CHUEN CHEONG FOOD INDUSTRIES (M) SDN. BHD.	KILANG
7	PTD 105112	2.7749 HA	PERINDUSTRIAN	TOYOPLAS MANUFACTURING (M) SDN. BHD.	KILANG
8	PTD 2058	1.1913 HA	PERTANIAN	3A GLOVE SDN. BHD.	KILANG

9	PTD 2059	1.1913 HA	PERTANIAN	3A GLOVE SDN. BHD.	KILANG
10	LOT 32747	1.9425 HA	TIADA	3A GLOVE SDN. BHD.	KILANG
11	LOT 114	1.9181 HA	PERINDUSTRIAN	TOMYPAK	KILANG
12	LOT 113	2.2597 HA	PERINDUSTRIAN	TOMYPAK	KILANG
13	LOT 32740	5E 3R 01P	PERINDUSTRIAN	CHANG CHUN CHAN ENTERPRISE (M) SDN. BHD.	KILANG
14	LOT 32739	21929 MP	PERINDUSTRIAN	CHANG CHUN CHAN ENTERPRISE (M) SDN. BHD.	KILANG

Sumber: Pejabat Tanah Daerah Kulai.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

**YB TUAN WONG BOR YANG (SENAI)
SOALAN B70**

Apakah status Cadangan Pelaksanaan Kajian Trafik di Persimpangan Jalan Lapangan dan Jalan Seelong? Apakah penyelesaian bagi mengatasi masalah kesesakan lalu lintas yang semakin kritikal di dua jalan utama ini?

JAWAPAN YB TUAN IR. TS. MOHAMAD FAZLI BIN MOHAMAD SALLEH

Untuk makluman Yang Berhormat, Jalan Lapangan Terbang Senai termasuk di dalam jalan protokol dimana digunakan oleh pihak atasan seperti Para Pembesar Istana dan orang kenamaan. Berikut daripada itu projek ini dapat memanfaatkan sekitar taman perumahan dan juga kilang-kilang berdekatan agar jalan ini selamat digunakan dengan projek pembaikan/penambahbaikan jalan dimasa hadapan.

JKR Daerah Kulai telah melaksanakan cerapan data trafik di jalan Lapangan Terbang Senai pada akhir tahun 2022 dan hasil cerapan tersebut telah dihantar ke ibu pejabat JKR Malaysia untuk dianalisa dan seterusnya menyediakan Laporan Kajian Impak Trafik (TIA) di kawasan yang dimaksudkan. Pihak ibu pejabat JKR Malaysia telahpun memberi maklumbalas dan lawatan tapak telah dilaksanakan untuk tujuan penyediaan Laporan Kajian Impak Trafik (TIA) tersebut. Walau bagaimanapun, terdapat cerapan data trafik tambahan yang diperlukan untuk penyedian laporan ini dan pejabat JKR Daerah Kulai akan melaksanakan cerapan data tambahan tersebut dalam masa terdekat.

Kelancaran laluan jalan ini dapat mengurangkan kesesakan dan dapat meningkatkan keselamatan bagi pengguna untuk melalui jalan Lapangan Terbang Senai diwaktu puncak mahupun ketika waktu cuti..

Sekian terima kasih

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

**YB TUAN WONG BOR YANG (SENAI)
SOALAN B71**

Adakah rambut murid lelaki yang menyertai Program Karakter Murid Johor (KRMJ) diminta gunting secara *Crew Cut*? Jika murid tidak mematuhi boleh diambil tindakan atas sebab melanggar peraturan sekolah?

JAWAPAN YB CIK NORLIZAH BINTI NOH

Jabatan Pendidikan Negeri Johor melaksanakan Program Karakter Murid Johor (KrMJ) untuk memperkuuh jati diri dan sahsiah murid Johor. Selain pemakaian kemeja-T KrMJ, keterampilan dan sahsiah murid lelaki dapat dibentuk melalui imej diri yang kemas dan mematuhi disiplin sekolah.

Potongan gaya rambut ala Johor adalah cadangan yang diberikan kepada pihak sekolah dalam membentuk disiplin gaya rambut murid lelaki agar semua murid lelaki menampilkan gaya rambut yang pendek dan kemas selaras dengan panduan disiplin Kementerian Pendidikan Malaysia (KPM) dan mengikut Surat Pekeliling Ikhtisas Bil. 9/2015. Ukuran potongan gaya rambut ala Johor ialah tapak 2 dan tapak 3. Potongan rambut berfesyen seperti *Qaza'*, *punk*, *mohawk*, *spiky*, berekor, diwarnakan atau seumpamanya adalah dilarang.

Tiada paksaan untuk menggunting rambut secara *Crew Cut* kerana potongan rambut yang diwajibkan adalah pendek dan kemas.

Tiada tindakan yang dikenakan kepada murid lelaki yang tidak mengikuti potongan rambut ala Johor kerana potongan rambut ini merupakan **pilihan** kepada murid lelaki selain berambut pendek dan kemas seperti yang ditetapkan oleh pihak KPM. Rujuk surat siaran yang dikeluarkan oleh Jabatan Pendidikan Negeri Johor (No. Ruj: JPNJ.HEM.800-3/1/5 (31) bertarikh 29 Mei 2023).

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

**YB TUAN WONG BOR YANG (SENAI)
SOALAN B72**

Cadangan membina jalan alternatif menghubungkan Bandar Putra dengan Jalan Tee Teck San, Saleng di sebelah Lantasan Keretapi dijangka menyuraikan kesesakan lalu lintas di Bandar Putra dan Jalan Persekutuan FT-001, serta memberi manfaat kepada penduduk. Adakah kerajaan akan meneliti cadangan tersebut?

JAWAPAN YB TUAN IR. TS. MOHAMAD FAZLI BIN MOHAMAD SALLEH

Majlis Perbandaran Kulai (MPKu) telah meneliti cadangan ini dan telah disenaraikan dalam Jawatankuasa ‘taskforce’ kesesakan lalu lintas Daerah Kulai untuk gerak kerja. Walau bagaimanapun, tiada sambungan rizab jalan yang sah untuk menghubungkan kawasan ini. Disamping itu juga, Perindustrian Jalan Tee Teck San Saleng adalah kawasan industri tidak terancang. Kos pembinaan dan menaiktaraf infrastruktur dari Jalan Persekutuan FT001 sepanjang 3.5 kilometer dianggarkan berjumlah RM10 Juta termasuk pengambilan balik tanah.

Fokus utama MPKu yang kini adalah projek menaiktaraf peredaran trafik Bandar Putra – Indahpura dan cadangan membina jalan pintas Bandar Putra menghubungkan Jalan Kulai – Kota Tinggi (FT094) yang dijangka boleh menyuraikan trafik di persimpangan bertingkat Bandar Putra - Indahpura dan Jalan Persekutuan FT001 dengan lebih efektif.

Sekian, terima kasih.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN HAJI YUSLA BIN ISMAIL (SENGGARANG)

SOALAN B73

Mohon Kerajaan Negeri memperincikan jumlah peruntukan daripada kerajaan persekutuan kepada Kerajaan Negeri mulai 2022 hingga kini dan berapakah jumlah yang diperuntukkan di bawah MARRIS khususnya di dalam DUN Senggarang?

JAWAPAN YB TUAN IR. TS. MOHAMAD FAZLI BIN MOHAMAD SALLEH

Bagi Pengurusan dan Penyelenggaraan Jalan-jalan Negeri di bawah Jabatan Kerja Raya, Kerajaan Persekutuan telah memperuntukkan sebanyak RM2.7 Juta bagi tahun 2022 dan sebanyak RM2.49 Juta bagi tahun 2023 merangkumi kerja-kerja penyenggaraan berkala pavemen Laluan FT5 Jalan Johor Bahru – Melaka yang berada di dalam DUN Senggarang. Manakala bagi peruntukan di bawah MARRIS pula sebanyak RM7.78 Juta bagi tahun 2022 dan sebanyak RM800 Ribu bagi tahun 2023 merangkumi kerja-kerja pembalik tebing dan pemberian jalan serta kerja-kerja penyenggaraan pothol, pemotongan rumput serta pemasangan pembentung yang melibatkan DUN Senggarang.

Bagi Pengurusan dan Penyelenggaraan Jalan-jalan Pihak Berkuasa Tempatan tahun 2022, sebanyak RM300,000,000.00 bagi menyelenggara jalan-jalan PBT seluruh Negeri Johor manakala tahun 2023, sejumlah RM280,860,000.00 diperuntukkan melibatkan skop kerja rutin iaitu bagi kerja penampalan jalan dan pembersihan perabot jalan serta skop kerja berkala melibatkan kerja penyelenggaraan jalan, longkang, cerun dan kerja-kerja kecemasan.

Bagi kawasan Dewan Undangan Negeri (DUN) Senggarang, pihak konsesi telah menyelesaikan aduan-aduan berkaitan kerosakan jalan, longkang dan lain-lain kerja melibatkan peruntukan berjumlah RM1.134 Juta.

Sekian, terima kasih.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

**YB TUAN HAJI YUSLA BIN ISMAIL (SENGGARANG)
SOALAN B74**

Berapakah statistik penangkapan haiwan liar seperti monyet dan anjing yang mengganggu penduduk sejak 2022 hingga kini bagi DUN Senggarang dan apakah pihak Jabatan PERHILITAN tidak berhasrat untuk menaiktaraf pejabat PERHILITAN Batu Pahat yang kelihatan uzur dan tidak terurus?

JAWAPAN YB TUAN RAVEN KUMAR A/L KRISHNASAMY

Untuk makluman Yang Berhormat ADUN Senggarang, berdasarkan laporan rasmi yang telah direkodkan pada tahun 2022 hingga kini adalah sebanyak 1,521 aduan telah diterima berkaitan isu kacau ganggu spesies kera atau monyet. Sebanyak 15,335 ekor kera telah ditangkap dan diuruskan di seluruh negeri Johor. Selain daripada itu sebanyak 1,972 operasi telah dilaksanakan di seluruh negeri Johor. Manakala di DUN Senggarang sebanyak 62 ekor kera ditangkap dan diuruskan menerusi 9 operasi.

Bagi pengurusan spesies anjing pula adalah di luar bidang kuasa Jabatan PERHILITAN kerana spesies ini tidak disenarai dalam Jadual di dalam Akta Pemuliharaan Hidupan Liar 2010 [AKTA 716] dan bukan dikategorikan sebagai hidupan liar.

Jabatan PERHILITAN mengambil berat berkenaan isu-isu kebijakan anggota. Bagi memberi kemudahan yang kondusif kepada anggota, Jabatan PERHILITAN telah pun membuat perancangan serta permohonan untuk berpindah ke pejabat baharu. Namun perkara tersebut masih dalam pertimbangan pihak pengurusan. Sekian, terima kasih.

DATA ADUAN KERA NEGERI JOHOR TAHUN 2022

PEJABAT PERHILITAN DAERAH		ADUAN KERA 2022												JUMLAH
		JAN	FEB	MAC	APR	MEI	JUN	JUL	OGOS	SEP	OKT	NOV	DIS	
JB	JOHOR BAHRU	16	22	19	24	27	42	32	35	25	43	29	27	341
	PONTIAN	5	3	4	9	5	6	2	2	6	2	2	4	50
	KULAI	4	4	0	7	7	7	12	5	6	4	3	4	63
BATU PAHAT		9	9	12	6	16	13	14	15	15	10	10	13	142
MUAR	MUAR	9	2	4	3	3	9	5	11	13	10	6	9	84
	TANGKAK	1	2	1	4	3	4	5	5	11	3	4	4	47
SEGAMAT		1	0	2	5	4	0	5	2	7	6	0	7	39
KLUANG		5	4	9	9	5	7	3	8	6	9	11	14	90
MERSING		9	4	3	3	4	1	5	4	6	8	3	3	53
KOTA TINGGI		9	5	7	4	6	7	6	10	5	7	2	5	73
JUMLAH		68	55	61	74	80	96	89	97	100	102	70	90	982

DATA ADUAN KERA NEGERI JOHOR TAHUN 2023

DAERAH		ADUAN KERA 2023												JUMLAH
JB	JOHOR BAHRU	JAN	FEB	MAC	APR	MEI	JUN	JUL	OGOS	SEP	OKT	NOV	DIS	
	PONTIAN	2	2	0	4	3	3	3						17
	KULAI	2	0	2	0	4	0	8						16
BATU PAHAT		8	9	9	7	13	14	20						80
MUAR	MUAR	13	13	4	7	11	10	14						72
	TANGKAK	4	9	5	1	4	2	7						32
SEGAMAT		5	3	0	9	5	3	5						30
KLUANG		9	8	0	1	3	5	4						30
MERSING		6	2	5	1	5	1	3						23
KOTA TINGGI		11	9	4	8	7	9	4						52
JUMLAH		90	82	57	74	79	64	93	0	0	0	0	0	539

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN HAJI YUSLA BIN ISMAIL (SENGGARANG)

SOALAN B75

Mohon pihak Kerajaan Negeri menyenaraikan kilang-kilang haram yang wujud di dalam DUN Senggarang dan apakah tindakan pihak MPBP bagi menjalankan aktiviti pemutihan kilang-kilang tersebut?

JAWAPAN YB DATO' HAJI MOHD. JAFNI BIN MD. SHUKOR

Berdasarkan kepada rekod pemeriksaan tapak, sebanyak 198 premis kilang/industri haram yang dibina tanpa kelulusan daripada Majlis Perbandaran Batu Pahat (MPBP) di dalam kawasan DUN Senggarang. Kesemua premis tersebut telah dikeluarkan notis pemeriksaan tapak dan seterusnya dibawa di dalam Mesyuarat Jawatankuasa Pengukuasaan Akta 172 untuk diberi keputusan tindakan pengeluaran notis di bawah "Kaedah-Kaedah Pengawalan Perancangan (Am) (Negeri Johor) (Pindaan) 2014" iaitu Notis Borang F (Notis Menghendaki Supaya Permohonan Kebenaran Merancang Dikemukakan Dalam Hal Pemajuan Tanpa Kebenaran Merancang).

Sehingga Ogos 2023, hanya 12 premis yang telah mengemukakan permohonan Kebenaran Merancang / Pelan Bangunan / Kebenaran Merancang Tempoh Terhad / Pelan Bangunan Sementara / Permit Bangunan Sementara kepada MPBP.

Bagi tempoh 2019 hingga kini, MPBP tetap komited melaksanakan Program Pemutihan Premis Industri dan Komersial Tanpa Kebenaran dengan jumlah notis yang telah dikeluarkan di bawah kesalahan Akta 172 adalah sebanyak 1,012 notis. Pihak MPBP telah melaksanakan beberapa kali siri perjumpaan bersama pihak pengusaha dan persatuan industri di Batu Pahat bagi tempoh 2019 - 2022. Bagi tahun 2023, satu sesi *townhall* Program Pemutihan 2.0 juga telah dilaksanakan pada 23 Februari 2023 di Dewan Jubli Intan dengan kehadiran penyertaan sehingga 500 orang.

Bermula tahun 2024, MPBP akan memberi fokus kepada tindakan penguatkuasaan dan mahkamah di bawah kesalahan Akta 172 kepada pemilik tanah dan orang yang menjalankan pemajuan yang ingkar ke atas notis yang telah dikeluarkan dalam tempoh program pemutihan dilaksanakan.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN HAJI YUSLA BIN ISMAIL (SENGGARANG)

SOALAN B76

Mohon pihak JPS dapat menyerahkan kerja-kerja penggalian serta penyelenggaraan parit dan sungai kepada ketua kampung dan pihak JPKKK sepetimana satu ketika dahulu supaya kerja-kerja penggalian tersebut dapat dilaksanakan mengikut jadual yang ditetapkan?

JAWAPAN YB TUAN RAVEN KUMAR A/L KRISHNASAMY

Ketika ini, pihak JPS sedang giat melaksanakan kerja-kerja penggalian serta penyelenggaraan parit dan sungai di seluruh negeri Johor. Kerja-kerja tersebut dilaksanakan menggunakan peruntukan negeri dan persekutuan serta dilakukan perolehan secara sebutharga dan tender terbuka menggunakan pekeliling dan tatacara yang sedang berkuatkuasa.

JPS juga telah mengemukakan kertas permohonan bagi cadangan kerja-kerja penggalian serta penyelenggaraan parit ini kepada Pengurus Jawatankuasa Pertanian, Asas Tani dan Kemajuan Luar Bandar Negeri Johor bagi tujuan pertimbangan di peringkat seterusnya. Cadangan bagi kerja ini melibatkan anggaran keperluan tambahan peruntukan sebanyak RM43 juta. Perlaksanaan cadangan kerja ini adalah tertakluk kepada kelulusan yang diterima kelak.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB CIK AMIRA AISYA BINTI ABD. AZIZ (PUTERI WANGSA)
SOALAN B77

Apakah inisiatif kerajaan negeri dalam membaiki isu takungan air di Jalan Beladau 17 yang memberi impak negatif kepada rumah-rumah kedai di kawasan ini?

JAWAPAN YB DATO' HAJI MOHD. JAFNI BIN MD. SHUKOR

Sistem perparitan di sekitar kawasan Jalan Beladau 17 merupakan sistem perparitan jenis saliran bawah tanah. Pihak Majlis Bandaraya Johor Bahru (MBJB) dalam proses melaksanakan kerja-kerja pembersihan secara berperingkat bagi memastikan sistem saliran ini berfungsi dengan baik. Kerja-kerja pembersihan akan menggunakan jentera pembersihan air berkuasa tinggi "*high pressure water cleaning machinery*" untuk mencuci halangan dalam paip bawah tanah dengan kedalaman melebihi 1.5m sepanjang lebih 300m termasuk kerja-kerja pembersihan dan pembaikkan lurang dan kekisi. Kerja-kerja pembersihan ini dijangka akan dilaksanakan pada awal bulan Oktober 2023. Kerja-kerja penyelenggaraan secara berkala juga akan diteruskan dari semasa ke semasa bagi memastikan tiada takungan air.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB CIK AMIRA AISYA BINTI ABD. AZIZ (PUTERI WANGSA)
SOALAN B78

Nyatakan usaha-usaha kerajaan negeri dalam pembaikan jalan yang lebih efisien atas sebab jalan yang sering mendap selepas jalan tersebut ditampal seperti di FELDA Ulu Tebrau.

JAWAPAN YB TUAN IR. TS. MOHAMAD FAZLI BIN MOHAMAD SALLEH

Untuk makluman Yang Berhormat, pembaikan jalan di Ulu Tebrau bagi memastikan keselesaan dan keselamatan pengguna jalan raya terjamin.

JKR mengambil maklum mengenai keadaan jalan di kawasan Jalan FELDA Ulu Tebrau. Oleh itu pihak JKR akan memfokuskan kerja-kerja pembaikan di Ulu Tebrau dan akan memasukkan dalam senarai atas dalam Anggaran Penyenggaraan Jalan (APJ) tahun 2024.

Bagi tahun ini, pihak JKR telah menerima satu peruntukan pembaikan jalan secara *rigid pavement* dan *Mill & Pave* di Sec 0.0 - 2.00 yang mana jalan tersebut kerap menerima aduan.

Sekian, terima kasih.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB CIK AMIRA AISYA BINTI ABD. AZIZ (PUTERI WANGSA)
SOALAN B79

Adakah kerajaan negeri mempunyai peruntukan khas dan strategi pengurusan untuk agensi-agensi yang mengendalikan pengurusan haiwan liar seperti monyet?

JAWAPAN YB TUAN RAVEN KUMAR A/L KRISHNASAMY

Untuk makluman Yang Berhormat Puteri Wangsa dalam melaksanakan strategi pengurusan hidupan liar, Kerajaan Negeri Johor dan Kerajaan Persekutuan berkerjasama erat dalam membaikpulih habitat serta menghubungkan komplek-komplek Hutan yang terputus melalui projek *Central Forest Spine* (CFS) yang diperkenalkan dalam Rancangan Fizikal Negara ke dua. Penyambungan kawasan berhutan adalah penting dan sedikit sebanyak dapat mengurangkan kadar gangguan hidupan liar disamping dapat menjamin kelestarian spesies. Selain itu, Kerajaan Negeri juga telah mewujudkan Rezab Mergastua atau Rezab hidupan liar serta kawasan berhutan yang sedia untuk dijadikan sebagai zon penampang dan habitat kepada hidupan liar.

Sekian, Terima Kasih.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

**YB CIK AMIRA AISYA BINTI ABD. AZIZ (PUTERI WANGSA)
SOALAN B80**

Bagaimanakah tahap prestasi Program Mind-X yang dilaksanakan oleh kerajaan negeri untuk Perkhidmatan Psikologi & Kaunseling kepada rakyat negeri Johor dan adakah ia berupaya untuk mengatasi kekurangan tenaga pakar dalam bidang kesihatan mental, seperti ahli psikologi dan pakar psikiatri?

JAWAPAN YB TUAN LING TIAN SOON

Untuk makluman Yang Berhormat,

Pada tahun ini MIND-X mempunyai dua pecahan program di bawah Program Intervensi Keluarga dan Komuniti MIND-X 2023 iaitu Program Sihat Minda dan Emosi (PRIME) dan Program Profesionalisma Kaunselor Johor.

Pertamanya, Program Minda Sihat dan Emosi (PRIME) dengan tiga inisiatif iaitu yang pertama merupakan seminar yang dibahagikan kepada 3 zon, perkhidmatan kaunseling bergerak (CAREVAN MINDX) dan perkongsian berkenaan kesihatan mental melalui media sosial yang menyasarkan 2500 penerima manfaat.

Bagi program seminar, perancangan telah dijalankan dan berikut merupakan jadual bagi setiap zon.

ZON 1 (Daerah Johor Bahru, Kota Tinggi, Kulai & Pontian)	1 Oktober 2023 Dewan Besar Majlis Bandaraya Iskandar Puteri
ZON 2 (Daerah Batu Pahat, Kluang & Mersing)	7 Oktober 2023 Bandar T6, Taman Sri Lambak, Kluang
ZON 3 (Daerah Muar, Tangkak & Segamat)	21 September 2023 Dewan Putra Padang Lerek, Tangkak
JUMLAH PENERIMA MANFAAT	1000 ORANG

Seterusnya, perkhidmatan kaunseling bergerak (Carevan MINDX) akan pergi ke setiap daerah sebanyak dua kali bagi mempromosi perkhidmatan kaunseling kepada penduduk luar bandar yang mempunyai akses yang terhad dalam mendapatkan perkhidmatan ini secara semula mahupun atas talian.

Berikut merupakan daerah yang telah YPKDT turun dan juga statistik penerima manfaat bagi setiap kawasan yang telah disantuni.

Tempat	Statistik Penerima Manfaat
Awayday - Karnival Maju Johor Segamat	80 orang
Mental Health Awareness Day, UTM	50 orang
Awayday – Dewan Terbuka Komuniti Taman Kota Paloh	70 orang

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

Awayday – Hari Kesihatan Hussein, UTHM	107 orang
Awayday – Karnival Gunung Ledang dan Tanah Tangkak 2023 di Taman Negara Johor Gunung Ledang	55 orang
Awayday – Program Mega Gerak Kerjaya MYFUTUREJOBS Johor 2023	126 orang
Awayday – Padang Awam Bukit Mor, Pt Jawa, Muar	89 orang
Awayday – Dewan Serbaguna Jalan Genuang, Segamat	30 orang
Awayday – Dewan Terbuka, Kampung Orang Asli Pasir Intan, Kota Tinggi	54 orang
Awayday – Program Bulan Pemakanan Peringkat PKD Kulai di Dewan Taman Putri, Kulai	38 orang
Program JKR Johor Community Conference di Majlis Bandaraya Iskandar Puteri	76 orang
Awayday – Dewan Persatuan Membaiki Akhlak Che Luan Khor, Kluang	35 orang
Program Madani Afiat Peringkat Negeri Johor di Padang SK Kampung Jawa, Segamat	34 orang
JUMLAH	844 PENERIMA MANFAAT


Tambahan pula, kami juga telah melaksanakan rakaman berkenaan info mengenai kesihatan mental dan akan dikongsikan di media sosial MINDX serta YPKDT agar informasi boleh sampai secara terus kepada pengguna di luar sana.

Selain itu, program kedua di bawah Program Intervensi Keluarga dan Komuniti MIND-X 2023 ialah Program Profesionalisma Kaunselor Johor. Beberapa bengkel telah dilaksanakan dan ada juga beberapa bengkel yang dalam rancangan. Di sini saya kongsikan nama bengkel serta jumlah penerima manfaat.

Nama Bengkel	Tarikh	Jumlah Peserta
Basic Art Therapy	20 Ogos 2023	40 orang
TOT Facilitators (Card of Activities)	27-28 Ogos 2023	40 orang
Intervensi Krisis	17-18 September 2023	70 orang
Pengendalian DSM-5 Dalam Menangani Masalah Mental	12-13 November 2023	40 orang

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

1. Jumlah Statistik Sesi Kaunseling bagi tahun 2023 (Januari-Jun)



**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

2. Untuk makluman YB, segala program yang dijalankan di bawah YPKDT ini hanya sebagai untuk memberi kesedaran dan juga maklumat berkenaan perkhidmatan psikologi dan kaunseling serta mengenai kesihatan mental agar masyarakat awam lebih mudah untuk mendapatkan perkhidmatan dan mereka mempunyai saluran yang lain selain daripada di hospital yang juga menawarkan sesi kaunseling dan pusat kaunseling yang memerlukan bayaran sekiranya mereka mahu menjalankan sesi kaunseling.
3. Tambahan pula, bengkel yang diberi kepada kaunselor di negeri Johor ini masih lagi kurang dan ini hanyalah sebagai bengkel asas untuk mereka meningkatkan kompetensi dan latihan berterusan untuk mereka. Untuk melahirkan seorang yang pakar sudah tentu latihan yang lebih intensif harus diberikan dan juga perkembangan daripada segi kerjaya mereka dalam menampung kekurangan tenaga pakar

Sekian Terima Kasih.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

**YB CIK AMIRA AISYA BINTI ABD. AZIZ (PUTERI WANGSA)
SOALAN B81**

Mohon penjelasan langkah-langkah yang telah diambil untuk menangani isu lampu jalan yang sudah sekian lama tidak menyala di sepanjang Jalan Eco Cascadia.

JAWAPAN YB DATO' HAJI MOHD. JAFNI BIN MD. SHUKOR

Untuk makluman, lampu jalan yang dimaksudkan adalah di Jalan Seri Austin 1. Lampu di jalan ini masih dalam penyelenggaraan dan tindakan pihak pemaju SP Setia. Pihak pemaju sedang melaksanakan kerja-kerja pembaikan kabel bagi lampu jalan yang rosak di sepanjang Jalan Seri Austin 1 sebelum dibuat serahan kepada Majlis Bandaraya Johor Bahru (MBJB).

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB PUAN GAN PECK CHENG (PENGGARAM)

SOALAN B82

Apakah status Rancangan Tebatan Banjir di daerah Batu Pahat termasuk status rancangan pembinaan benteng tanah yang bermula di Kg. Parit Lapis Lowpiak hingga ke Kuala Sungai Batu Pahat?

JAWAPAN YB TUAN RAVEN KUMAR A/L KRISHNASAMY

Status Projek Rancangan Tebatan Banjir Bandar Batu Pahat adalah seperti berikut:

- a) **Taklimat dan lawatan tapak** : 9 Ogos 2023
- b) **Tarikh tutup tender** : 15 Ogos 2023
- c) **Kaedah perolehan dan pelaksanaan projek** : Reka dan Bina
- d) **Kerja fizikal di tapak dijangka bermula** : Jun 2024
- e) **Objektif projek** : Mengurangkan kekerapan banjir pada tahap perlindungan sehingga Kadar Tempoh Ulangan 200 ('Average Recurrence Interval (ARI)' di lembangan Sungai Batu Pahat.
- f) **Outcome projek :**
 - i. Mengurangkan keluasan kawasan berisiko banjir seluas 42,000 hektar daripada 315,000 hektar di lembangan Sungai Batu Pahat.
 - ii. Mengurangkan bilangan penduduk terjejas akibat banjir seramai 35,000 orang di dalam lembangan Sungai Batu Pahat.

Rancangan pembinaan benteng tanah yang bermula di Kg. Parit Lapis Lowpiak hingga ke Kuala Sungai Batu Pahat adalah termasuk di dalam skop Projek Rancangan Tebatan Banjir Bandar Batu Pahat.


**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

**YB PUAN GAN PECK CHENG (PENGGARAM)
SOALAN B83**

Apakah peratusan serta senaraikan kawasan-kawasan utama yang telah menerima capaian liputan 5G di negeri Johor dan bilakah anggaran negeri Johor secara seluruhnya akan menerima liputan tersebut?

JAWAPAN YB CIK NORLIZAH BINTI NOH

Merujuk kepada laporan bulanan yang dikeluarkan oleh pihak Digital Nasional Berhad (DNB), sehingga 31 Julai 2023, peratusan nasional bagi liputan 5G di kawasan berpenduduk (COPA) telah mencapai 66.8% manakala bagi negeri Johor telah mencapai 75%.



Untuk makluman, kerajaan juga akan memperkenalkan rangkaian kedua 5G melalui entiti baharu yang akan diwujudkan pada awal 2024 serta menukar model pelaksanaan 5G ketika ini daripada rangkaian borong tunggal (SWN) kepada dwirangkaian.

Pelaksanaan 5G dengan model SWN melalui DNB akan diteruskan sehingga mencapai 80% liputan kawasan berpenduduk menjelang akhir 2023. Sasaran utama liputan adalah di pusat bandar, kawasan pendadbiran kerajaan, pekan-pekan dan kawasan industri utama di setiap daerah termasuk FELDA dan kampung-kampung berhampiran sasaran utama. Setelah itu, pelaksanaan 5G akan beralih kepada model dwirangkaian pada Januari 2024.

Bagi mencapai 80% liputan kawasan berpenduduk, pihak DNB akan membangunkan sebanyak 7,508 stesen pemancar 5G di seluruh negara dan 899 darinya adalah di negeri

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

Johor. Sehingga 31 Julai 2023, sebanyak 743 daripada 899 stesen pemancar 5G yang dirancang telah pun beroperasi di negeri Johor.

Pecahan pelaksanaan 5G mengikut daerah adalah seperti berikut:

PELAKSANAAN 5G MENGIKUT DAERAH SEHINGGA 31 JULAI 2023				
DAERAH	BEROPERASI	DALAM PELAKSANAAN	DALAM PERANCANGAN	JUMLAH
BATU PAHAT	65	8	12	85
JOHOR BAHRU	466	12	42	520
KLUANG	30	7	8	45
KOTA TINGGI	18	7	7	32
KULAI	65	8	14	87
TANGKAK	18		4	22
MERSING	4	1	2	7
MUAR	48	6	4	58
PONTIAN	15		5	20
SEGAMAT	14	3	6	23
JUMLAH	743	52	104	899

Pelaksanaan 5G di DUN Penggaram adalah seperti berikut:

PELAKSANAAN 5G MENGIKUT DUN SEHINGGA 31 JULAI 2023				
DUN	BEROPERASI	DALAM PELAKSANAAN	DALAM PERANCANGAN	JUMLAH
PENGGARAM	24		2	26

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB PUAN GAN PECK CHENG (PENGGARAM)

SOALAN B84

Apakah piawaian untuk pembinaan dan pendaftaran rumah-rumah ibadat bukan Islam serta senarai rumah-rumah ibadat yang berdaftar di Daerah Batu Pahat?

JAWAPAN YB TUAN LING TIAN SOON

JAWAPAN SUK (BAHAGIAN KHIDMAT PENGURUSAN)

Untuk makluman Yang Berhormat, Kerajaan Negeri Johor menggunakan Manual Garis Panduan dan Piawaian Perancangan Negeri Johor Edisi 2019 yang telah ditambahbaik selaras dengan perubahan trend Pembangunan di Negeri Johor serta perubahan dalam dasar-dasar yang berkaitan bagi piawaian pembinaan dan pendaftaran rumah-rumah ibadat bukan Islam. Manual tersebut telah diwujudkan bagi membantu proses penyelarasan Pembangunan secara seragam serta bertindak sebagai panduan kepada Jabatan Perancangan Bandar Dan Desa Negeri Johor (JPBDJ), Pihak Berkuasa Tempatan (PBT), Agensi dan Jabatan Kerajaan, Pemaju dan perunding dalam aspek kawalan perancangan.

Piawaian bagi pembinaan rumah-rumah ibadat bukan Islam adalah sebagaimana lampiran dan merangkumi aspek-aspek seperti:

- i. Keluasan tapak
- ii. Tadahan penduduk
- iii. Keluasan jalan keluar-masuk
- iv. Perancangan tapak
- v. Lokasi perletakan
- vi. Rekabentuk bangunan

Untuk makluman Yang Berhormat juga,

- Terdapat 5 rumah-rumah ibadat bukan Islam yang berdaftar di daerah Batu Pahat.
- Berikut adalah senarai rumah-rumah ibadat bukan Islam yang berdaftar di daerah Batu Pahat:

BIL.	DAERAH	PEMOHON RUMAH IBADAT BUKAN ISLAM
1.	Batu Pahat	Pertubuhan Penganut Dewa Cheng Teng Kong, Kangkar Baru
2.		Jawatankuasa Pengurusan Rumah Berhala Sam Sian Kuan, Batu Pahat
3.		Pertubuhan Penganut Dewa Sam Seng Kuan, Yong Peng
4.		Persatuan Penganut Dewa Lare Too, Batu Pahat
5.		Rumah Berhala Hong Ann Tongkang Pechah

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

**JAWAPAN JABATAN PERPADUAN NEGARA DAN INTEGRASI NASIONAL
NEGERI JOHOR**

Bagi pembinaan dan pendaftaran rumah-rumah ibadat bukan Islam bukan, ianya bukan di bawah bidang kuasa dan tanggungjawab Jabatan Perpaduan Negara dan Integrasi Nasional (JPNIN), Kementerian Perpaduan Negara. Walau bagaimanapun, JPNIN Negeri Johor ada membuat pengumpulan maklumat mengenai jumlah rumah ibadat selain Islam (RISI) berjumlah sebanyak 934 RISI dalam negeri Johor sehingga tahun 2022. Pecahan RISI mengikut daerah adalah seperti berikut :

BIL	RISI	JUMLAH
1	TOKONG	531
2	GEREJA	214
3	KUIL	182
4	GURDWARA	7
5	BAHAI CENTER	0
6	WAT SIAM	0
	JUMLAH KESELURUHAN	934

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB PUAN GAN PECK CHENG (PENGGARAM)

SOALAN B85

Adakah jawatankuasa keselamatan di peringkat daerah mempunyai wakil dari pelbagai kaum dan adakah kerajaan berhasrat untuk melantik wakil setiap kaum ke dalam jawatankuasa keselamatan di peringkat daerah khusus ketika membincangkan perihal kaum dan agama lain-lain seperti rumah-rumah ibadat bukan Islam?

JAWAPAN YB TUAN LING TIAN SOON

Untuk makluman Yang Berhormat, berdasarkan Surat Pekeliling JKKN Johor Bil. 2/98, Jawatankuasa Kecil Bangunan untuk tujuan keagamaan bukan Islam, struktur / projek pengairan dan saliran, dan pusat pengajian swasta dianggotai oleh ahli-ahli tetap.

Berikut adalah senarai ahli-ahli tetap:

- Pengerusi: Timbalan Setiausaha Kerajaan Johor (Pengurusan).
- Ahli-ahli: Ketua Cawangan Khas, Polis DiRaja Malaysia, Negeri Johor Pengarah Tanah dan Galian, Negeri Johor.
- Setiausaha: Pengarah, Bahagian Keselamatan Negara, Negeri Johor.

Selain dari Ahli Tetap, Ketua-ketua Jabatan / Agensi berikut turut boleh dijemput apabila permohonan yang dipertimbangkan melibatkan kuasa dan tugas Jabatan / Agensi yang berkenaan:

- Majlis Daerah / Penguasa Tempatan yang berkenaan.
- Jabatan Kerja Raya.
- Jabatan Agama Islam.
- Jabatan / Agensi yang lain difikirkan perlu.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB PUAN GAN PECK CHENG (PENGGARAM)

SOALAN B86

Apakah prosedur untuk pendaftaran sebuah tapak perkhemahan dan berapa banyakkah tapak perkhemahan yang berdaftar di negeri Johor? Adakah kerajaan berhasrat untuk menjalankan proses pemutihan dan membantu pengusaha-pengusaha tapak perkhemahan yang tidak berdaftar?

JAWAPAN YB DATO' HAJI MOHD. JAFNI BIN MD. SHUKOR

Untuk makluman, buat masa ini tidak ada sebarang data yang lengkap bagi pendaftaran tapak perkhemahan bagi setiap PBT di negeri Johor. Hal ini adalah disebabkan belum ada sebarang dasar dan penyelarasan yang jelas berkenaan pendaftaran dan aktiviti perkhemahan di bawah PBT di negeri Johor. Walau bagaimanapun, satu Garis Panduan Tapak Perkhemahan (GP039/2023) telah dikeluarkan oleh Kementerian Pembangunan Kerajaan Tempatan (KPKT) melalui Jabatan Perancangan Bandar dan Desa (PLANMalaysia) pada Mei 2023 diharap dapat dijadikan sebagai rujukan bagi mewujudkan satu garis panduan yang jelas dan selaras bagi proses pendaftaran tapak perkhemahan bagi setiap PBT di negeri Johor.

GP039/2023 itu juga menyentuh aspek berkaitan pematuhan perundangan di bawah bidang kuasa PBT dan agensi berkaitan seperti kelulusan permit sementara bangunan, lesen perniagaan, permit papan tanda dan iklan serta permit menjalankan aktiviti luar atau ekstrem. Satu kajian dan proses penyelarasan yang menyeluruh dengan menjadikan GP039/2023 sebagai rujukan akan dilaksanakan bagi memastikan proses pendaftaran tapak perkhemahan ini dapat dilaksanakan dengan lebih efektif dalam menjalankan proses pemutihan dan kawalan tapak perkhemahan baru dan sedia ada.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB CIK LIOW CAI TUNG (JOHOR JAYA)

SOALAN B87

Nyatakan status naik taraf JJ Square, Arkid Johor Jaya, Terminal Bas Johor Jaya dan Pasar Awam Johor Jaya?

JAWAPAN YB DATO' HAJI MOHD. JAFNI BIN MD. SHUKOR

Majlis Bandaraya Johor Bahru (MBJB) sangat memandang serius terhadap keadaan bangunan di tapak. Sehubungan itu, pihak MBJB telah membuat satu kajian terperinci bagi memastikan bangunan-bangunan ini dapat dinaiktaraf secara bersepadu dan komprehensif untuk memenuhi keperluan dan kehendak semasa rakyat. Satu cadangan bersepadu melibatkan bangunan pasar, arked, terminal bas dan JJ Square telah dirangkakan.

Sebagai tambahan, terdapat juga cadangan pembangunan semula Pasar Awam Taman Johor Jaya, Mukim Plentong, Johor Bahru yang dikemukakan oleh pihak swasta, melibatkan 3 plot :

Plot A - Lot 37699, 37700, 37701 & 37702 berkeluasan 6.14 ekar

Plot B - Lot 37959 & 37960 berkeluasan 1.47 ekar

Plot C - Lot 38184 berkeluasan 1.58 ekar

Cadangan ini telah dimajukan kepada Pejabat Setiausaha Kerajaan Johor, Bahagian Perancang Ekonomi Negeri Johor bagi diperhalusi dan dikaji secara terperinci sebelum sebarang tindakan seterusnya dijalankan.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB CIK LIOW CAI TUNG (JOHOR JAYA)

SOALAN B88

Apakah status Program Bantuan Guaman di bawah YPKDT?

JAWAPAN YB PUAN HAJAH KHAIRIN-NISA BINTI ISMAIL @ MD ON

Pelaksanaan **Skim Bantuan Guaman Wanita Negeri Johor 2020** telah digugurkan setelah mendapat pandangan dan ulasan daripada Pejabat Penasihat Undang-undang Negeri Johor serta keputusan Mesyuarat Lembaga Pengarah YPKDT Kali Ke 19, tahun 2020. Diantara ulasan Pejabat Penasihat Undang-Undang Negeri Johor adalah merujuk kepada beberapa Akta yang berkaitan sepertimana berikut:

1. Seksyen 2 A Akta Bantuan Guaman 1971
2. Seksyen 12 Bahagian IV Akta Bantuan Guaman 1971
3. Seksyen 13 Bahagian IV Akta Bantuan Guaman 1971
4. Seksyen 15 Bahagian IV Akta Bantuan Guaman 1971
5. Peraturan-pertauran Bantuan Guaman (Kriteria dan Ujian Kemampuan) 2017
6. Seksyen 2 B Akta Bantuan Guaman 1971

Justeru, berdasarkan peruntukan undang-undang di atas, perkara berkaitan khidmat bantuan guaman kepada masyarakat umum terutamanya yang berpendapatan kurang daripada RM30,000 setahun telah diperuntukkan di bawah Akta Bantuan Guaman 1971 dan Peraturan-Peraturannya dengan bayaran sebanyak Ringgit Malaysia: Sepuluh Ringgit Sahaja (RM10.00).

Sehubungan dengan itu, wanita negeri Johor yang memerlukan bantuan guaman bagi kes perundungan sivil dalam rumah tangga, mereka hendaklah merujuk kepada **Jabatan Bantuan Guaman** yang melibatkan kos yang lebih rendah. Walau bagaimanapun, YPKDT tetap prihatin kepada permasalahan dan konflik kekeluargaan di kalangan masyarakat negeri Johor. Oleh yang demikian YPKDT telah merancang pelbagai program dan inisiatif pada tahun 2023 sepertimana berikut:

1. Program Galakan & Pengiktirafan Pesona Johor
2. Sinergi Pemerksaan NGO Wanita Johor (SPEAK)
3. Karnival Pesona Johor 2023
4. Program Intervensi Kaunseling & Komuniti MIND-X

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB CIK LIOW CAI TUNG (JOHOR JAYA)

SOALAN B89

Apakah status perbincangan bagi Kerajaan Negeri dalam Jawatankuasa Pilihan Menambah Baik Persempadanan Pilihan Raya Johor atas persempadanan semula DUN memandangkan pengundi yang semakin bertambah?

JAWAPAN YAB MENTERI BESAR

Untuk makluman Yang Berhormat Johor Jaya, satu taklimat sesi libat urus pelaksanaan pengundi 18 tahun dan pendaftaran pemilih secara automatik kepada Ahli-Ahli Yang Berhormat Dewan Negeri Bagi Penggal Ke-14 oleh Suruhanjaya Pilihan Raya (SPR) Malaysia telah diadakan pada 19 Januari 2022 di mana sesi soal jawab berkaitan dengan pertambahan pengundi dan persempadanan semula telah dibicarakan.

Jawatankuasa mengambil maklum akan perkara ini dan akan mengadakan mesyuarat dalam jangka masa terdekat setelah perbincangan lanjut dengan pihak Suruhanjaya Pilihan Raya diadakan.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB CIK LIOW CAI TUNG (JOHOR JAYA)

SOALAN B90

Sila nyatakan status dan rancangan bangunan terbengkalai di kawasan Johor Jaya khususnya Medan Selera Desa Harmoni dan bangunan terbiar di Jalan Rosmerah 2/18.

JAWAPAN YB DATO' HAJI MOHD. JAFNI BIN MD. SHUKOR

Bangunan Medan Selera Desa Harmoni telah dibina di atas Rizab Gerai dan di bawah selenggaraan Majlis Bandaraya Johor Bahru (MBJB). Sebelum ini, ia pernah disewakan dan beroperasi. Walau bagaimanapun, disebabkan lokasinya di bahagian belakang kedai dan kurang mendapat sambutan, akhirnya bangunan tersebut telah kosong dan tiada lagi penyewa sejak 2010.

Manakala Bangunan Gerai Medan Selera di Jalan Rosmerah 2/18 pula telah tamat tempoh hak pengurusannya oleh satu syarikat sejak dari 2020 lagi.

Beberapa cadangan oleh syarikat-syarikat telah dikemukakan dan pihak MBJB telah membuat penelitian, akan tetapi tidak bersesuaian dengan cadangan naik taraf dan pembangunan mengikut spesifikasi yang diperlukan. Pihak MBJB telah menyediakan draf *Request For Proposal* (RFP) bagi menaiktaraf dan membangunkan kedua-dua bangunan ini dan akan membuat tender terbuka kepada syarikat-syarikat yang berminat dan berkelayakan untuk menguruskan bangunan-bangunan tersebut.

Untuk makluman Ahli-Ahli Yang Berhormat, kedua-dua Bangunan tersebut adalah terlalu lama, dan tidak sesuai lagi digunakan secara menyeluruh, maka cadangan sebagaimana dalam *Terms Of Reference* RFP berkenaan adalah supaya dirobohkan bangunan-bangunan tersebut dan dicadangkan untuk dibangunkan Gerai/Medan Selera/Pusat Makanan yang bersesuaian dengan konsep yang diingini dan selaras dengan rizab kawasan tersebut iaitu Rizab Gerai.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB CIK LIOW CAI TUNG (JOHOR JAYA)

SOALAN B91

Nyatakan status terkini kerja-kerja naik taraf Lebuhraya Pasir Gudang.

JAWAPAN YB TUAN IR. TS. MOHAMAD FAZLI BIN MOHAMAD SALLEH

Untuk makluman Yang Berhormat, kemajuan semasa sehingga 29hb Ogos 2023 bagi Projek Naiktaraf Lebuhraya Pasir Gudang (FT17) Daripada Empat Lorong Kepada Enam Lorong Johor – Fasa 2B: Dari Persimpangan Bandar Seri Alam / Taman Rinting ke Pasir Gudang yang telah bermula pada 25hb Oktober 2022 oleh kontraktor Tiya Bina Sdn Bhd adalah sebagaimana berikut:

Peratus Jadual Kemajuan	:	9.47% (sehingga 29-08-2023)
Peratus Sebenar Kemajuan	:	7.28% (sehingga 29-08-2023)
Kemajuan Kerja Fizikal	:	17 hari Lewat (sehingga 29-08-2023)

Kerja-kerja awalan masih berjalan ditapak. Laluan projek ini bermula dari persimpangan Bandar Seri Alam / Taman Rinting Lebuhraya Pasir Gudang (FT17) sehingga persimpangan Pasir Gudang dicadangkan untuk dinaiktaraf daripada 4 lorong 2 hala kepada 6 lorong 2 hala dengan jumlah panjang jalan adalah 5.5 KM.

Satu lagi projek telah diluluskan di Lebuhraya Pasir Gudang adalah projek Menaik Taraf Lebuhraya Pasir Gudang (Ft 17) Fasa 3 : Dari Persimpangan Bertingkat Perling Hingga Ke Susur Naik Lebuhraya Utara Selatan, Pasir Gudang, Johor yang telah diluluskan dalam Rolling Plan ke 3 Rancangan Malaysia ke 12 (RP3 RMK 12) yang lepas. Pada masa ini, pihak Ibu Pejabat JKR Malaysia sedang melaksanakan proses perolehan bagi perlantikan perunding dan jurukur sebelum kerja-kerja rekabentuk dapat dilaksanakan.

Antara skop kerja yang terlibat adalah seperti berikut:

- Menaiktaraf daripada 4 Lorong kepada 6 Lorong piawai U5 sepanjang 7km
- Pembinaan semula struktur turapan jalan sedia ada
- Pelebaran/ Membina Baru 2 jambatan.
- Menaiktaraf pusingan U
- Kerja-kerja geoteknikal termasuk pembinaan dinding penahan konkrit
- Menaiktaraf sistem saliran
- Lain-lain kerja berkaitan

Selain itu, kerja-kerja pembinaan di tapak bagi projek ini dijangka akan bermula pada bulan Disember 2024.

Sekian, terima kasih.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN CHEW CHONG SIN (MENGKIBOL)

SOALAN B92

Mohon senaraikan jumlah penerima e-Kasih mengikut setiap daerah yang terkini pada 2023.

JAWAPAN YB PUAN HAJAH KHAIRIN-NISA BINTI ISMAIL @ MD ON

Sehingga 4 September 2023, statistik Ketua Isi Rumah (KIR) e-Kasih Miskin dan Miskin Tegar mengikut daerah di negeri Johor adalah seperti berikut:

Daerah	Miskin Tegar	Miskin	Jumlah
Johor Bahru	658	1,613	2,271
Kota Tinggi	606	1,451	2,057
Batu Pahat	523	1,558	2,081
Muar	487	1,220	1,707
Segamat	443	898	1,341
Pontian	369	1,034	1,403
Kulai	316	771	1,087
Tangkak	260	800	1,060
Mersing	223	853	1,076
Kluang	92	357	449
Jumlah	3,977	10,555	14,532

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN LIEW CHIN TONG (PERLING)

SOALAN B93

Nyatakan garis masa proses pemindahan dan serahan balik Taman Rekreasi Bukit Indah daripada pihak pemaju SP Setia kepada Majlis Bandaraya Iskandar Puteri (MBIP) berikutnya lawatan Datuk Bandar MBIP pada 20 Ogos 2023.


JAWAPAN YB DATO' HAJI MOHD. JAFNI BIN MD. SHUKOR

Bagi tujuan serah selenggara kawasan landskap kepada pihak Majlis Bandaraya Iskandar Puteri (MBIP), pihak pemaju/pemilik perlu mengemukakan permohonan serah selenggara kepada pihak mbipuntuk tindakan lawatan tapak dan pelaporan dengan syarat tapak pembangunan ini telah mendapat sokongan CFO/CCC sekurang-kurangnya 1 tahun.

Permohonan sokongan CFO bagi Pembangunan Taman Rekreasi Bukit Indah ini telah disokong pada 3 Mei 1998 dan tiada permohonan serah selenggara tapak telah dikemukakan oleh pihak pemaju/pemilik selain tapak telah diselenggara dengan baik dan memuaskan oleh pihak pemaju, Bukit Indah (Johor) (anak Syarikat SP Setia) sehingga ke hari ini. Segala perkara berkaitan aduan telah disalurkan kepada pihak pemaju, Bukit Indah (Johor) dan telah diambil tindakan yang sewajarnya oleh pihak pemaju. Berikut adalah carta alir (secara am) bagi permohonan serah selenggara landskap kepada pihak Majlis Bandaraya Iskandar Puteri (MBIP):

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

**MANUAL PROSEDUR PERMOHONAN SERAH SELENGGARA
DARIPADA PEMAJU**



Pihak Majlis Bandaraya Iskandar Puteri (MBIP) tiada halangan ke atas penyerahan penyelenggaraan Taman Rekreasi Bukit Indah ini dengan syarat pihak pemaju/pemilik perlu mengemukakan permohonan serah selenggara tapak kepada pihak MBIP dan segala kerja-kerja pembetuan sepertimana lawatan tapak yang akan diadakan kelak perlu diambil tindakan oleh pihak pemaju/pemilik sebelum pihak MBIP bersetuju mengambil alih tapak dalam tempoh masa yang ditetapkan.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN LIEW CHIN TONG (PERLING)

SOALAN B94

Nyatakan tahap peratusan kemajuan kerja dan tarikh jangka siap kerja terkini bagi projek naik taraf jalan dan paip air di Jalan Tan Hiok Nee supaya kerja disiapkan dalam tempoh ditetapkan tanpa lanjutan masa supaya peniaga dapat menjalankan aktiviti perniagaan tanpa gangguan.

JAWAPAN YB TUAN IR. TS. MOHAMAD FAZLI BIN MOHAMAD SALLEH

Untuk makluman, projek menaiktaraf jalan dan sistem paip di Jalan Tan Hiok Nee telah dibahagikan kepada 3 fasa bagi mengurangkan gangguan dan kesesakan melibatkan aliran jalan di Bazar Karat JB.

Menerusi perancangan Fasa 1 dan Fasa 3 melibatkan penggantian paip bersaiz 100m paip telah selesai dilaksanakan bagi kerja penggantian paip bersama kerja-kerja *tapping* kepada pengguna.

Sehingga hari ini, kemajuan keseluruhan kerja adalah sebanyak 63% dan masih mengikut jadual perancangan yang dipersetujui bersama pihak Majlis Bandaraya Johor Bahru (MBJB). Manakala, bagi Fasa 2, baki kerja penyiapan paip bersaiz 100m paip bagi penyempurnaan keseluruhan melibatkan paip bersaiz 300m di Jalan Tan Hiok Nee akan diserahkan kepada Ranhill SAJ berkuatkuasa pada 1hb Disember 2023 dan bermula dari serahan permit tersebut, Ranhill SAJ menjangkakan projek penggantian paip bagi kawasan tersebut akan akan mengambil masa sehingga 2 minggu.

Walau bagaimanapun, ia masih terikat kepada status kemajuan kerja oleh pihak kontraktor lantikan MBJB, dan keseluruhan projek akan dapat disempurnakan pada 28hb Februari 2024.

Sekian, terima kasih.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN LIEW CHIN TONG (PERLING)

SOALAN B95

Nyatakan perancangan untuk menggantikan paip bekalan air bersih yang telah uzur oleh pihak Syarikat Air Johor (SAJ) bagi mengatasi masalah kebocoran air dan isu tekanan air rendah, terutamanya di kawasan Taman Tasek dan Taman Perling, Johor Bahru.

JAWAPAN YB TUAN IR. TS. MOHAMAD FAZLI BIN MOHAMAD SALLEH

Untuk makluman Yang Berhormat, menurut rekod aduan kebocoran dan aduan paip pecah bagi kawasan Taman Perling serta kawasan Taman Tasek adalah masih lagi boleh diklasifikasikan berada dalam julat yang kecil berbanding kawasan-kawasan di daerah-daerah lain.

Malah, melalui semakan ditapak serta maklumat operasi di kedua-dua kawasan tersebut mendapati bahawa kawasan ini bukan dikategorikan sebagai kawasan bertekanan rendah dan kebanyakkan gangguan bekalan air yang berlaku ini adalah bersifat gangguan tidak terancang/sementara disebabkan oleh kejadian paip pecah atau jika gangguan terancang adalah atas faktor penutupan sementara Loji Rawatan Air (LRA) bagi memberi laluan kerja-kerja peyelenggaraan berjadual dilaksanakan.

Namun begitu, menerusi Rancangan Penggantian Paip Baharu bagi tempoh Operasi Perniagaan (OP4-21) yang melibatkan sambungan paip sepanjang 15.1km serta 2,595 sambungan kepada pengguna di DMA NW32D iaitu melibatkan kawasan Taman Perling D akan dilaksanakan pada hujung tahun ini (2023) dan awal tahun hadapan (2024).

Sekian, terima kasih.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN LIEW CHIN TONG (PERLING)

SOALAN B96

Jelaskan tindakan penguatkuasaan yang boleh diambil terhadap lori-lori yang diletak di bahu jalan di kawasan DUN Perling, terutamanya di sepanjang Jalan Sutera Ros 12/1 yang menjadi punca kesesakan jalan dan membahayakan pengguna jalan raya.

JAWAPAN YB DATO' HAJI MOHD. JAFNI BIN MD. SHUKOR

Sepanjang tahun 2023 pihak Majlis Bandaraya Iskandar Puteri (MBIP) telah menerima sebanyak 179 aduan berkaitan kenderaan berat di dalam kawasan MBIP dan sebanyak 90 notis, 87 kompaun telah dikeluarkan setakat Ogos 2023. Di bawah Undang-Undang Kecil Taman MDJBT 1987 (meletakkan kenderaan berat melebihi 2 tan di dalam kawasan taman perumahan).

Selain itu, 31 Julai 2023 pihak MBIP juga telah mengadakan Operasi Bersepadu Tindakan Notis Kenderaan Berat bersama PDRM & JPJ. Hasil daripada operasi itu sebanyak 8 saman PDRM, 9 saman JPJ dan 11 kompaun MBIP telah dikeluarkan.

Tindakan penguatkuasaan secara bersepadu boleh dilaksanakan oleh pihak penguatkuasaan MBIP bersama-sama agensi terlibat seperti Jabatan Pengangkutan Jalan (JPJ), Polis Diraja Malaysia (PDRM) dan Agensi Pengangkutan Awam Darat (APAD). Pihak penguatkuasaan MBIP juga telah merancang untuk melaksanakan operasi bersepadu kenderaan berat pada 12 September 2023.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN LIEW CHIN TONG (PERLING)

SOALAN B97

Jelaskan jumlah peruntukan dan jenis penyelenggaraan yang telah diluluskan untuk PPR Melana Indah Fasa 1 dan 2.

JAWAPAN YB DATO' HAJI MOHD. JAFNI BIN MD. SHUKOR

Jumlah peruntukan dan jenis penyelenggaraan yang telah diluluskan bagi PPR Melana Indah Fasa 1 & 2 sebagaimana berikut :

PPR Melana Indah Fasa 1

BIL	JENIS PENYELENGGARAAN	PERUNTUKAN
1	Bayaran bagi Perkhidmatan Pengurusan Fasiliti Dan Penyelenggaraan Bangunan Program Perumahan Rakyat (PPR) Melana Indah Fasa 1, Johor Bahru, Johor	RM801,000.00
2	Bayaran bagi Kerja-Kerja Pembaikan Dan Penyelenggaraan 3 Unit Lif Di Blok 5, PPR Melana Fasa 1	RM950,000.00
3	Bayaran bagi Kerja-Kerja Pembaikan Dan Penyelenggaraan 3 Unit Lif Di Blok 6, PPR Melana Fasa 1	RM950,000.00
4	Bayaran bagi Kerja-Kerja Pembaikan Dan Penyelenggaraan 3 Unit Lif Di Blok 7, PPR Melana Fasa 1	RM950,000.00
5	Bayaran bagi Penyelenggaraan Lif PPR Melana Indah Fasa 1 (12 Bulan)	RM105,840.00
6	Bayaran bagi Kerja-Kerja Pemasangan Barrier Gate Dan Kelengkapan Lain Serta Naiktaraf Kawasan Tempat Letak Kenderaan Di PPR Melana Indah Fasa 1 & 2	RM400,000.00
7	Bayaran Utiliti TNB	RM1,111,745.10
8	Bayaran Utiliti SAJ	RM165,638.04
JUMLAH		RM5,034,223.14

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

PPR Melana Indah Fasa 2

BIL	JENIS PENYELENGGARAAN	PERUNTUKAN
1	Perkhidmatan Pengurusan Fasiliti Dan Penyelenggaraan Bangunan Program Perumahan Rakyat (PPR) Melana Indah Fasa 2, Johor Bahru, Johor	RM879,700.00
2	Bayaran bagi Kerja-Kerja Menaiktaraf Pusat Jagaan Kanak-Kanak "Jauhar Childcare Centre" (JCC) Di PPR Melana Indah Fasa 2	RM150,000.00
3	Bayaran bagi Penyelenggaraan Lif PPR Melana Indah Fasa 2 (12 Bulan)	RM113,760.00
4	Bayaran Utiliti TNB	RM1,111,745.10
5	Bayaran Utiliti SAJ	RM227,253.60
JUMLAH		RM2,482,458.70

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB TUAN CHEW CHONG SIN (MENGKIBOL)

SOALAN B98

Mohon statistik aduan yang dikemukakan oleh orang awam menggunakan SISPAA Majlis Perbandaran Kluang, termasuk peratusan aduan yang diselesaikan.

JAWAPAN YB DATO' HAJI MOHD. JAFNI BIN MD. SHUKOR

SISPAA merupakan sistem pengurusan aduan awam yang telah diwujudkan oleh Biro Pengaduan Awam (BPA) dan telah dipanjangkan penggunaannya kepada semua agensi Kerajaan termasuk Pihak Berkuasa Tempatan (PBT). Majlis Perbandaran Kluang telah menggunakan Sistem Pengurusan Aduan Awam (SISPAA) bermula Bulan Jun tahun 2021. Statistik Penggunaan SISPAA adalah sebagaimana berikut:

Bil.	Tahun	Statistik Aduan (%)		Jumlah Aduan
		Selesai	Belum Selesai	
1	2021	1,152 (79.78)	292 (20.22)	1,444
2	2022	1,373 (86.41)	216 (13.59)	1,589
3	2023 (Sehingga Ogos)	988 (79.87)	249 (20.13)	1,237
Jumlah Keseluruhan		3,513	757	4,270

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

**YB TUAN CHIONG SEN SERN (BUKIT BATU)
SOALAN B99**

Adakah Kerajaan Negeri Johor berhasrat untuk membuka sebuah klinik kesihatan yang baharu di DUN Bukit Batu untuk menangani kesesakan pesakit di Klinik Kesihatan Bukit Liki?

JAWAPAN YB TUAN LING TIAN SOON

Jabatan Kesihatan Negeri Johor sentiasa berusaha untuk menambah baik tahap kualiti perkhidmatan kesihatan dan kemudahan infrastruktur fasiliti kesihatan terutama di dalam DUN Bukit Batu. Pada masa kini, Klinik Desa Kelapa Sawit sedia telah dinaiktaraf kepada Klinik Kesihatan Kelapa Sawit (KK Jenis 5) dan telah beroperasi pada awal bulan Januari 2023 yang lalu.

Menyedari peningkatan penduduk yang mendadak, Pejabat Kesihatan Daerah Kulai telah merancang untuk menaiktaraf Klinik Desa Kg Bukit Batu kepada Klinik Kesihatan Jenis 5 menampung bilangan kedatangan pesakit yang meningkat dan bagi memperluaskan perkhidmatan penjagaan kesihatan kepada penduduk sekitar. Walau bagaimanapun terdapat beberapa isu / kekangan dari aspek keluasan tapak tanah klinik desa ada tersebut yang kecil dan tiada rizab tanah Persekutuan lain yang tersedia di dalam DUN Bukit Batu untuk dicadangkan bagi pembinaan klinik kesihatan baru.

Pihak JKN Johor akan terus berusaha untuk merancang pembinaan baru dan menaik taraf semua fasiliti klinik kesihatan mengikut keperluan setempat berdasarkan kemampuan kewangan Kerajaan Persekutuan dan memenuhi keutamaan Unit Perancang Ekonomi pada masa hadapan.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

**YB TUAN CHIONG SEN SERN (BUKIT BATU)
SOALAN B100**

Bagaimana Kerajaan Negeri Johor dapat menggalakkan dan menyokong penglibatan anak muda dalam bidang GIG ekonomi termasuk dalam urusan mendapatkan pembiayaan?

JAWAPAN YB TUAN MOHD HAIRI BIN MAD SHAH

Kerajaan Negeri disarankan untuk memberi fokus kepada pengembangan model ekonomi gig atau perkongsian yang bernilai tinggi bagi membolehkan pekerja gig mendapat bimbingan sewajarnya dengan menyediakan insentif percukaian bagi menggalakkan perniagaan tempatan menggunakan pakai tenaga 'digital freelancer' dari dalam negara dan bukannya dari luar negara.

Setiap inisiatif perlu dilaksanakan oleh kerajaan dengan lebih saksama untuk memberi rangsangan terhadap keberdayaan sumber merentas sempadan kaum.

Ini termasuk memastikan semua platform yang ingin menawarkan perkhidmatan atau beroperasi di Malaysia perlu berdaftar dengan pihak kerajaan menerusi MDEC untuk ditentusahkan terutamanya dari aspek pengurusan data peribadi, kerajaan menerusi institusi kewangan juga boleh membantu perkembangan pekerja gig menerusi kaedah baharu untuk mengenal pasti skor kredit bagi membolehkan mereka mendapat pembiayaan mikro kredit untuk mengembangkan perniagaan.

MDEC merupakan agensi yang bertanggungjawab melaksanakan beberapa program yang mempromosi dan menggalakkan penggunaan model Ekonomi Gig atau Ekonomi Perkongsian sejak 2015 seperti program eRezeki dan Global Online Workforce (GLOW).

Berdasarkan data pelaksanaan program, dianggarkan terdapat seramai 1.12 juta individu yang terlibat dalam model Ekonomi Gig, mengambil peluang menjana pendapatan sama ada sebagai pendapatan tambahan atau pendapatan utama.

Antara Langkah yang dicadang untuk dilaksanakan bagi Memperkasa Pelbagai Program Bantuan Perniagaan Bagi Membantu Penggiat Ekonomi Gig Baru dan Melonjakkan Usahawan Sedia Ada Ke Tahap Yang Lebih Tinggi menerusi :-

1. Menjalankan program penganalisaan potensi golongan Muda seawal 16 tahun dengan kerjasama pihak Sekolah dan institusi pendidikan.
2. Mewujudkan program "*Design Thinking for Teen and Youth*" yang memberi peluang kepada golongan remaja dan Belia untuk mencipta idea Inovasi khusus dalam penghasilan produk pertanian dan pembuatan yang mempunyai nilai untuk dikomersilkan dan direalisasikan.
3. Mewujudkan Johor Teen and Youth Entreprenur Centre (JTYEC) sebagai salah satu Pusat sehenti keusahawan yang merangkumi Teen and Youth Innovation Brainstorming

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

Unit, Teen and Youth Entrepreneurs R&D, Teen and Youth E-commerce and Digitalization Centre, Teen and Youth Entrepreneurs Ambassador Unit.

4. Menstruktur Pelan Keusahawanan remaja dan Belia luar bandar, merangkumi remaja dan Belia kecinciran, remaja dan Belia anak yatim, remaja dan Belia asnaf yang memfokuskan pembuatan produk dan pertanian.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

**YB TUAN CHIONG SEN SERN (BUKIT BATU)
SOALAN B101**

Bagaimanakah Kerajaan Johor mengiktiraf pusat ibadat bukan Islam seperti tokong dan kuil?

JAWAPAN YB TUAN LING TIAN SOON

Untuk makluman Yang Berhormat, merujuk kepada surat pekeliling Jawatankuasa Kerja Keselamatan Negeri Johor (JKKNJ) Bil. 2/98, pusat ibadat bukan Islam perlu mematuhi syarat-syarat dan peraturan-peraturan bagi memproses permohonan pembinaan, pemulihan, pengubahsuaian dan pembesaran bangunan. Semua permohonan bagi rumah ibadat bukan Islam perlu mendapat kelulusan JKKN terlebih dahulu dan melalui pertubuhan agama yang telah dan masih berdaftar dengan Pendaftar Pertubuhan Negeri Johor. Permohonan dari orang perseorangan ataupun Syarikat adalah tidak dipertimbangkan. Semua permohonan hendaklah dibuat melalui borang rasmi dan memenuhi syarat-syarat yang ditetapkan oleh Kerajaan Negeri untuk diiktiraf.

Syarat-syarat permohonan:

1. Semua bangunan rumah kediaman dan rumah kedai tidak boleh digunakan sebagai bangunan untuk tujuan ibadat bukan Islam.
2. Permohonan tidak dibenarkan mendirikan atau mencadangkan supaya bangunan untuk tujuan ibadat bukan Islam didirikan di atas tanah kerajaan termasuk semua tanah rizab kerajaan.
3. Cadangan pembinaan bangunan ibadat bukan Islam hendaklah tidak dibuat berdekatan dengan rumah-rumah ibadat orang-orang Islam dan kawasan kediaman majoriti orang Islam.
4. Permohonan untuk membina, memulih, membesarkan dan mengubahsuaikan bangunan untuk tujuan ibadat bukan Islam hendaklah mengambil kira saiz dan reka bentuk rumah-rumah ibadat orang-orang Islam secara am dan khususnya di kawasan berkenaan.
5. Bentuk bangunan untuk tujuan ibadat bukan Islam yang dicadangkan hendaklah tidak berunsur Islam/Melayu.
6. Permohonan bagi taman peringatan hanya boleh dikemukakan oleh pertubuhan yang berdaftar dengan Pendaftar Pertubuhan dan Syarikat yang berdaftar dengan Pendaftar Syarikat.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

**YB TUAN CHIONG SEN SERN (BUKIT BATU)
SOALAN B102**

Apa jenis pelaburan-pelaburan yang menjurus kepada pembangunan ekonomi anak muda, terutamanya di kawasan DUN Bukit Batu yang boleh dibawakan ke dalam kawasan saya terutamanya dari segi pertanian, ekonomi GIG, perindustrian automotif dan keusahawanan?

JAWAPAN YB TUAN LEE TING HAN

Dengan kemasukkan beberapa pelaburan pusat data berskala di beberapa daerah di negeri Johor, ianya akan memberi limpahan kepada daerah-daerah yang bersempadan di Daerah Kulai dan Johor Bahru. Pelaburan berteknologi tinggi dan berimpak besar akan mendominasi tren pelaburan di Negeri Johor untuk tahun-tahun mendatang.

Bergerak seiring dengan Revolusi Industri 4.0, ekonomi GIG sudah mula kelihatan kesannya di Malaysia amnya dan di negeri Johor khususnya. Antara perkhidmatan yang cukup popular melibatkan sharing economy ini adalah perkhidmatan penghantaran makan seperti FoodPanda, Grab Food, Bungkusit di mana pekerjaan sebagai *rider* cukup popular di kalangan anak muda untuk mencari wang tambahan mahupun kerja sepenuh masa. Kerja yang fleksibel, berpadanan dengan usaha dan bebas. Itu adalah intipati dan daya penarik mengapa ia menarik minat sesiapa sahaja tanpa mengira peringkat umur untuk mencubanya. Itu baru disentuh tentang peluang pekerjaan untuk golongan pekerjaan skil rendah (*low skill jobs*).

Bagi pekerjaan skill tinggi (*high skill jobs*) antara yang akan terlibat adalah *bookkeeper (accounting)*, *videografer*, *graphic designer*, *programmer* dan *SAP consultant*. Pekerjaan-pekerjaan tersebut adalah bayaran yang tinggi. Ianya akan menarik lebih ramai anak muda untuk terus menetap di DUN Bukit Batu walaupun syarikat induk berada di bandar-bandar besar. Selain daripada itu, sektor perkhidmatan juga terus mengungguli keperluan industri dimasa akan datang dan dijangka plot perubahan ini akan terus meningkat.

Selain itu, industri berasaskan pertanian moden juga boleh diterokai memandangkan ianya amat penting untuk kesinambungan Sekuriti Makanan Negara. Memandangkan DUN Bukit Batu mempunyai simpanan tanah pertanian yang mencukupi, Kerajaan Negeri boleh menarik lebih banyak pemain industri yang berpotensi terutama di bidang pertanian untuk melabur industri pertanian moden secara besar-besaran.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

YB DATUK HAJI RAMLEE BIN BOHANI (KEMPAS)

SOALAN B103

Apakah program yang telah atau akan dirancang oleh Kerajaan Negeri bagi membantu mereka yang menghadapi masalah kesihatan mental seperti *anxiety disorders*, Depresi dan *schizophrenia*?

JAWAPAN YB TUAN LING TIAN SOON

Masalah kesihatan mental serta tekanan emosi merupakan isu kesihatan awam yang penting. Pertubuhan Kesihatan Sedunia (WHO) melaporkan kes kebimbangan dan kemurungan di seluruh dunia telah meningkat lebih 25 peratus disebabkan pandemik COVID-19. Menerusi taklimat saintifik, organisasi ini mendedahkan terdapat peningkatan sebanyak 25.6 peratus dalam kes keceluaran keresahan (*anxiety disorder*) di seluruh dunia manakala terdapat peningkatan sebanyak 27.6 peratus dalam kes keceluaran episod kemurungan major atau *Major Depressive Disorder* (MDD) pada 2020.

Penyakit mental juga merupakan salah satu penyebab utama kehilangupayaan. Masalah Kesihatan Mental menyumbang sebanyak 8.6% daripada jumlah keseluruhan *Disability-Adjusted Life Years* (DALYS).

Aktiviti yang telah dijalankan:

1. MENTARI merupakan penyampaian perkhidmatan kesihatan yang inovatif. Di Johor, 5 MENTARI telah ditubuhkan dan beroperasi di Masai, Pekan Nenas, Segamat, Mersing, Muar dan Batu Pahat. Sistem portal MENTARI disediakan untuk memudahkan akses pesakit psikiatri untuk mendapat temujanji dengan mudah dan cepat.
2. Program pendidikan penyakit psikiatri dan program Sokongan Kekeluargaan seperti Program *Circle of Hope* (COH) telah dijalankan dengan di MENTARI.
3. Bagi memperkasakan perkhidmatan primer, Bengkel *Mental Health Gap* (MH Gap) dan Mesyuarat bersama PKD Johor Bahru dan Pontian telah diadakan dua bulan sekali bagi memastikan pesakit psikiatri dapat rawatan yang cepat, berkesan dalam komuniti dan seterusnya dapat mengurangkan stigma kepada pesakit. Berbagai Program Saringan, Promosi Kesihatan Mental, Sambutan Hari Kesihatan Mental Sedunia dilakukan dengan kolaborasi Kesihatan Awam untuk masyarakat setempat.
4. Program Sokongan Pekerjaan (*Supported Employment*) dan RESTART bersama Perkeso membantu pemulihan pesakit psikiatri mendapat pekerjaan dan dengan sokongan pekerjaan membantu mereka kekal dalam pekerjaan di pasaran terbuka dan boleh berdikari dan berintegrasi semula dalam masyarakat.
5. Program Sokongan Perumahan (*Supported Accommodation*) seperti SHARe di Program Perumahan Rakyat Kempas membantu pesakit psikiatri mengatasi masalah gelandangan dengan menduduki rumah yang selesa dan mampu sewa. Program

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

Sokongan Perumahan dan Sokongan Pekerjaan membantu pesakit psikiatri sembuh dan berdikari.

Program akan dijalankan berkaitan *depression, anxiety dan schizophrenia*

1. Mengadakan MENTARI bagi jabatan psikiatri di hospital yang belum ada MENTARI seperti Hospital Sultanah Aminah dan Hospital Sultan Ismail di Johor Bahru dan Hospital Enche Besar Hajjah Khalsom, Kluang.
2. *Gatekeeper training* melibatkan pemimpin masyarakat, majikan dan ibubapa untuk mengesan awal penyakit mental dan menangani tingkah laku bunuh diri.
3. Memperuntukan buget khusus untuk membina modul seragam dan melatih sukarelawan yang akan membantu menangani isu cedera/ bunuh diri di kalangan golongan remaja, seperti menerusi program di sekolah dan keibubapaan.
4. Menjalankan kempen anti stigma dan pengesanan awal penyakit mental (Promosi Minda sihat) di tempat kerja, jabatan kerajaan dan swasta serta sektor korporat/industri.

Di Bahagian Kesihatan Awam, Jabatan Kesihatan Negeri Johor, semua kes yang didiagnosa sebagai *anxiety disorder, depression atau schizophrenia* akan dirawat terlebih dahulu di Klinik Kesihatan sama ada secara farmakologi dan bukan farmakologi. Klien akan hadir untuk rawatan berkala dan bagi kes yang sukar dirawat akan dirujuk kepada Unit Psikiatrik di Hospital.

**SOALAN-SOALAN BERTULIS BAGI MESYUARAT KETIGA
BAGI PENGGAL PERSIDANGAN KEDUA DEWAN NEGERI JOHOR YANG KE-15
PADA HARI KHAMIS, 14 SEPTEMBER 2023**

**YB TUAN HAJI MOHD YUSLA BIN ISMAIL (SENGGARANG)
SOALAN B104**

Apakah perancangan kerajaan negeri untuk meningkatkan taraf ekonomi rakyat di Batu Pahat khususnya di Senggarang bagi mengurangkan miskin tegar?

JAWAPAN YB PUAN HAJAH KHAIRIN-NISA BINTI ISMAIL @ MD ON

**MAKLUM BALAS AKAN DIBERIKAN KEPADA YANG BERHORMAT SECARA TERUS
DARIPADA YB EXCO YANG BERKENAAN.**